

Universitätsbibliothek Wuppertal

Danielis Chamieri Delphinatis Panstratiæ Catholicæ, sive Controversiarvm De Religione Adversvs Pontificios Corpvs.

Tomis quatuor distributum. : cum indicibvs necessariis.

De Homine Corrvpto et Instavrato

Chamier, Daniel

[Frankfurt], 1627

Liber decimusquartus, De operibus

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechteinweises genutzt werden. Informationen zum Lizenz-/Rechteinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-885](https://nbn-resolving.org/urn:nbn:de:hbz:468-1-885)

LIBER DECIMVS QVARTVS,

De

O P E R I B V S.

Caput Primum.

DE MERITO, PAPISTARVM SENTENTIA.



ET INUIT nos Fides: nunc opera bona. Hoc autem nomine venit quicquid ad mores pertinet Christianos, actusque Sanctificationis, siue iustitiæ inhærentis, qua in admittendo, qua in omittendo: breuiter, quicquid opponitur peccato, conforme existens officio viri fidelis adulti, pollicitusque iam liberi arbitrij vtu. Disputationis erunt partes: De Merito Operum prima: De Necessitate, altera.

II. De Merito disputant, Hosius Confessio. cap. 68. Petrus Auratus, Parad. 46. Latomus, libr. de Fide & Operibus: & aduersus Tindallum, libris tribus Ioannes Antonius Delphinus, extremo libro de Iustificatione. Lindanus Panopliae libr. 3. cap. 20. & sequ. Ioannes à Dauentria, refutatione articuli 6. Confessionis Augustanæ. Viruesius. Philipp. 4. & sequ. Tapperus ad artic. 11. Arboreus, Theosophiæ libr. 3. cap. 15. Alphonsus de Castro aduersus hæreses, de Fiducia, de Merito, & de Operibus, hæresi 4. Sanderus, de Iustificatione lib. 6. cap. 6. Dominicus à Soto, de Natura & Gratia libr. 3. cap. 7 & sequ. Franciscus Romæus, de Libertate & necessitate Operum, Veritate 22. Bellarminus, de Iustificatione libr. 5. Costerus, Enchiridij cap. 7. Salmero, ad Galatas disput. 15. & tribus deinceps. Pererius, ad Roman. disput. 5 in cap. 2. & 6. disputat. quinque post. Greg. de Valentia, commentariorum in Thomam, tom. 2. disput. 8. quæst. 6. & libri de Diuina gratia cap. vltim. Antonius Porfanus, contra Saluæum. Ioannes Bunderius à Gandauo, in compendio concertationis tit. 6. Becanus, tom. 1. opuscul. 6. cap. 3. & opuscul. 7. Valques in 1. 2. disput. 213. Bailius, Catechismi part. 4. quæstione 17. Abras de Raconis, in responso ad quatuor Ministros.

III. Disputarunt & isti. Caluinus, Institutionis libr. 3. cap. 15. Chemnitius, Examinis part. 1. de Bonis operibus. qu. 5. Wolfgangus Musculus in locis communibus, de Meritis erga Deum. Beza, responso ad duos Apostatas, cap. 2. Amandus Polanus, Syntagmatis Theologici lib. 8. c. 10. David Paratus contra Bellarminum, de Iustificatione. Riuetus, Summæ controuersarum, tract. 4. q. 17.

IV. Meritum Papistæ definiunt actionem liberam, cui merces debeat ex iustitia. Ita enim Costerus. Dici autem in vtramque partem, tum bonam, tum malam: Mereri enim alium pœnas, alium præmia. Et meritum quidem pœnarum volebant Scholastici proprio nomine Demeritum dicere, sed ex mera ignoratione Latinitatis ridiculi. Porro hac disputatione tota, non nisi in bonum sumi. Vnde Gregorio de Valentia isti for. definitio: Opus liberum, bonum, ad alterum aliquam ratione spectans, quod proinde, secundum modum aliquem æqualitatis, siue iustitiæ, aliquo munere ab altero compensari debeat.

V. Huiusmodi meritum in bonam partem nominatum. distinxerunt in Congruum, & Condignum. Nam, qui subtiliores in Interpretatiuum, congruum, diguum, condignum, vix exaudiuntur. Et Delphinus Interpretatiuū, quo nomine continebantur opera alioquin bona, sed facta ex intentione nō bona, vti quis eleemosynam largitur murmurando; negat esse proprium meritum. Dignum autem sub condigno contineri. Imo Bellarminus hanc digni & Condigni distinctionem, nimis esse leuem pronunciat: & Alphonsus de Castro ex ignoratione Latinitatis. Itaque tandem residua sunt Congruum & Condignum: quorum haberi possit ratio.

VI. Congruum ergo definiunt, apud Soto de natura & Gratia lib. 2. c. 4. opus cui de iustitia non debeat merces, sed tantum ex congruitate quadam. Apud Altenstaig ex Gabriele: Actum libere electum, acceptatum ad aliquid retribuendum, non ex debito iustitiæ, sed ex sola acceptantis liberalitate. Apud Dauentriam: Quod non tam meretur suo opere, quam quod de sola largitoris liberalitate petenti obuenit. Itaque Altenstaig negat in eo exigere æqualitatem dignitatis, siue in operante, siue in opere, siue in retribuente. Quod si est, tum necessario reuocanda definitio meriti illa generalis apud Costerum, quæ debitum ex iustitia definiebat, aut certe negandum vllum esse meritum de congruo, quod maluit Dominicus à Soto.

VII. Iam meritum de Condigno, quod secum adfert rationem debiti & iustitiæ, apud Dominicum. Apud Altenstaig, pro quo exigitur præmium ex debito. Item, quod ita accipiunt benemeriti (verba sunt Ioannis à Dauentria) vt negare, iniustitiæ sit. Rursus apud Altenstaig. Actus est à voluntate elicitus, vel libere procedens ad præmium alicui secundum debitum iustitiæ retribuendum. Adde ex Caietano in 1. 2. q. 114. art. 3. Mereri ex condigno est mereri se, vt secundum iustitiam sibi debeat, ita quod iniustum esset non reddi mercedem merito ex condigno.

VIII. Breuiter Romæus merita hæc ita comparat, Nempe, si doctioribus creditur, illud dicitur esse meritum de condigno, cui merces reddenda est secundum iustitiam debitum: ita sane, vt inter meritum & mercedem attendatur æqualitas quantitatis, quemadmodum in commutatiua iustitia, puta tantum quantum. De congruo autem dicitur quis mereri, cum scilicet inter meritum & præmium, non paritas quantitatis, sed proportionis attenditur. Et illustrationis gratia, hypotyposin subiicit operarij diu. no denario condu-

cti. Huic enim deberi non nisi denarium, nempe ex condigno: Strenue tamen laboranti, non nihil superaddi ex liberalitate domini esse congruum.

IX. Iam, vt exactissimi rerum æstimatores esse voluerunt, æqualitatis etiam rationem non omiserunt scrutari. Altenstaig, hanc æqualitatem attendi, vel ex natura & conditione extrinseca actus & præmij: vel ex ordinatione, pacto, aut conuentione, aut promissione præmiantis. Et omnes docent non esse meritum quodcunque opus: sed duntaxat bonum: ac ne quidem quodcunque bonum, sed acceptatum, id est, gratum ei à quo præmium expectatur: & denique, non cuiusvis præmij, sed eius cui reddendo teneatur is à quo præstandum sit.

X. His ita in genere constitutis, tum vero bona opera definiunt omnes Papistæ esse merita. Eorum autem mercedem, tum gratiam primam, tum iustitiæ incrementum, tum vitam sempiternam: & in hac etiam augmentū gloriæ, cui aureolæ nomen indiderunt, ridicule captata occasione, ex Exodi 25. Et ipsi labio coronam interrasilem, altam quatuor digitis: & super illam, altæ ram coronam aureolam. Qua de re vide Supplementum Thomæ, q. 96.

XI. Sed quomodo merita? Bellarminus obseruat Thomam Valensem, & Paulum Burgensem, noluisse dici merita: siue ex congruo, siue ex condigno. Sed hos, credo, nemo est sequutus.

XII. Separant ergo opera, in ea quæ fiunt ante gratiam, & quæ post gratiam. Illa negant omnes, quod quidem sciam, esse merita ex condigno. Ex congruo ne igitur: Scindunt sese. Nam Soto negat. Sub hoc atatis, inquit, male audit hoc meritum congrui, ex puris naturalibus. Et disputat c. 4. li. 2. de Natura & Gratia. Latomus etiam, libro de Fide & Operibus, non tantum primam salutem negat cadere sub meritum operum: sed etiam opera præcedentia fidem & iustificationem, quicquam mereri, nisi pœnam. Sunt enim, inquit, mala, aut imperfecte bona. Quæ mala sunt, merentur supplicium: quæ autem vtrunque, bona, quia non perfecte bona sunt, nullum merentur præmium. Cui sententiæ videtur affinis Gropperus autor Enchiridij Colonienis, Vix hic cernere est vllam ex nobis meriti causam, nisi meriti vocabulo per carachresin propemodum abutamur, vt dicamus hominem credentem mereri iustificationem, non quidem ex obligatione, seu ex operibus quæ fecimus nos: cum ante iustificationem ad peccandum solum ex nobis valeamus, sed tantum ex condecentia, quod meritum congrui appellant. Nescio an & Andræus Orthodox. explicat. li. 6. Vel ipsum, inquit, congrui nomen indicat, non vere ac proprie meritum esse, cui quicquam iure debeat, sed quod Dei misericordia magis, quam iustitia innititur. Sed certe Greg. de Valentia in libro de Diuina gratia, inquit, sententiam eorum, qui tamen si non ex condigno, ex congruitate tamen dicunt nos gratiam primam promereri: per actus illos, quibus nos ultimo ad illam disponimus. Hosius Confessionis c. 37. Neque tamen desuerunt viri docti, qui meritum hoc, quod congrui vocatur, prorsus reiiciendum esse putarent, ne quid habere cum Pelagianis commune videretur.

XIII. Verum, reliqui aut omnes, aut ferme omnes in oppositam partem eunt Dauentria peccatorem nobis effingit nullius frangi: qui tamen coepit malitia suæ enormitatem secum in animo suo volutare, & detestari: indeque gemere, lachrymari, tundere pectus, orare, inedia se affligere, pauperibus succurrere, & omnem operam nauare, vt in gratiam tandem postliminio recipiatur. Istiusmodi, inquit, quis neget de congruo mereri iustificationem? Nihilominus opera eius, qualicunque tandem sint, non merentur, vt eorum intuitu Deus obligetur ei gratiam dare, vt iustam operum mercedem, sed pro effluentiissima sua largitate gratiam ei impartit, & peccatorum remissionem. Bellarminus etiam, lib. 1. de iustificat. c. 21. negat videre, cur hoc meritum non admittatur: quod tamen paulo ante notauit à Concilio Tridentino neque assertum, neque negatum.

XIV. Pronuntiat tamen idem Bellarminus in hoc suorum dissidio, quæstionem videri de solo meriti nomine: in quo rursus contradicente m habet Soto, qui diserte, Neque solum de nomine, sed de re quoque subesse quæstionem intelligo. Et vero Latomi dilemma, paulo ante relatum, non nomen suggillat, sed rem recta impetit.

XV. Quæ opera fiunt post acceptam gratiam, & à iustificato, hæc vero merita condigna omnes esse volunt. Sed rursus non eodem modo omnes. Durandus in 2. Sententiarum dist. nct. 27. quæst. 2. Meritum de condigno geminum describit: vnum large sumptum, pro quadam dignitate, quam Deus ex ordinatione requirit in operibus nostris, ad hoc, vt remunerentur vita æterna. Hanc esse in nobis per gratiam & charitatem habitalem. Aliud stricte & proprie, esse actionem voluntariam, propter quam alicui debetur merces ex iustitia, sic, quod si non reddatur, ille, ad quem pertinet reddere, iniuste facit, & est simpliciter & proprie iniustus. Huiusmodi meritum inueniri inter homines, sed non esse hominis ad Deum. Negat igitur Durandus opera bona iustorum esse merita de condigno, nisi priori illo modo: id est, Bellarmino exponente, vt eis non ex iustitia debeat merces, sed ex sola liberalitate.

XVI. Itaque à Durando reliqui dissentiant, & tenent, iusto Dei iudicio deberi meritis operum bonorum mercedem vitæ æternæ. Sic non tantum

tantum Dominicus à Soto probare instituit, iustorum opera esse digna merita vitæ æternæ: & Costerus pronuntiat, hominem iustum non solum vitam æternam mereri operibus bonis, sed ampliore etiam gratiam Dei, atque iustitiam in hac vita: Sed etiam Tapperus longe durius, & ne quid superesset ambigui, *Opera qua mouente Spiritu in Christo viuificante, ex fide & charitate Dei & proximi procedunt, ex Scripturis, certum haberi debet Deo grata esse, adeo ut eis reponat vitam æternam, non quasi gratiam vel liberalitatem, sed tanquam iustam mercedem, & ut iustus iudex secundum veram iustitiam.*

XVII. Quod, ut constet apertius, arcescit apud Bellarminum condignitas, vel ex ratione pacti tantum, vel ratione operis tantum, vel ratione vtriusque. Ex pacto tantum, ut si operatio merces diurna promittatur, non denarius, sed centum nummi. Videlicet, quando opus longe est inferius mercede. Ex ratione operis tantum: si opus, vel æquale sit mercedi, vel etiam maius, nulla interueniente conuentione. Ex ratione vtriusque, cum & pactum intercedit, & opus est vere par mercedi: ut cum operarij ad vineam denario conducuntur.

XVIII. Hinc tres sententias Bellarminus enumerat. Vnam, Caietani censentis opera bona iustorum esse meritoria vitæ æternæ ex condigno ratione operis, etiam si nulla existeret diuina conuentionio. Nimirum ita Caietanus in 1. 2. quæst. 114. disputat contra Scotum: concludens ex hoc ipso, quod actus sit bonus, esse ordinatum à Deo ad præmium, idque, quantum ex ratione actus: adeo ut non oporteat aliam ordinationem superaddi.

XIX. Secundam, quorundam existimantium opera bona ex gratia procedentia non esse meritoria ex condigno ratione operis, sed tantum ratione pacti, & acceptationis diuinæ. Ita sentisse Scotum in 1. Sententiar. dist. 17. q. 2. Verba recito, *Ratio meriti non habetur complete, nisi habeatur ratio digni vel digne ordinabilis ad præmium, quod est beatitudo: & hoc digne secundum iustitiam commutatiuam siue retributiuiam: Sed quicumque actus ex solis intrinsecis agentis non habet hunc ordinem: tunc enim Deus non posset ei, qui sic operatus est, non retribuere beatitudinem, nam iniuste eam sibi detraheret: hoc autem est falsum: ergo talis ordo secundum iustitiam est ex sola voluntate diuina gratuite ordinante. Et ita ratio meriti completi erit ex ordinatione voluntatis diuine illius actus ad præmium.*

XX. Nec vero defuisse Scoti suos sequaces agnoscit Bellarminus, & in iis Vegam, cuius opusculum de Iustificatione, ego non vidi. Sed Conradum Clingium legi, cap. 22. locorum communium, *Opera iustificationum* (inquit) *quamuis ex fide Christi ad laudem & gloriam Dei atque dilectionem proximi fiant, quia tamen nos ex carne & sanguine polluti sumus: hinc est, quod opera nostra in sua bonitate, natura, & dignitate considerata, sint impura, & imperfecta ex se & propria sua virtute. Et quoniam omnia opera nostra, etiam post fidem facta, sunt imperfecta, & immunda, & inuoluntaria: ideo non possumus contendere cum Deo, quasi nobis aliquid debeat, & teneatur ex condigno, sicut mercenarius pro suis laboribus cum Domino. Et in eum finem dicimus quod opera nostra non merentur vitam æternam, nec apprehendunt, sicut mala, & imperfecta moneta nihil emi potest.*

XXI. Sed tertiam sententiam Bellarminus præfert, ut probabilior, quæ docet, opera bona iustorum meritoria esse vitæ æternæ, ex condigno, ratione pacti, & operis simul: non quidem quod sine pacto, vel acceptatione, non habeat opus bonum proportionem ad vitam æternam, sed quia non teneatur Deus acceptare ad illam mercedem opus bonum, quamuis par & æquale mercedi, nisi conuentionio interueniat. Atque hanc censet esse sententiam, non tantum Concilij Tridentini, sed etiam Thomæ. At Vasques disputat. 214. in 1. 2. longe fusius, primam sententiam & explicat & disputat, bona opera iustorum ex se ipsis absque vilo pacto, aut acceptationis fauore, condigne mereri vitam æternam: quod ipsum tribus distinguit capitibus: Vno, opera iustorum, absque vlla acceptatione & pacto ex se habere dignitatem vitæ æternæ: altero, ex meritis aut gratia Christi non habere nostra opera maiorem dignitatem, quam alias ex gratia Dei haberent: tertio, pactum seu promissionem, quæ bonis operibus accessit, minime pertinere ad rationem meriti.

XXII. Disputatur etiam, utrum omnia, an tantum quædam bona opera sint meritoria. Vasques disp. 217. in 1. 2. à non paucis affirmatum obseruat, non omnia, sed ea tantum quæ aliquomodo à charitate imperantur: ipse tamen omnia mauult.

III. Quinquam obligationem, siue debitum, non intelligendum est recipiari cum merito: pater enim latius: quia potest se ipsum quisque obligare sponte promittens absque vilo eius merito cui promittit, sic enim diues inopem virginem tenetur ducere, tantum quia promittit: & adoptans adoptatum filij loco habere, & hæredem scribere. Potest rursus aliquis obligari alteri à potentiori: ut homo tenetur hominem amare, etiam immeritum, propter legem Dei ita statuentis: & parentes, ex se natos educare.

IV. Sed meriti obligatio duplici nititur fundamento, libertate & æqualitate. Oportet enim primo id quo alium nobis deuincire volumus, eidem non deberi vilo alio titulo: quod agnoscunt Scholastici. Neque enim seruus, qui iam ex iure seruitutis laborem suum hero debet, locabitur diurno denario: sed tantum mercenarius, qui sui iuris ita sit, ut imperium detrectare possit, atque adeo non offendere, si operam suam neget.

V. Secundo debent meritum & præmium sibi æqualitate quadam respondere: neque enim quodcumque meritum esse potest cuiuscunque præmij: Ut si opera diuinæ merces sit denarius: non erit etiam operæ vnus tantum horulæ: vnde in Euangelio murmur eorum qui æstum diei tolerant, & patrisfamilias ratio, non à merito aliorum, sed à propria benignitate.

VI. Verumtamen hæc æqualitas partim exacta est, partim arbitraria. Exacta inter res eiusdem generis: ut cum par pari dicitur referendum, cum bos boue permutatur, amor amore pensatur, & æs contractum ære dispungitur. Arbitraria autem, inter res diuersi generis: ut cum permutantur *χρυσὴ καὶ ἀργύριον*: cum operæ redimuntur certa pecunia. Est vero arbitrium vel à lege generali, vel à pacto peculiari. A lege, ut in Republica nummorum variorum comparatio. A peculiari pacto: vel mutuo, ut in licitationibus: vel statuto eius autoritate, à quo præmium expectatur: sic enim certaminum constituuntur coronæ: ut non à natura rerum æqualitas æstimeretur, sed tantum à voluntate constituentis: sic rex eiusdem certaminis *βραβεῖον* constituere potest sestertertia quotcumque: cum inter Græcos, apium aut oleastrum, aut laurum victores acciperent.

VII. His ita positis, deinceps opera diuiduntur in bona & mala: quibus respondent præmia, & supplicia. Opera mala vere & proprie esse suppliciorum merita, adeo ut propter ea merito Deus autores puniat æterna morte, in confello est.

VIII. Bonorum vero operum alia ratio. Primo enim, si simpliciter considerentur, meriti apud Deum rationem habere nullo possunt modo: ratio facilis, quia omnia debentur iure creationis. Creatus est homo, debet se totum, ac proinde quicquid suum est, creatori, quantumvis nulla spes esset vilius præmij inde consequendi: quomodo inopum & mendicorum liberi, etsi nullam hæreditatis paternæ spem habeant, tamen non minus debent parentibus, quam qui Cræso nati erant. Est enim natura cognitum etiam Ethnicis, neque Deo, neque parentibus paria posse referri. Itaque in Creatione nihil promissum homini legimus: si obtemperaret Deo, sed tantum minas propositas, si rebellis esset. Nimirum, quia officij neglectus peccatum est: & præstatio non est meritum.

IX. Sed accessit tamen legis pactum, *Hoc fac, & viues*, Hoc autem supposito considerantur bona opera, vel abstracte & ex sui definitione, talia, qualia esse debent, id est, describuntur à lege: ac tum merita dici sane possunt ex pacto, quomodo nos suo loco disputauimus, Christi iustitiam meritum esse: & si quis hominum, præter eum, daretur, qui nunquam esset transgressus legem diuinam, hic similiter dici posset sibi meruisse vitam.

X. At si eadem opera consideremus non tanquam ideas Platonicas, sed qualia præstantur ab hominibus; id est, & præstata sunt inde ab Adamo, & præstabitur ad diem vsque iudicij: Tum vero negamus aut extra gratiam esse merita de congruo: aut in gratia, de condigno, imo vilo modo esse merita: nisi abusive, atque adeo traducto vocabulo à propria & natua significatione in aliam: vno verbo, nullo iure meriti operum teneri Deum aut peccatorem vocare ad gratiam; aut vocato, imo accepto in gratiam siue augmentum gratiæ reddere, siue vitam æternam, siue in vita æterna augmentum gloriæ.

CAP. II.

De Merito, Catholicorum sententia.

I. Confessionis Gallicanæ artic. 13. verba sunt, *Omni virtutum & meritorum opinione abiecta, in sola Iesu Christi obedientia prorsus acquiescimus.* Et articul. 22. *Quamuis Deus, ut nos plene seruet, regeneret nos, & ad sanctam vitam formet, tamen profitetur bona opera qua duce ipsius Spiritu edimus, non respici à Deo, ut per ea iustificemur: aut filij Dei censeri mereamur: quoniam perpetua dubitatione & trepidatione fluctuaremus, nisi vnica satisfactione illa niteremur, per quam nos omnino a Iesu Christo exemit.* Ex his verbis apertum satis est improbari Catholicis merita operum bonorum. Sed id nos breuiter dictum debemus fusius explicare.

II. Merendi vocabulo solent Latini morale causam significare propter quam aliquid alicui accidit: & quatuor terminos simul consignant, primum, eum qui meretur: secundum, eum, apud quem ille meretur: tertium, id quo meretur, & solet meritum appellari: quartum, id quod meretur, & præmiū mercede in bonam, pœna autem & supplicium in malam partem designatur: quamquam carachresi quadam factum sit, ut præmium mercedeque in vtramque sint ambigua. Sic in hac controuersia, primus terminus est homo: secundus, Deus: tertius, opera: quartus, salus damnatiove: prout meritum est in bonam malamve partem: & opera bona vel mala. Ex iis terminis secundus obligari dicitur primo ex merito ad præmium, siue debere primo præmium,

CAP. III.

De nomine meriti ex Scripturis.

I. Nunc hunc modum explicatis vtriusque sententiis iam disputatio erit; primum de vocabulo meriti: tum de re. De Vocabulo pronunciauit Caluinus, Institut. 3. c. 15 § 2. Quicumque primus meriti nomen operibus humanis ad Dei iudicium comparatis aptauit, eum fidei sinceritati pessime consuluisse: non ille quidem contentiosus λόγισμός, sed certe religiosissimus sacræ simplicitatis obseruator, nec facile patiens, cum nihil opus foret, vsurpari exotica vocabula, quæ multum adferrent scandali, ædificationis minimum.

II. Hanc iudiciosissimi viri censuram tulerunt impatenter Sophistæ. Porfanius Pythagoricum αὐτὸς ἴψα exprobat: quasi nuda ἀποφάσις sensum suum protulisset, & non certas rationes subiecisset. Sed hoc Sophistis ex disciplinæ instituto solenne est, ut quæ refutare non valent, dissimulent. Qui tamen sibi ipsis indulgent, suis etiam imperent cætam obedientiam. Bellarmin. animosior, etiam incredibilem arrogantiam lanciant: quasi non solum totam antiquitatem temere & impudenter accusantis: qui tamen non poterat modestius animi sui sensum aperire, sed ipsum etiam Spiritum Sanctum corrigentis: quasi iam certis demonstrationibus euicisset hoc vsum vocabulo Spiritum Sanctum.

III. Caluino sic sentiendi causa trigemina. Vna peregrinitas: altera superfluitas: tertia periculum. Nam primo vocem meriti non esse ex vlu Scripturæ. Secundo non deesse alias quibus commodius exprimitur pretium bonorum operum. Tertio, & fastuosissimam esse: & obscurare Dei gratiam: & homines praua superbia posse imbuere. Et certe incommodi testimonium

num luculentissimum habemus, ab ipsa Papistarū inquietissima in hanc partem doctrina. Nam primo, vnde illis tot distinctionum curiosissimarum plausta; nisi ad vitanda (si vitari potissent) varia incommoda ? Deinde, vnde de his ipsis distinctionibus tot sententiae, non tantum variae, sed etiam pugnautes ? Nonne fuit melius inutilem de via lapidem semel tollere, quam infinita cura, multiplicatisq; indiis prætereuntes monere, cauerent offendere ?

IV. Sed primam causam aduersarij impugnant. Et, quod ad nomen meriti attinet, inquit Bellarmin. non desunt testimonia Scripturæ Sacrae, vel ubi eiusmodi nomen aperte cõtineatur, vel vnde de facili negotio deducatur. Ergo hoc inquam videamus: prius tamen moniti agi de merito in bonam partem.

V. Obiiciunt ergo aliquot Scripturae locos: & primum ex Ecclesiastici 16.
Omnis misericordia facit locum unicuique, secundum meritum operum suorum.

VI. Sed expedita responsio est. Primo, librum non esse Canonicum. Itaque non magis probare in Scripturis sacris id vocis contineri, quam si quartus Esdra nominaretur, aut Maccabæorum. Secundo, non esse eius auctoris verba, sed interpretis: rursus ergo, non magis inde probari meriti vocem esse Scripturæ, quam Orionis & Pleiadum, a Iob: aut hederæ à Iona: Etenim Græce auctor ille, quisquis est, scripsit ^{verge} ~~et~~.

VII. Et de priorum quidem solutione tacet Bellarminus. Ad posteriorem vero regeat illud *x^o leg^a*, recte verti, secundum meritum operum, vel pro merito & dignitate operum. Quid enim est, inquit, reddere secundum merita, nisi, reddere sicut opera merentur? Tum vero Hieronymum, id ipsum quod Heb. & Græcice dicunt, secundum opera, solere reddere per vocem meriti. Iudicum 20. *Vt possimus pugnare contra Gabaam Beniamin, & reddere ei pro scelere quo meretur.*

VIII. Sed contra, primo, quæri nunc dico, vtrum ipsum vocabulum exter in Scripturis hoc autem non probari, etiam si concederem non peccasse auctorem vertendo. Nam aliud est vocabulum ipsum, aliud ipse vocabuli sensus. Enimvero, et si res per *τὸ μυστήριον* significata perspicua sit, & certissima in Scripturis, tamen hæreticis obicientibus, nemo inquam negavit non legi *τὸ μυστήριον* verbum in Scripturis, sed tantum disputarunt Catholici retinendum, etiam si non legeretur. Nec aliter hodie Papistæ, de Missa agunt, & Purgatorio, & aliis, quibus putant ea significari, quæ in libris sacris doceantur.

IX. Sed enim proferri hunc locum ad probandum ipsum vocabuli vsum, patet ex Bellarmino, qui cap. 3. *Sed, inquit, ut iam ad rem ipsam veniamus.* ostendens se capite tertio de re non dum egisse: ideoque tantum de nomine. Patet rursus ex Porfano, cuius totidem verba, *Si Caluinus nolit, vocabulum meriti, ac vult Spiritus Sanctus.* Patet tertio, ab ipso delectu huius vericuli. Nam si rem duntaxat vellent probatam, cur hunc versum omnes selegerunt, & proximum neglexerunt? *Correctio illius hominem secundum opera iudicat.* In promptu causa est: quia cum in vtroque sit illud & *legis*: tamen sui nescio quomodo oblitus interpres, non verit meritorium, sed ad verbum, *Secundum opera.* Imo, quid opus erat libro Apocrypho, cum praesto essent Canonici? Ad Roman. 2. 2. ad Corinth. 11. 2. ad Timoth. 1. & 4. Apoc. 2. & 22. Nimirum illexit eos meriti sonus ipse: & quidem tanto potentiori fascino, quanto discretius vtrumque legebant: non meritum solum, aut opera sola: sed meritum operum. Itaque putarunt se repe-
nisse quod in faba pueri clamitane.

X. Secundo, phrasin hanc ἡ ἐργα concedo interdum bene verti per me-
cendi vocabulum. Sed semper, nego. Nam, exempligratia, Matthæi
23. cum legas ἡ ἐργα αὐτῶν μὴ ποιῆτε, tamen nemo vquam sanus red-
dat, secundum meritā eorum : sed tantum, secundum opera eorum ne facite.
Sic I. Samu. 7. καὶ πᾶσι τοῖς ἐργοῖς αὐτοῦ ἀβραάμ οὗτοι εἰσὶν οἱ υἱοί σου,
iuxta omnia opera quæ fecerūt, sic faciunt etiam tibi Quod si non semper : er-
go non ipsa hæc verba perse : sed circumstantia loci, meritum, si forte in-
cludit.

XI. Quid tum ergo, si aliquo loco Hieronymus ita vertit? Quamquam possum contradicere. Quin constanter nego vllum locum dari hoc nisi excepto ubi vel Hebraei *דָּוָן* vel Graeci *ἀντὶ τῆς ἐργῆς*, per meritum exprimitur. Solet enim ille potius ad verbum, ut Psalmo 28. *Da illis secundum opera eorum.* Prouerbiorum vigesimo quarto, *Reddam unicuique secundum opus suum.* Secundi Ecdia 6. *Iuxta opera eorum et alia.* Psalmo 62. *Tu reddes unicuique iuxta opera sua.* Prouerbiorum 10. *Iuxta opera manuum suarum retribuetur ei.* Et 24. *Reddetque homini iuxta opera sua.*

XII. Et vero, Meritum, nusquam legas nisi in Ecclesiastico ter. Vno autem hoc loco excepto de quo agimus, in reliquis Græce est *τις τὸ ἀξίον*. ca. 10. *Danti honorem secundum meritum suum*. 38. *Fac tuctum secundum meritum eius uno die vel duobus*. Terrusius occurrit adverbium Merito. Genes. 2. *Merito hac palimur*, pro quo Hebraice est *אכל אשמים*. Græce, *Ναὶ, ἐν ἀμείναις* *ἔδικα*. Job 21. *Ut merito non debeam contristari*. Hebraice *אֵין מְרוּעַ אֶת הַקָּצֵר דִּוָּתִּי*: Græce, *ἡ δὲ ἐν ἐξουμένῳ οὐ καὶ*. Jud. 10. *Ut non pro his merito pugnare debeamus*: cui in Græcis nihil est, quod respondeat.

XIII. Merendi verbum haud multo frequentius: omnino nouies oc-
currens, sed nunquam respondens huic phrasi $\epsilon\gamma\gamma\alpha$. Imo, quod notan-
um, nunquam nisi in malam partem. Nam quod ex Iudicio vigesimo
bellam nus excerpsit, Hebraice בבל הנבלה Græce $\kappa\alpha\tau\alpha\ \tau\eta\ \nu\epsilon\lambda\alpha\ \tau\eta\varsigma\ \alpha\phi\omicron\sigma\sigma\upsilon\lambda\lambda\omicron\varsigma$. Genes. 4. Maior est iniquitas mea, quam ut veniam me-
ar: $\text{מִנְשָׁא מִנְשָׁא מִנְשָׁא מִנְשָׁא}$ $\mu\epsilon\iota\zeta\omega\eta\eta\ \alpha\iota\tau\alpha\ \mu\epsilon\tau\epsilon\zeta\omega\eta\eta\ \alpha\iota\tau\alpha\ \mu\epsilon$. Deu. er. 7.
Et reddens odientibus se statim, ita ut disperdat eos, & ultra non differat, protiu-
sus eis restituens quod merentur. $\text{לֹא יִשְׁלַח אֱלֹהִים אֲנִי אֶתְּכֶם}$ $\alpha\pi\delta\omega\sigma\epsilon\iota\varsigma\ \alpha\upsilon\tau\omicron\iota\varsigma$. Iosue II.
Et non mererentur ullam clementiam. $\text{לֹא יִשְׁלַח אֱלֹהִים אֲנִי אֶתְּכֶם}$ $\alpha\pi\delta\omega\sigma\epsilon\iota\varsigma\ \alpha\upsilon\tau\omicron\iota\varsigma$. Secūdi Paralip. 19. Et idcirco iram quæ est Domini merebaris
et iram. $\text{וְהָיָה כִּי יִשְׁלַח אֱלֹהִים אֲנִי אֶתְּכֶם}$ $\alpha\pi\delta\omega\sigma\epsilon\iota\varsigma\ \alpha\upsilon\tau\omicron\iota\varsigma$. E-
r. 16. Deo reddente ei quod meruit. $\text{וְהָיָה כִּי יִשְׁלַח אֱלֹהִים אֲנִי אֶתְּכֶם}$ $\alpha\pi\delta\omega\sigma\epsilon\iota\varsigma\ \alpha\upsilon\tau\omicron\iota\varsigma$.
b. 6. quibus iram merui: quibus verbis Hebraica nulla respondent, aut
ræca. Undecimo, Et intelligeres quam multo minora exigaris ab eo, quam
eretur iniquitas tua. $\text{וְהָיָה כִּי יִשְׁלַח אֱלֹהִים אֲנִי אֶתְּכֶם}$ $\alpha\pi\delta\omega\sigma\epsilon\iota\varsigma\ \alpha\upsilon\tau\omicron\iota\varsigma$.

ΞΙΔ ΣΤΙ ΑΝΙΘΗ ΘΥΓΕ ΚΥΡΙΣ ΑΝ ΗΜΕΡΗΣΚΑΣ. Ad Hebræos 10. Quanto magis, putatis
deteriora merebitur: Πόσω δοκεῖτε χειρὶν Θ' ἁξιώθησται.

XIV. Fallebat ergo Bellarm. cum solitum dicebat Hieronymum illud ^{et} reddere per meritum, aut certe probabat à se nimium indiligenter consideratos esse locos. Nobis autem vehemens coniectura est ea, quam observauimus semper mereri ab eo, si tamen is est, vsurpari cum de peccatis agitur: quæ non negamus esse vere merita.

XV. Alteru locum profertur ex ad Heb 13. *Beneficentie & communiois no-
lite obliuisci: ualibus n hostiis promeretur Deus.* Hic Salmero, Et uide, *Hareti-
co, merita, & satisfationes ad abluenda peccata.* Et ad marginem, *Impie, Lurbe-
raro, contra satisfationes, quid etiam oblatras? nunc tace tandem, & obmuta-
sce:* En triumphos! Sed delectis in litore cochleis, vt olim.

XVI. Nam rufius argumentum est, non ab authoritate Scripturæ, sed à Latini interpretis, facilitate dicam, an quid durius? Nam Paulus Græce dixit *ευαγγελιστῶν*, vt doceret tales hostias placere Deo, atque esse gratas, acceptasque: & fixis, his Deum delectari. Nam omnino τὸ *ευαγγελιστῶν* pertinet ad explicandam Dei voluntatem: itaque merito respondere non potest, quod est hominis. Placere autem posse etiam eam in quibus nullum est meritum, quis ignorat? Paulus ad Titum 2. seruos iubet dominis *ευαγγελιστῶν*: cum tamen certum sit nihil posse mereri: vt omnino necesse sit placere, non cum mererentur, sed cum ea faciunt, quæ iam debent. Psalms. 116. Græce est *ευαγγελιστῶν*.

Deut. Pfalmo 116. Grace est, *ἐναρέσῃς σὺ πᾶν κυρίῳ σὺ χάρεαι ζώντων*, *Placebo in confectis Domini in regione viuientium*: vbi omnes ab omni parte viuunt, inquit Bellarminus, & ideo placet omnibus modis Deo viuenti. Et vero de iisdem Basilius in Pfalmum 114. *ἐν ᾧ ἄρσεν ὁ θεὸς ἐν τῇ αἰσάσει, ἀλλὰ ἡ μία τὴν ἐσπέρην ζωὴν μετέσσω* & *ἐναρέσονται τὰ ἰσχυτῶν δεσπότη τῶν κατωκινῶν ἐν τῇ χάρει τοῦ ζώντος*, *Neque mas est, neque femina in resurrectione, sed una quæpiam uita* & *unius modi, placentibus suo domino iis qui habitant in regione viuientium*. Et tamen, inquam, in ea regione, ne Papistæ quidem vlla agnoscunt merita. Quod si nulla merita, vbi maxime placetur Deo, necesse est aliud esse placere Deo, aliud mereri. Olim legebat aliter Augustinus de Ciuitate Dei lib. 10. c. 5. *Talibus n sacrificiis placatur Deus*. Vbi Viues, *In antiquis placetur Deo: utrumq; melius, quam quomodo vulgo habemus*. Deniq; Oecumenius explicat ἀρεσκῶς, delectatur.

XVII. Instat tamen Bellarminus. At certe, inquit, propriissime dicimus Latine vnum apud alterum mereri, & eum sibi obstringere, qui facit aliquid, quod ei placeat, eumque delectet. Adde, quod coniunctum eum vocabulo hostiarum, non solum significat Deum delectari bonis operibus: sed etiam conciliari, & induci ad bene faciendum iis qui bene operantur.

XVIII. Respondeo, in priori terminos non conuerti. Sic enim verum est placere, quicumque bene meretur: vt tamen non vicissim mereatur quicumque placet, aut delectat. Potest enim herus *ἐπαρτεῖσθαι* officiis serui, apud quem tamen seruus non mereatur: quandoquidem debet ea ipsa officia, quæ exhibet vt placeat. Sic apud Terentium Sofias, *Gaudeo sibi quid fieri, aut facio, quod placeat*. Et, vt mox dicebamus, placebunt beati Deo in immortalī vitā, vbi tamen nihil merebuntur.

XIX. Nam quod in posteriori additur de hostiis, ego sane non capio, quāti sit momenti: *et acceptio* additum hostiis, non solum significat delectari bonis operibus, sed etiam conciliari, & induci ad benefaciendum. Atqui, inquā, debuit Bellarmin. non dicere, sed demonstrare: nam nos, qui negamus operum merita: negamus eadem opera conciliationem per opera. Itaque affirmando nihil promouet Iesuita. Quāquam Sacrificiorum peculiaris ratio: quia hæc conciliant, non per modum meriti, sed typi: id est, non tam conciliant ipsa, quam veram rationem ostendunt conciliandi, nē Sacrificium illud vnicui, cui significando instituta fuerit.

XX. Tertio loco Bellarminus, in subsidium vocat omnes locos, ubi inuenitur nomen dignitatis. Nam quod nos dicimus, inquit, mereri, Græci dicunt ἀξίζει, id est, dignum esse. & meritum vocant ἀξια. Poster. ad Thessalon. 1. ut digni habeamini regno Dei: eis τὸ κατὰ θεὸν δίκαιον ἔμμεν ἡμεῖς βασιλεῖς τῶ Θεοῦ. Apocalyp. 3. Ambulabunt mecum in albu: quia digni sunt, id est, quoniam iam merentur. Et 16. Dedisti sanguinem bibere: digni sunt enim: id est, merentur.

XXI. Sed Sophistis si tanta est confidentia, ut quidlibet asserant: at non certe tanta auctoritas, ut qui diuis persuadeant absque argumentis. Nos scimus dignitatem longe patere latius quam meritum. Est enim meritum, ex ipsa definitione aduersariorum, opus liberum At nos dignitatem inuenimus, absque villo opere. In Scholasticum illud ex Porphyr. *Πρωτον ὁδὸν ἰδὼν ἀξιότιμον τὸν αὐτὸν ἰδὼν*. Et illud ex Aristotele Rhetoric. 3. *τὴν ἀξίαν δεῖ παύειν τὸν ἀξίον*. Ex Terentij Eunuch. *Non tu te dignum, Charea, fecisti: nam si ego digna hac contumelia sum maxime, at tu indignus qui faceres tamen*. Infinita sunt huiusmodi. Etiam in Veteri interprete, Esther 1. *Vinum quoque, ut magnificientia regis erat dignum, abundans*. Esai. 32. *Princeps ea qui digna sunt principe cogitabit*. Enimvero, neque vini in regem vlla erant merita: neque cogitatorum in principem: neque apud Terentium recte veritas: at tu non merebaris id facere. Basilius contra Dunomium. 5. cap. 14. *Βαπτισμὸς Χριστοῦ ὁ πνεύματι τοῦ ἁγίου ἀξίον ποιεῖ*. Quis tam Papista, ut sic reddat, *Baptizatus Christus Spiritu eos, qui merentur sanctificationem*: Quare dignitas non semper meritum significat.

XXII. Neque omittendum : ἀξίον sæpe dici de posterioribus relatis
d præcedentia, adeo ut meriti nulla ratio inesse queat. Zenon apud Arse-
nium Monembasium, ἐλεγε μὲν δὲν ζητῆν τὰς αἰσῶτας, οἱ πῦες ἐν μεσάλης
πόλεως εἰσιν, ἀλλ' εἰ μεσάλης πόλεως ἀξίος, dicebat non debere acquirere homi-
nes, quinam essent oriundi vrbe ampla : sed potius, virum essent ampla vrbe
digni. Dignos vrbe, interpretare, qui meriti sunt eam vrbem, aut ex ea vrbe
asci; quid magis ridiculum ? Qui enim potuerant mereri, qui nondum e-
rant nati : Sed qui postquam nati sunt, dignos se exhibuerunt sua vrbe, legi-
mum explicatio est. Eadem analogia Antonius in oratione funebri Cæsaris
ad Cassium li. 4.4. γινώσκει πῦες εἰς αἰῶνι παῖδες ἐπὶ νεφελῶσιν, Deorum filij qui-
am immerito nominati sunt. Et Calenus de Cicerone apud eundem libr.
6. πᾶς ἀξίον εἰς μέγα κλέος εἶδεν, αὐτὸς ἀνδρὸς ἀξίαν πείσας, Nullam rem il-
lustri viro dignam unquam fecisti. Eadem & Baptistes dixit Matth. 3. Fructus
vestri πεντηκῶς, non qui mererentur poenitentiam : quod enim bono sensu ?
sed qui responderent professæ poenitentiae : &, ut loquitur Franciscus Lu-

GAS,

cas, qui decerent poenitentiam, siue poenitentes: quos dignum esset poenitentiam producere.

XXIII. Aliquando *τὸ κατὰ ἀξίαν* meritum redditur, vbi tamen opus nullum est. Exempla sunt in Ecclesiastico duobus locis paulo ante citatis. Cap. 10. *Fili, in mansuetudine serua animam tuam, & da illi honorem secundum meritum suum: κατὰ τὴν ἀξίαν αὐτοῦ.* Iansenius. Non enim hic locus accipiendus est de merito operum, sed de dignitate ipsius anima, quam habet ex sua conditione. Cap. 38. *Fac lucrum secundum meritum eius.* Iansenius. Non significat pro merito vite & operum mortuum plangendum esse, sed secundum dignitatem eius, est enim Gracis κατὰ τὴν ἀξίαν αὐτοῦ, hoc est: prout dignus est deservire à te.

XXIV. Iam ἀξίαν & ἀξιώξιν, Bellarmini prodiit insignem aut temeritatem aut imperitiam. Nego enim vnquam significare meritum, sed dignationem. Est autem meritum eius, in quem aliquid confertur: at dignatio eius, qui confert. Itaque Scholiastes Aristophanis Equitibus, exponit ἀξίαν, ἀξίον καὶ δίκαιον, dignum iudicio. Sed est etiam dignitatem alicui conferre, vt. 2. Maccabæorum 9. *Ἐς διαγνώξας μὲν τὸν Πύρρον ἀξιώσαν, quos decreuerat ne sepultura quidem dignari.* Posterioris ad Thesalonicen. 1. *ἵνα ὑμεῖς ἀξιώσῃ τῆς κλήσεως τοῦ Θεοῦ ὑμῶν, Vt dignetur vos vocatione sua Deus.* Oecumenius in 4. ad Romanos de Abrahamo, *ὅτι τῇ ἀπεργασίᾳ ἡξιώθη τῆς δικαιοσύνης*, vbi quis non videt ineptum fore, si quis reddat, Abraham in circumcisione meritis est iustitiam?

XXV. Itaque ἀξιώξιν, est dignitatem ab alio accipere: quomodo *Æneidos* 3. Virgilius, *Contugio Ænea Veneris dignate superbo.* Et *Eclog.* 4. *Nec Deus hunc mensa, Dea nec dignata cubili est.* Certe Caietanus illud ipsum κατὰ τὴν ἀξίαν expendens. Non dixit, inquit, digni sitis, quoniam non sunt condigna passiones huius temporis ad futurum regnum, sed ut digni habeamini ab ipso Deo. Sic omnino Marcus Eremita cap. 22. de iis qui putant se operibus iustificatum iri, dixit, *ὅτι τῇ ἀπεργασίᾳ τῆς πάλιν, ἡξιώσαν, ἡξιώθη δὲ*; cū tamen certum sit baptismum non acquiri meritis. Sic Oecumenius in 8. 1. ad Corinth. *ἡξιώσαν ὁ Θεὸς τῆς κλήσεως ἡξιώθη; inuenis adhuc cum esset, nimirum Paulus, vocationis honorem adeptus est.* Et tamen, neq; vllus vocationem mereri potest: & minime omnium Paulus.

XXVI. Non probant ergo Papistæ in Scripturis meriti vocem vsurpari, & tribui operib. bonis comparatis ad Deum. Nam quod Bellarminus argumentum addit à mercede, differo: quia id non de nomine est: se de re: itaque paulo post recurret opportunius.

CAP. IV.

De Merito congruo.

I. Hactenus vocabulum: nunc res ipsa tractanda, quæ per meritum significatur. Et primum de Congruo, deinde de Condigno. Sed illud tamen admodum est sterile, ac ferme desertum, pauculis tantum coniecturis indicatur potius, quam rationibus confirmatur: atque adeo à multis etiam Papistis, vt diximus, improbat: ne Bellarminus quidem dignum existimauit, in quo stylum suum exerceret, otiumve occuparet, curiosus alioquin huiusmodi captator subtilitatum. Becanus negauit necesse esse de eo disputari, de quo nihil certi possit affirmari. Effecit tamen Bunderius, effecit Vasques, disp. 218. in 1. 2. vt ne inaudium profus damnetur, conquisitis Sophismatis nonnullis, quæ nobis non prætereunda.

II. Primum Sophisma Luca 19. *Omni habenti dabitur, & abundabit.* Vbi Theophylactus, *Qui negotiatione boni multa lucratus fuerit, illi dabitur & amplius.* Ergo congruum est, vt bene vtenti bono naturæ propter Deū, Deus qui est maxime munificus, bona gratiæ largiatur.

III. Sed hæc multimodis peccat ratiocinatio. Primo non concludit quod est in questione. Nō enim ponit esse aliquem bene vtentem bono naturæ, sed tantum, bene vtēti deberi munificentiam. At hoc non conficit esse aliquod meritum congrui: nisi prius probetur esse aliquem ita bene vtentem. Nam si dicas: Si sint homines alati aquilam instar: ergo sunt aliquot homines volatiles: non tamen probaris esse homines volatiles: nisi prius verum sit esse homines sic alatos. At nos negamus vllis vnquam fuisse bene vtentes bono naturæ propter Deum: itaq; non dabitur esse aliquod meritum congrui. Quare ad homines extra gratiam illud pertinet potius, ex Matt. 25. *Qui vero non habet, etiam quod habet, tollitur ab eo.*

IV. Secundo, etiam si concederetur esse, qui bene vtentur bono naturæ, & congruum esse, vt in eos Deus sit munificus: tamen non concluditur meritum. Non enim quicquid congruum est, etiam meritum supponit. Genes. 40. habes somni interpretationem congruam. Exo. 15. congruum loco nomen, nec tamen opinor ex opere meritorio. Hic vero equa manifesta, quia congruitas defumitur à liberalitate & munificentia Dei, non ab opere: at meritum oportet esse ab opere.

V. Tertio, non constat illa Christi verba dicta esse de homine in puris naturalibus. Maldonatus in Matth. 25. Christum de Fidelibus tantum videri loquentem pronuntiauit. Et in Lucam Caietanus, *Intellige per decem minas, vniuersa dona, quæ Iesus distribuit Ecclesiæ suæ.* Thomas etiam in Cathena. *Significat ergo per eos qui minas recipiunt, suos discipulos.* Deniq; ne omnes colligam: Lyranus, *Vocatis decem seruis suis, id est, fidelibus, vniuersis.* Hæc si vera sunt, tum hæc Domini parabola, agens de puris naturalibus, non potest etiam ad meritum congrui pertinere.

VI. Secundum Sophisma. Exod. 1. Obstetrices Israelitici populi, solertia sua seruantes & non interimentes mares, meruerunt sibi ædificari domos. Posterior Reg. 10. Iehu vindicans peccatum Achab, eius perimendo domum, meruit sibi regnum in quartam generationem. Ezechielis 29. Nabuchodonosor meruit sibi dari terram Ægypti: quia seruauit Domino contra Tyrum.

VII. Respondeo, primo, hæc exempla nulla esse ad rem: nam quæ merces istis reddita est, non pertinet ad primam gratiam, quam tamen Papistæ mercedem faciunt meriti congrui. Secundo, nego in iis vllum esse meritum: nec vero ita nominat Scriptura: sed tantum in Nabuchodonosore, mercedem: quæ non semper meritum supponit, vt alias videbimus. In reli-

Tom. III.

liquis tantum legas, Quia timuerunt obstetrices Deum, & ædificauit eis domos. Quia studiose egisti quod rectum erat, & placebat in oculis meis: filij tui vsque ad quartam generationem sedebunt super thronum Israel. Athæ scimula loquendi meritum non necessario significant, sed quodcunq; genus coherentiæ, aut consequentiæ. Genes. 29. *Da mihi uxorem meam: quia iam tempus impletum est.* Est post, Quoniam audiuit me Dominus haberi contemptui, dedit etiam istum mihi.

VIII. Tertium Sophisma. De hoc merito est illud Zachar. 1. *Conuertimini ad me, & ego conuertar ad vos.* Ezech. 8. *Quacunque hora auerteris se impius ab impietate sua, & fecerit iustitiam: ipse animam suam viuificabit:* faciente namq; homine quod in se est, Deus superaddit quod suum est, ex sua munificentissima liberalitate, & bonitate.

IX. Imo conuere se queinquam ex puris naturalibus, mere Pelagianum est; & à Catholicis alienum. Augustinus de gratia & Libero Arbitrio. *Talia ergo de Scripturis colligunt, quale hoc est vnum, Conuertimini ad me, & ego conuertar ad vos: vt secundum meritum conuersionis nostræ ad Deum, detur gratia eius, in qua ad nos & ipse conuertitur.* En tibi originē meriti de congruo. Sed refutat Augustinus; hoc certissimo argumento; quod conuertat nos Deus. *Nec attendunt, inquit, qui hoc sentiunt, quia nisi donum Dei esset ipsa ad Deum nostra conuersio, non ei diceretur, Deus virtutum, conuerte nos. Et Deus tu, conuertes viuificabis nos. Et conuerte nos Deus sanitarum nostrarum, & huiusmodi alia, quæ commemorare longum est. Nam & venire ad Christum quid est aliud, nisi ad eum credendo conuerti? Et tamen ait, Nemo potest venire ad me, nisi datum fuerit ei à Patre meo.*

X. Quartum Sophisma Vasques. Ad Hebr. 13. *Beneficentia & communicationis polite obliuiscimini: talibus enim hostis promeretur Deus.* Quod quamuis alij exponant de condigno: tamen Glossa interlinearis, de elemosynis, quib. hostes superantur, & peccata extinguuntur: quo sensu idem est promereri Deum nostris operibus, & promereri propitiationem. Confirmatur Græca voce *ἐξαιτίας* placatur, conciliatur.

XI. Sed autoritas interlinearis Glossæ quantula est, cui inniti possit demeritatio dogmatis Theologici? & quidem foli? Quamquam hac exceptione nihil sit opus. Non enim ea Glossa vtitur Vasques: neque illa congruum magis innuit, quam condignum. Sed ille conficit: Idem est, inquit, peccata extingui, & promereri Deum. Esto, inquam: sed quis docuit peccata non extingui nisi congruo merito, non etiam condigno? Papistice loquor, sed Catholice, quis docuit, peccata extingui merito vllō, siue congruo, siue cōdigno? Est enim vel cōdonari, vel deferri mutatione in melius. Si cōdonari, nulla merita id consequi possunt, alioqui remissio non esset gratuita: sin deferri, quanta absurditas, bona opera mereri nobis, vt discedamus à peccato: cum non fiant, nisi ab eo qui discedat à peccato?

XII. Quod attinet ad Apostolum, primo falsum est, eum loqui de operibus quæ fiunt ante gratiam, quibus solis tum alij, tum Vasques ipse assignat meritum congruum. Loquitur enim potius de beneficentia & communione post acceptam gratiam. Quos enim alloquitur, quæso? Ethnicos-ne aliquos tum primum inuitandos ad fidem acceptandam: an fideles potius eosdē quos tota Epistola? Itaque etiam horratur, vt ne obliuiscerentur: id est, ne intermitterent *in misericordia*: nimirum, quia iam feliciter eam exercuerant: & vero quis nescit sic quotidie hortandos etiam quosque maxime fideles, vt pergant cum bene coeperint?

XIII. Porro verbum *ἐξαιτίας* nego proprie significare placationem: siue conciliationem: quomodo solet intelligi placatio irati, conciliatio inimici. Latius enim significat, quod Oecumenius notat, *ἀποκῆρξιν deletari.* Et vere Deus delectatur beneficentia, & communione eorum, qui in gratia sunt. Adde quæ c. 3. obseruata sunt, vnde constat non significare merita: & quid restabit? Nam certe si non merita, ergo neque merita congrua.

XIV. Quintum Sophisma: De hoc merito ait Augustinus lib. 1. de Baptismo contra Donatistas c. 8. *Cornelius Angelum ad se mitti, & missum meruit intrare, per quem posset vtiq; sine hominis alicuius accessu cūcta necessario discere. Sed quoniam quicquid boni in orationibus, & elemosynis habebat, prodesse illi non poterat, nisi per vinculum Christianæ societatis, iubetur mittere ad Petrum, & per illum discit Christum, per illum etiam baptizatur: Christiano populo consorcio communionis iungitur.*

XV. Sed falsum est loqui Augustinum de merito congrui. Primo enim illud, *mereri*, ille vsurpat, pro assequi, & obtinere, quod ei frequentissimum postea docebitur. Secundo, etsi esset meritum aliquod, tamen nego esse congruum. Ratio, quia Cornelius non erat in puris naturalibus: sed in fide. Testis Gregorius in Ezech. homil. 19. *Cornelius Centurio, cuius elemosyna ante baptismum, Angelo testante, laudata sunt, non operibus venit ad fidem, sed fide venit ad opera. Nam & ei per Angelum dicitur, Orationes tuas, & elemosynas tuas ascenderunt in conspectum Dei. Si enim Deum vere, & ante baptismum non crederat, quid orabat: vel quomodo hunc omnipotens Deus exaudierat, si non ab ipso se in bonis perfici petebat? Sciebat igitur Creatorem omnium Deum, sed quod eius Omnipotens Filius incarnatus esset, ignorabat. Neque enim poterat bona agere, nisi ante credidisset. Scriptum namque est, Sine fide impossibile est placere Deo. Eadem ergo habuit, cuius operationes, & elemosyna placere potuerunt.*

XVI. Hæc Papistæ: Sed nos contra: Nullum peccatum est meritum apud Deum: At omne opus hominis constitutum in puris naturalibus est peccatum. Ergo nullum opus hominis constitutum in puris naturalibus est meritum: ideoque nec congruum. Maior patet ex ipsa definitione meriti, quod dicitur esse opus bonum: at nullum peccatum apud Deum est opus bonum: vnde necessaria consequentia, nullum peccatum esse meritum. Minor prolixè disputata est huius tomi libr. 4.

XVII. Nam quod bona opera dicunt, agunt nā vt intelligendo nihil intelligant. Nam bona dicuntur, vel ad homines, vel ad Deum. Ad homines, quæcunq; accommodata sunt iustitiæ, cuius capax est hominis ingenium, etiam peccato venditum in seruitutem: quomodo præclara multa disputata sunt Veritibus philosophis: statuta etiam à legislatoribus, Dracone, Lycurgo, Solone: item Decemviris Romanis, viris sceleratissimis. Ad Deum autem quæ censentur in regula legis diuinæ. Sed illa, merita non possunt dici apud Deum, quia meritum necesse est ab eo probari, apud quem est meritum. Itaque merita sunt sane apud homines. Sed apud Deum, nullo esse modo possunt. Ista autem, nulla vnquam fuerunt vllius hominis *φύξις*, & nihil habent

V

habentis præternaturæ vires. Quare hi minus nulla possunt esse apud Deum merita.

XVIII. Præterea: Si opera bona naturaliter sunt merita: Ergo omnibus illa præstantibus debetur gratia. At hoc falsum. Ergo & illud. Ratio consequentia manifesta, ex relatione meriti, & debiti: adeo ut necesse sit, eandem esse rationem debiti, quæ erit & meriti. Si meritum sit condignum, etiam debitum erit condignum, & congruum, si congruum. Itaque meritis congrui debebitur aliquo modo gratia.

XIX. Assumptum patet primo: quia gratia nullo modo debetur, sed est omnino à liberalitate. Itaque quicumque gratiam dicit deberi, is eadem opera dicit lucem esse tenebras: ignem frigidum, & si quid absurdius fingi potest. Ideoque Paulus opponit gratiam operibus. Secundo, si deberetur gratia: ergo Deus iniustus esset. Neque enim iniustus esse non potest, qui debitum non præstat: quandoquidem iustitia est suum cuique reddere, at quod quis meretur, id suum iure potest dicere. Iam vero Deum non dare gratiam omnibus, qui bona moraliter opera faciunt, manifestum est, nec potest in dubium verti à Christiano, ne ab iis quidem qui Traiani boni Imperatoris miseri, sinxerunt concessum fuisse precibus Gregorij. Nam hi damnatum agnouerunt, id est, gratia destitutum: quod non debuit, si sunt aliqua merita ex congruo.

XX. Tertio, si homini extra gratiam aliquod est meritum congrui: Ergo id vel ex omnibus operibus bonis, vel ex aliquibus: At neutrum. Quare nullum est meritum congrui. Patet assumptum. Nam si prius, ergo omnia illius hominis oportet esse bona opera, quod ne Papistæ quidem concesserint, opinor. Et Bellarminus lib. 5. de Gratia & Libero arbitrio disputavit, non posse solis naturæ viribus adimpleri omnia præcepta moralia, ne quidem secundum substantiam operis, & septimo, non posse solis naturæ viribus ullam veram tentationem superari.

XXI. Si ex aliquibus tantum: Ergo falsum dixerit Iacobus, qui peccat in vno, omnium fieri reum. Tum autem, si mere carnales, etiam si in plurimis peccantes: vnum tamen aliquod bonum facientes, merentur gratiam: multo magis fideles, vnum aliquid peccantes, multa bona operantes. Et sic falsum erit, Christianos peccantes mereri mortem. Imo Papistæ sibi contradicerent, asserentes quolibet peccato mortali amitti gratiam. Nam quare amittatur vno isto opere, si aliis debeatur?

XXII. Quarto, Inimici, mortui, athei, nihil mereri possunt. At omnes homines ante gratiam, sunt inimici, mortui, athei. Ergo nihil merentur. Et si nihil, ergo neque de congruo. Maior per se patet. Nam mortui nihil operantur: Inimici, & athei, nihil propter Deum, potius contra Deum. At consentiunt Papistæ, omne meritum esse opus, & quidem propter Deum. Assumptum facile probatur ex Paulo, ad Roman. 6. Cum inimici essemus, reconciliati fuimus Deo. Ad Ephes. 2. Nos cum per lapsus mortui essemus, vna vivificavit in Christo. Item, Vos illo tempore fuissetis absque Christo, spem non habentes, & absque Deo in mundo.

XXIII. Quinto, Catholici contra Pelagianos constantissime disputant, nullum esse meritum, quæ præueniatur gratia. Augustinus Epist. 105. Si gratia, utique nullis meritis reddita: sed gratuita bonitate donata. Et post, Quia vniuersa ista massa merito damnata est, contumeliam debitam reddit iustitia, honorem donat indebitum gratia, non meritis prærogatiua, non fati necessitate, non temeritate fortuna. Item, Quia igitur sua merita iactaturus est liberatus, cui si digna suis meritis redderetur, non esset nisi damnatus? Rursus, Percipiendæ huius gratiæ merita, nulla præcedunt: quoniam meritis impij, non gratia, sed pena debetur, nec ista esset gratia, si non daretur gratuita, sed debita redderetur. Præfatione in Psalmum 31. Noli præsumere de operibus ante fidem. Noueris, quia peccatorem te fides inuenit: & si te fides data fecit iustum, impium inuenit quem faceret iustum. Credenti, inquit, in eum qui iustificat impium, deputatur fides eius ad iustitiam. Si iustificatur impius, ex impio fit iustus, si ex impio iustus fit, quæ sunt opera impiorum? Et paucis interpolitis, Si gratia est, gratis datur. Quid est gratis datur? Gratis constat. Nihil bonifecisti, & datur tibi remissio peccatorum. Attenduntur opera tua, & inueniuntur omnia mala. Si quod debetur illis operibus, Deus redderet, utique dampnaret: stipendium enim peccati mors. Malis operibus quid debetur nisi damnatio? Bonis, quid debetur? Regnum celorum. Tu autem in malis operibus inuentus es, si reddatur tibi quod debetur, puniendus es. Quid ergo fit? Non tibi Deus reddat debitam penam, sed donat indebitam gratiam; debebat vindictam, dat indulgentiam.

CAP. V.

Status Disputationis de Merito Condigno.

I. Sed meriti de Condigno longe fertilissimus ager est: atque adeo vere, ut ita dicam, Ecclesiæ Romanæ hodie idem, quod fuit olim Vrbi Romæ, Sicutulus & Aegyptius, quo animosior futura disputatio est. Vniuersa autem ut notauimus, occupatur in operibus, quæ fiunt in gratia, id est, ab iis, qui iam vocati ab infidelitate ad fidem, Christo nomen dedere, eique militant in Ecclesiâ.

II. Queritur, utrum sibi quisque fidelis mereatur ex condigno apud Deum. Papistæ asserunt, nos negamus. Et hic status est quæstionis. Quamquam de hoc ipso Scultingius Biblioth. tom. 2. dum agit aduersum caput vndecimum libri tertij, Institutionis admodum sinistre loquatur: Quod ad meritum condigni attinet, inquit, aboleri si nimis aut certe scholis remittimus, ut sine quo subsistere potest orthodoxa fidei veritas: cum nec ipse persuadere potuerit Origenes vllum esse opus nostrum posse, quod ex debito Dei remunerationem reposit. Cum neque etiam hoc ipsum quod sumus, quod agere, quod cogitare, quod proloqui possumus, ex Dei dono, & largitione sit (hic videtur luxata sententia, detectu negationis) nec etiam existimauit Apostolus condignas passionibus his ipsi etiam ipsorum, qui Christo incorporati sunt ad futuram gloriam. Hæc quidem scripsit ille. Verum alij omnes, condignum meritum retinent mordicus.

III. Et Bellarminus quidem deducit plenius. Nam præter propositam quæstionem, distincte examinat: primum, utrum condignum sit propriis

meritis: secundo, utrum bona opera liceat fieri intuitu mercedis: tertium, quæ sint, & quot necessariae conditiones; ut aliquod opus dici possit vere ac proprie meritum felicitatis æternæ: eas conditiones definiens quatuor: Liberum arbitrium, Statum gratiæ, Promissionem diuinam, Charitatem: quartum, utrum condignitas sit ratione pacti, an etiam ratione operum, denique, utrum Deus remuneretur bona opera supra condignum, & peccata puniat citra condignum.

IV. Nos vero non putauimus esse necessarium omnes sigillatim percurrere. Nam tertiam & quartam, ille aduersum nos non instituit, & otiose instituisse: nam, quia non Entis nullæ sunt qualitates, quicumque funditus meritum tollunt: eos sane de eius conditionibus, aut remuneratione, non oportet esse sollicitos. Viderit ille, quomodo cum suis transigat. Nam nos nostra curabimus, bona eius cum venia.

V. In prima quæstione, pronuntiat aliquatenus posse fiduciam collocari in propriis meritis: quod tribus propositionibus ita explicat. Primo, fiducia Sanctorum, quam in Deo constituunt, non ex fide sola, sed etiam ex bonis meritis nascitur. Secundo, in bonis meritis, quæ vere talia esse compertum sit, fiducia aliqua collocari potest, modo superbia caueatur. Tertio, propter incertitudinem propriæ iustitiæ, & periculum inanis gloriæ, tutissimum est, fiduciam totam in sola Dei misericordia, & benignitate reponere.

VI. Sed nos contra sentire, iam sumus protestati. Atque adeo Caluini aduersus huiusmodi meritorum fiduciam valde probamus, nec putamus nimis exagitari posse immanem temeritatem. Nam quod Bellarminus addit conditionem, modo superbia caueatur, non potest non esse ridiculum: cum ipsa illa confidentia non possit esse absque superbia, quandoquidem de meritis supra meritum præsumat, unde si necesse sit vitare superbiam, omnino etiam necesse sit ipsam meritorum horrere confidentiam.

VII. Distinguit ille quidem, aliud esse fiduciam nasci ex meritis, aliud fiduciam constitui in meritis, sed nos non possumus, quandoquidem merita omnia tollimus. Si tamen pro meritis, opera nominasset, possemus concedere ex operibus nasci confidentiam fidelibus, quæ tota constitueretur in misericordia diuina. Nimirum, quia sanctitas vitæ sit effectus inhabitantis gratiæ: ac proinde eiusdem testimonium non leue, ideoque nonnullus ad spem salutis gradus. Vnde nobis in Liturgia Cœnæ, potentissima hæc consolatio, cum hortamur singulos, ut suam probent conscientiam, ac videant, num se suorum scelerum prætereant, atque ex iis dolorem animo maximum capiant, cupientes vitam honeste ac sancte instituere, ac fiduciam habeant in misericordia Dei, & in Christo salutem suam querant: omnibus inimicitis, ac si multatibus nuntium remittentes, nihilque aliud studentes, nisi ut posthac fraterna beneuolentia, & charitate proximis complectamur. Tum statim, Quod si hoc studium in nobis esse nostra conscientia, coram Deo testatur, ne dubitemus, quia habeat nos in filiorum loco, & numero. Et post, Quoniam Dominus nobis benigne sua concessit, ut eius Euangelium in animis nostris impressum, atque insculptum sit, quo incredulitati, dissidentiaque resistamus: nobisque desiderium largitus est, cupiditatibus nostris renuntiandi, quo iustitiam illius, sanctissimæque leges, & præceptiones obseruamus, certum atque exploratum habeamus, vitia omnia quæ in nobis sunt, minime obfutura, quominus nos admittat, dignosque reddat, qui spiritali hoc conuiuio participemus. Ex quibus verbis laus constat, nos etiam confiteri, oriri aliquomodo fiduciam nostram apud Deum, ex operibus nostris, tanquam effectis Spiritus sancti, sed eam tamen fiduciam, quæ non modo nulla sui parte consistat in operibus, sed ne commune quidem habeat quicquam cum meritis.

VIII. Imo, quam sit vana & indigna fide Christiana, fiducia illa in meritis, inde facile est colligere, quod eam duobus maximis incommodis obnoxiam Bellarminus ipse coactus sit agnoscere, incertitudini, & inani gloriæ. Enimvero, si sit incerta propria iustitia, quæ potest, non dicam in ea fundari, sed saltem, ex ea oriri fiducia? Et denique ipsa re comprobatur nostra doctrina. Quid ergo habent Sophistæ, quod nobis aduersentur, cum ipsi cogantur confulissimum docere, aucta ex propriis meritis cogitatione, à sola (quod nos docemus) misericordia diuina fiduciam suam querere, ubi nihil esse potest inanis gloriæ, & certe maior certitudo?

IX. Sed Cardinalis Bellarmini cautioni longe præferenda est Cardinalis Contareni confessio, libro de Iustificatione, Ego prorsus existimo pie & Christiane dici, quod debeamus nisi: nisi, inquam, tanquam re stabili, quæ certo nos sustentat, iustitia Christi nobis donata, non autem sanctitate & gratia nobis inherente. Hæc etenim nostra iustitia est inchoata, & imperfecta, quæ tueri non potest, quin in multis offendamus, quin assidue peccemus, ac propterea indigeamus oratione, qua quotidie petamus dimitti nobis debita nostra. Idcirco in conspectu Dei non possumus ob hanc iustitiam nostram haberi iusti, & boni, quemadmodum oportet filios Dei esse bonos & sanctos.

X. In secunda quæstione, Bellarminus pronuntiat licere operari bona intuitu mercedis æternæ. Et Caluinus videri id negare Institutionis lib. 3. cap. 16. §. 3. & 17. §. 2. Sed ille Caluino illudit, qui longe aliter, Neque id dico, inquit, quod id vel respiciam, vel negligam adhortationis genus, quod Scriptura sæpenumero usurpat, ne vllam omittat, nos vndiq; animadi rationem. Commemorat enim mercedem, quam Deus redditurus sit unicuique secundum opera sua, sed illud vnicum, atque etiam in multis præcipuum esse nego: deinde exordium inde sumendum non concedo: ad hæc nihil facere ad erigenda qualia isti prædicant, merita contendendo. Fallit ergo Bellarminus, vno verbo, cum dixit, intuitu mercedis: si dixisset spe meriti, admisisset Caluinus, nos verbum non commutarem. Tam certo enim scimus iuuandam infirmitatem nostram intuitu mercedis, expectandæ à Deo: quam auerendam cogitationem ab omni præsumptione meriti.

XI. Sed nos igitur missis omnibus his quæstionibus, solam illam, harum minutularum fundamentum, quo euerio quicquid superstruitur, necesse sit ruere, disputatione nostra examinabimus.

CAP. VI.

De Mercede.

I. Aduersarij Scriptura primum est argumentum, frequentissimumque à mercede. Matth. 5. *Gaudete & exultate, quoniam merces vestra copiosa est in caelis.* Et 6. *Alioqui mercedem non habebitis apud Patrem vestrum qui in caelis est.* Et 20. *Vos operarios, & redde illis mercedem.* Secunda Ioannis, *Videte vosmetipsos, ne perdati, quia operati estis, sed ut mercedem plenam accipiatis.* Apocal. vii. *Ecce venio cito, & merces mea mecum est, reddere unicuique secundum opera sua.*

II. Huius argumenti vim Bellarminus ita concipit. Si vita æterna est merces: ergo bona opera sine dubitatione sunt merita. Rationem consequentia habebimus à Porfano: quia non possit concipi merces absque merito: sicut nec filius absque patre: maritus absque uxore: dominus sine seruo: magister sine discipulo: mons sine valle. Quia ratiocinatione usus est etiam Rationis.

III. Respondeo, Mercedem aliam proprie dici, aliam improprie, & per similitudinem quandam. De mercede improprie, conceditur antecedens, sed negatur consequentia. Nam homonymorum non potest eadem ratio esse. Si taurus est, ergo natus ex vacca, & habet duo cornua. At mons in Cilicia est Taurus. Et tamen neque natus ex vacca, neque habens duo cornua.

IV. Itaque Porfani exempla quibus probat consequentiam, negantur esse similia, quia omnia propria appellationis. Nos autem probamus non esse perpetuam relationem mercedis, & merit. Genes. 20. *Dedit Deus mercedem meam: eo quod dederim ancillam meam viro meo.* Atqui nullum in eo potuit esse meritum apud Deum: nullum enim Lea faciebat opus, aut propter Deum, aut bonum, aut bene: itaque nulla ratione poterat appellari meritum, quod à Deo mereretur quicquam. Psalm. 127. *Ecce hæreditas Iehoua filij: merces, fructus ventris.* Repetitio, inquit Vatablus in maioribus annotationibus: idem bis dicit, quasi dicat, quod à Deo tanquam iure hæreditario accipimus, sunt liberi, & donum, quo afficit pios Iehoua, quodque ab eis liberalitate proficitur, est soboles. Genebrardus, *Merces, sine donum Domini, nempe fructus ventris.* Et post, *Filijs dono Dei contingit.* Sed quid manifestius? Genes. *Ego sum merces tua,* inquit Deus Abrahamo? Itane oblitimabunt se Papistæ, ut asserant Deum ipsum cadere posse sub meritum? Quod si non audiunt: ergo necesse est aliquam esse mercedem præter meritum.

V. Sed Paulus disertus, ad Romanos quarto. *Ei qui operatur, merces non imputatur ex gratia sed ex debito.* Vbi manifeste audis dupliciter imputari mercedem, vel ex debito, nimirum propriam: vel ex gratia, nimirum improprie. Vnde Augustinus præfatione in enarrationem Psalm. 31. *Si in omnibus peccata inueniuntur, remanet, ut non sint beati, nisi quorum remissa sint peccata.* Hoc ergo Apostolus sic commendauit: *Credidit Abraham Deo & reputatum est ei ad iustitiam.* Et ei qui operatur, id est, de operibus præsumit, & eorum merito sibi dicit datam esse gratiam fidei, merces non imputatur secundum gratiam, sed secundum debitum. Quid est hoc: nisi quod merces nostra gratia vocatur? Si gratia est, gratis datur. Quid est, gratis datur? gratis constat. Ambrosius etiam Epistola prima, *Alia est merces liberalitatis, & gratia, aliud virtutis stipendium, alia laboris remuneratio.* Manifestare est.

VI. Sed si in argumento propria merces intelligatur, tamen vero concedimus consequentiam: at negamus antecedens. Nam hæc merces, quæ datur fidelibus à Deo, est merces improprie dicta: quia gratuita, id est, absque merito: Augustinus eodem loco, *Gratis constat.* Nihil boni fecisti, & datur tibi remissio peccatorum. Attenduntur opera tua, & inueniuntur omnia mala. Si quod debetur illis operibus Deus redderet, utique damnet: si bonum enim peccati mors. Malis operibus, quid debetur nisi damnatio? Bonis quid debetur? Regnum caelorum. Tu autem in malis operibus inuenis: si reddatur tibi quod debetur, puniendus es. Quid ergo sit? Non tibi Deus reddit debitam penam, sed donat indebitam gratiam.

VII. Solutionem impugnant, partim præscriptione, partim argumentis. Præscriptione Porfani. Nunquam futurum quicquam certi, si subinde licet metaphoras comminisci. Et citat Tertullianus 15. cap. 3. contra Marcionem, *Nullus status differentiarum, nisi proprietatibus appellationum consignatur.*

VIII. Respondeo, primo certum esse apud Theologos utrumque: neque semper recurendum ad metaphoras: neque ab iis semper abhorrendum. Nec dum definitum ab utroque plurimum incommoda. Itaque ex præfenti necessitate capiendum consilium: & in omni disputatione primam curam esse, distinguendi homonyma.

IX. Nec vero contra Tertullianum, aut sensus, aut loquutus est. Atque adeo truncatum Porfani induxit. Plenum vide, *Nullus status differentiarum, non nisi proprietatibus appellationum consignatur: quibus deficientibus, si quando, tunc (ita commendauit Latinius) Græca catachresis de alieno abutendo succurrit.* Vbi vides perspicue locum suum relictum figuris: & sensum esse, in constituendis questionibus, siue ponendo controuersiam statum, utendum esse propriis vocabulis, nec ad impropria deueniendum, nisi illis deficientibus.

X. Concedimus ergo nunquam futurum quicquam certi, si subinde liceat figuras comminisci: imo negamus vnquam licere figuras comminisci. Sed vicissim asserimus, nunquam futurum in disputando quicquam certi, si non liceat figurate dicta distinguere à propriis. Quid ergo? Nempe diligenter attendendum, & religiosè, quid quisque locus postulet: ut neque præfracta importunitas oggerat figuram commentitiam, neque peruersum præiudicium necessarium æque aueretur. Debet igitur Sophista, non in loco communi *αἰετῶς*, sed euincere, nos hoc loco figuram fingere.

XI. Argumenta ergo videamus potius. A Porfano duo. Prius: Quæ verba nihil ponunt euidenter, aut impossibile, aut absurdum, ea sunt ad litteram

accipienda. At hæc verba nihil ponunt euidenter, aut impossibile, aut absurdum. Ergo ad litteram accipienda.

XII. Respondeo: Primo, maiorem non esse vniuersalem, & absque exceptione. Nam Paulus illud de boue triturante, in quo ad litteram exposito, nihil est, aut absurdum, aut impossibile, tamen interpretatur tropice. Et ipsi Papistæ, non expectant hæc incommoda, ut ad allegorias diuertant. Denique, si hoc axioma esset certum, nulla vnquam figura esset, nisi necessaria, quod esse alienum ab usu, norunt quicunque Rhetores norunt. Et Tertullianus paulo ante laudatus, non simpliciter dixit catecheseos locum esse, cum deficiunt propria vocabula, sed & n, nimirum cum consignandus status differentiarum.

XIII. Secundo, nego assumptum. Nam hic illud est euidenter absurdum, euidenter impossibile, ex merito operum dari vitam æternam: quod vniuersa Euangelij doctrina impugnetur: ut necesse sit, vel figuram induci, vel ipsum sibi contradicere Spiritum sanctum, id est, doctrinam Euangelij non esse diuinam.

XIV. Alterum Porfani argumentum. Merces hæc metaphorica infert absurdum. Videlicet aufert animos laboranti.

XV. Sed hoc est falsum, & à mera calumnia. Nemo est enim, qui tantos vnquam animos attrulerit ad pietatem, quantos, qui penitus persuasum habuit, suam salutem esse à mera Dei gratia. Quod vel vnus Pauli doceat exemplum. Contra potius, gemitum inde est commodum. Vnum, quia distinguat mercenarios à filiis: illos, inquam, qui nihil boni præstare volunt, & se putant frustra pios esse, si non sit certum propositum lucrum; ab iis, qui eo ipso satis habent ad fungendum suum officium, quod sciant esse suum officium. Alterum, quod his ipsis addat animos, scientibus se salutem in bene operando: etsi per opera non mereantur salutem, quos animos auferret aduersa persuasio, propter peccatorum conscientiam. Adde tertium, quod ansa præcidatur inane gloriæ, quam à fiducia meritorum facile nasci Bellarminus agnouit. Itaque omnino intelligenda est merces metaphorica.

XVI. Tertium argumentum Bellarmini: Scriptura disertis verbis docet hanc mercedem dari operibus. Quid enim apertius dici potuit, quam *Vocati operarios & redde illis mercedem?*

XVII. Imo reddi operibus, vbi dictum? Nam reddi operariis concedimus, negamus tamen inde sequi, reddi operibus, quantacunque sit perspicuitas. Primum, operarij nominantur ex necessitate parabolæ. Non sequitur autem, si in eo, vnde sumitur parabola, sint operarij: esse etiam in ea re ad quam parabola spectat: quomodo, nec, si pisces in nassa; pisces etiam esse in regno caelorum, sed tantum aliquod piscibus simile, siue respondens. Paulus autem mercedem dicit imputari non operanti, sed credenti.

XVIII. Deinde, non si operariis, etiam operibus, quomodo donatum, etsi militibus donetur, tamen non militiæ. Hic vero non reddi operibus manifestum: alioquin inæqualibus operibus mercedem oporteret esse inæqualem: quomodo militiæ reddita stipendia varia sunt, pro tempore militiæ. At hæc parabola inæqualibus operibus proponit æqualem mercedem, quomodo inæquali militiæ æquale donatum. Sicut igitur donatum non est stipendium, ideoque nec debitum, etsi detur militibus, sic neque hæc merces meritis est imputanda.

XIX. Dari tamen operibus probat Porfani, vrgens verbum reddendi *ἀποδοῦναι*, Et addens ex ad Hebr. cap. 10. *Fidelis est, qui repromittit:* vbi notat dictum, non promissum, sed repromissum, quod sit, promissum dare mercedem ei, qui promissum opus facere.

XX. Sed & *ἀποδοῦναι*, varie significare norunt, vel pueri. Supponere meritum interdum nemo negat, vnde Eustathius dixit esse *χρεωτικὸς δίδωμι*. Sed vsurpati etiam sine merito facilis probatio. Primum enim significat restituere alicui id, quod eius aliquando fuerat. Qui sensus est Demosthenis, Oratione *ὑπὲρ τῆς Ἀλοννήσου*, distinguens inter *δίδωμι*, & *ἀποδοῦναι*. *τί ἐν, inquit, αὐτῷ ἄλλο φέρει, μὴ τὸ διὰ τὴν ἀνὸμαλὴν ὑπερμερῶς ἀποδοῦναι ἑμῖν. ἀλλὰ διὰ τὴν ἀνὸμαλὴν, τὴν ἀδικίαν, Quid eius interest, non legitimo vocabulo, reddere vobis, sed alieno potius, dono dare?* Non enim Demostheni mens, fuisse bene meritis de Philippo Atheniensis, sed Atheniensium olim fuisse Halonnesum, itaque non dandam, quasi nouis, sed restituendam, quasi veteribus dominis. *Φίλιππε, ἀρχαῖον μὲν ὑπὲρ τῆς Ἀλοννήσου λέγων, ὡς ἑμῖν δίδωμι καὶ αὐτῷ, ὡς ἑμῖν δὲ φέρει διὰ τὴν ἀνὸμαλὴν αὐτοῦ ἀπὸ τῆς ἡμετέρας ὕστερον, ἢ λαοῦ, ἢ τῶν ἡμετέρων.* Primo sermone Philippus de Halonneso dixit, se daturum vobis tanquam suam: vos vero non iure à se reposcere: neque enim vestram se aut cepisse, aut tenere. Hac eadem notione habemus Matth. cap. 22. *ἀποδοῦτε τὰ Καίσαρος τῷ Καίσαρι, & reddite, quæ sunt Cæsaris, Cæsari.* Lucæ cap. 9. *καὶ ἀπέδωκεν αὐτοῖς τὰ πατρί αὐτοῦ, & reddidit eum patri suo.* Nec alienum cum Lucæ c. 4. dicitur Christus reddidisse codicem ministris, à quo videlicet acceperat.

XI. Alias aliter: & quidem ut nullum meritum supponatur. Matth. cap. 27. *Pilatus iussit ἀποδοῦναι, reddi corpus Actor.* cap. 4. *Apostoli magna vi, ἀποδοῦναι, reddebant testimonium resurrectionis Domini Iesu.* Numerorum cap. 26. *τὸς Κούριον ἡρώων ἐπέτατο Κούριον, ἀποδοῦναι τὴν γῆν τῆς κληρονομίας ἐν κληρῶ τοῖς υἱοῖς Ἰσραὴλ.* En tibi *ἀποδοῦναι*, pro Hebræo *נָתַן* dedit. Itaque Latinus Interpres, sic reddidit, *Tibi domino nostro præcipit Dominus, ut terram sorte diuideres filiis Israel.*

XII. Quid? quod *ἀποδοῦναι* legimus, pro implendis promissionibus? Deuter. 23. *ἰαὺ ἢ ἐξ ὅλης Κούριον τὸ ἐξ ὅλης σου, & χρονίς ἀποδοῦναι αὐτῷ, Cum votum voueris Domino Deo tuo, non tardabis reddere.* In Psalmis crebrum. Psalm. 20. *τὸς ὁχλὸς μου ἀποδώσω, Vota mea reddam.* Enimvero vota agnosco debita, postquam sunt promissa, sed debita tamen, non ex merito, sed ex sola promissione: neque enim fideles vouent sub conditione, *Facio, ut facias*, Itaque, voti redditio, non supponit meritum, sed tantum promissionem.

XIII. Quare non est necesse meritum concludi, vbicunque audimus aliquid reddi. Et quid obstat quominus intelligamus reddi vitam æternam, quomodo reddenda erat Halonnesus Atheniensibus, quomodo redditus est patri suus filius: id est, quo sensu dicuntur reddi, quæ olim habebantur, postea amissa erant, & sicut ille dixit, *Vita mea reddam priori?* Nam & nos dicimur excidisse à vita per peccatum, vnde & sal-

lus dicitur ἀπαγγελῆσαι, Rursus, quid obstat, quo minus propter solam promissionem debere dicamus, ac proinde reddi vitam æternam?

XXIV. Sed in repromittendo Porfanus ineptè acutus est. Nam primo Græce Paulus, πρὸς τὸ ἐπαγγεῖλαι. At τὸ ἐπαγγεῖλαι simpliciter est promittere: ita etiam reddente alias Veteri interprete. Ad Roman. 4. ἐπαγγεῖλαι, Quicumque promissit, potens est facere Ad Galatas. 3. τὸ ἐπαγγεῖλαι, Semper cui promissit. Prioris ad Timoth. 2. γυναικὲν ἐπαγγεῖλαι, mulieres promittentes pietatem. Et alias sepe. Quid mea autem, si repromittendi verbum non nihil faueret Porfano? Nam mihi autor idoneus Paulus est, non verus ille, quifquis est, interpres.

XXV. Secundo, apparet ipsum veterem interpretem, repromittendi verbo vltimum pro simplici promittendi, id est, etiam tum cum non agitur de promissione reciproca. Ad Hebræos 11. πιστὸν ἠγάγει το τὸν ἐπαγγεῖλαι, Fidelem credidit esse eum, qui repromissit. Et 12. νῦν ἡ ἐπαγγελία, nunc autem repromissit. Denique ad Ephes. c. 1. πρὸς τὸ ἐπαγγεῖλαι, quod Latinus vertit, Spiritu promissionis, Hieron. commentans in eum locum dixit, Signati estis Spiritu repromissionis Sancto. Audite Porfanus Spiritum sanctum cadere sub meritum?

XXVI. Gregorius de Valentia nodum speravit magis stringere: argumentatus non à mercede simpliciter, sed à mercede certis descripta circumstantiis. Si qua mercede, inquit, aliqua opera bona, secundum modum aliquem iustitiæ compensari debent, dubium non est, quin talia opera sint vere & proprie ex condigno meritoria eius mercedis. Sed bona opera iustorum, quatenus ex gratia, & charitate proficiuntur, debent compensari secundum aliquem iniustitiæ modum, vita æterna. Ergo vere, & proprie sunt meritoria ex condigno vitæ æternæ. Maiorem probat, quia sic ei sit ante definitum meritum. Minorem vero, his locis præter iam enumeratos. Iacob. 1. Beatus vir, qui suffert tentationem: quoniam cum probatus fuerit, accipiet coronam vitæ, quam repromissit Deus diligentibus se. Postea ad Timoth. 4. In reliquo reposita est mihi corona iustitiæ, quam reddet mihi Dominus in illa die iustus iudex, non solum autem mihi, sed & omnibus qui diligunt aduentum eius.

XXVII. Respondeo, Compensationem alias pro vno reddere aliud, vt pro afflictionibus solatium, pro labore quietem, pro bono malum, aut contra: alias propter vnum aliud, vt agrum propter depensum aurum. Iustitiam item aliam esse constantiæ, aliam permutationis. Illam iubere stare promissis, etiam propter solam promissionis rationem: hæc tantum abest, vt meritum semper præsupponat, quod non potest non coniungi cum bono promittentis, testibus ipsis Papistis in definiendo merito: vt contra etiam cum damno promittentis possit consistere: vnde Psal. 15. Qui iurauit in malum, & non mutat. Quæ autem iustitia permutationis est: hanc demum inferre meritum alterius partis.

XXVIII. Itaque argumentum si intelligat Gregorius de Compensatione priore, & iustitia constantiæ, conceditur quidem minor, sed negatur maior. Nam, quod attinet definitionem meriti ab eo positam, illa vero inutilis est, geminam ob causam. Primo, quia non describit meritum condigni, de quo nunc peculiariter agitur, sed meritum in genere, videlicet tā condigni, quam congrui. Sunt n. Gregorij totidem verba, Hic verum meritum accipimus in bonam partem, potest autem illud generari ita describi: Meritum est opus liberū, bonum, ad alterum aliqua ratione spectans, quod proinde secundum aliquem modum æqualitatis, siue iustitiæ, aliquo munere ab aliquo compensari debeat. Generatum, inquit. Ergo ab ea definitione, cui speciatim concludit meritum condigni, potiusquam meritum congrui?

XXIX. Secundo, hæc ipsa, siue definitio, siue descriptio, non quamlibet iustitiam supponit, sed eam, quam diximus, permutationis. Nimirum propter opus bonum ad alterum aliqua ratione spectans. At iustitia constantiæ, interdum opus nullum supponit. Quare non potest ea definitio probare maiorem, quæ indefinite proponit aliquem modum iustitiæ, non determinate hunc modum, qui est propter opus bonum.

XXX. Iam vero si argumentum sit à Compensatione altera, quæ propter vnum reddat aliud, & iustitia commutativa: concedetur maior, sed negabitur minor, id est, vlla esse fidelium opera, quæ hoc loco debeant à Deo compensari.

XXXI. Enimvero de Mercede nihil opus est eandem telam redordiri. Coronæ ratio eadem. Imo corona in ludis datur, non quod opus eam mereatur, sed tantum, quod sit promissa. Et hæc satis iusta fuit causa metaphoræ: nempe, vt eo nomine salutis æternæ significaretur. Nec vero qui fuisse tentationem; coronam accipiet, idem est, ac si dicas, tentatio est meritum dignum coronæ: cum contra habeamus Pauli apophthegma ad Romanos 8. Existimo, quod non sunt condigna passiones huius temporis ad futuram gloriam. Quid ergo? Nempe sensus erit compensatum iri tentationes coronæ illa, sed priore compensationis genere, vt his tentationibus illa corona succedat.

XXXII. Sed contra Bellarminus: Quod propter solam promissionem vere ac proprie debetur, nunquam id mercedis nomine appellari poterit, nisi conditio operis, & conditionis impletio interuenerit. Esset enim, & durissima, & intolerabilis catachresis, si quis donatum à rege promissum ex mera liberalitate, sine vlla conditione operis mercedem appellare vellet.

XXXIII. Respondeo, Augustino longe aliter visum. Merces, aiebat, nostra gratia vocatur, & explicabat, gratis dari, gratis constare: id est, nulli operi, ac proinde nulli conditionis impletioni debere. Iudicent illam Iesuitæ catachresin quantum volent, durum: quantum volent, intolerabilem. Mouebit nos magis Augustini, & quidem præeunte Apostolo, autoritas, quam Iesuitarum petulantia. Ad hæc, argumentum est inutile. Nam conditio operis, impletio conditionis, non supponunt necessario meritum: vtræque enim esse potest, absque æqualitate: quæ si nulla sit, ne meritum quidem esse potest. Denique, etsi supponatur conditio operis: tamen impletio conditionis potest abesse. Et reuera abest in operibus fidelium. Nam hæc longe aliud est, quam conatus, siue etiam inchoatio: Fideles vero, & conantur bene agere, & inchoant, sed nunquam perficiunt, teste Paulo, ac propterea non merentur.

XXXIV. Sed enim Caluinus inuictio argumento probabat vitam æ-

ternam, non esse mercedem proprie. Nulla, proprie dicta merces, dici potest hæreditas. At vita æterna dicitur hæreditas: Ergo non est merces proprie dicta.

XXXV. Bellarminus respondet: cum in Scripturis vita æterna, non minus sæpe, forte etiam sæpius dicatur merces, quam hæreditas, vnde probabit Caluinus dici proprie hæreditatem, improprie mercedem, & non potius contra? Deinde, quid si vtrumque proprie possit? Datur ex promissione laborantibus, quod est mercedis: nec datur nisi filiis, quod est hæreditatis.

XXXVI. Sed Bellarminus nugatur strenue. Primo enim, quid tum, si tam crebrum vnum nomen esset, quam alterum, aut etiam crebrius mercedis? Quamquam neutrum concessit Caluinus: qui negat vnum dici mercedem ipsam æternam vitam. Sed quid tum tamen, si vtrumque concessero? Nam qui didicimus à Tertulliano, cum desunt appellationes propriæ: tum vsurpari catachresticas: inde etiam scimus, ne perpetuum quidem vsum obflare, quominus catachresis sit admittenda. Nam perpetuum esse oportet, si desit alius: quod si non obstat perpetuus: multo minus, aut frequentius, aut frequentior.

XXXVII. Secundo, absurde dixit, vtrumque & hæreditatis, & mercedis nomen posse hinc proprie dici. Nam si proprie: necesse esset quæcunque, tum de mercede, tum de hæreditate vere dicuntur, eadem dici de vita æterna. At hoc est impossibile, propter manifestam contradictionem. Nam merces est, quæ debetur præcedenti merito: at hæreditas minime. Itaque eadem vita æterna debetur, & non deberetur præcedenti merito: quod est absurdum.

XXXVIII. Ideoque absurda sunt consequentiæ Bellarmini. Non datur nisi filiis: ergo est proprie hæreditas: non datur nisi laborantibus: ergo est proprie merces. Ratio manifesta: quia filiis dari aliquid potest, propter merita, aliasve causas, cum hæreditas tantum propter filiationem. Et rursus laborantibus potest aliquid dari, non ex merito, teste illa Christi parabola.

XXXIX. Hoc exploso, duo iam supersunt: Vel, vt sit vtrumque, hæreditatis, & mercedis nomen improprium: vel saltem alterutrum. Si vtrumque: reuera enim nihil cogit alterutrum esse proprium: quandoquidem frequentissimum, eidem rei multas posse conuenire similitudines, ideoque metaphoras: & vero hæreditas proprie dicta, datur filiis proprie dictis: quomodo vita æterna futura est hæreditas solius Christi, qui solus est naturalis filius. Sed si vtrumque nomen sit figuratum: obtinemus, quod volumus: quia tum vita æterna merces erit, non tamen propterea meritis debita.

XL. Sin autem alterutrum duntaxat, nos vero facile obtinebimus mercedem potius dici improprie. Nam si proprie: ergo fideles proprie dicerentur mercenarii: quod quis ferat? Certe nunquam hæcenus auditum. Cum tamē frequentissime dicantur, & filij, & heredes: vnde facilius hæreditati proprietatis vindicaretur: sed improprietas meriti satis est.

C A P. VII.

De Proportionem operum.

I. Primo argumento à mercede non est admodum dissimile secundum, at minus apud Papistas celebre, ex his locis, in quibus habetur, premium cœlestē dari hominibus, secundum mensuram, proportionemque operum, & laboris: ita enim ponit Bellarminus: & hinc, inquit, euidenter colligitur in premio illo conferendo non haberi rationem solius promissionis, vel liberalitatis, vel indulgentiæ Dei, sed etiam dignitatis, & efficaciam ipsorum operum. Sunt autem ij loci. Psal. 61. Reddens unicuique secundum opera sua. Matthæi cap. 16. Filius hominis venturus est in gloria Patris sui, cum Angelis suis, & tunc reddet unicuique secundum opera sua. Lucæ cap. 16. Eadem mensura, qua mensi fueritis, remetietur vobis. Ad Romanos 2. Theaurizas tibi iram in die ira, & reuelationis iusti iudicij Dei, qui reddet unicuique secundum opera eius. Prioris ad Corinth. cap. 3. Vnusquisque mercedem recipiet secundum suum laborem. Ad Galatas 6. Quia seminauerit homo hac & metet. Apoc. vlt. Ecce venio cito, & merces mea mecum est, reddere unicuique secundum opera sua.

II. Huic argumento oppositam geminam solutionem Bellarminus impugnat. Vnam, opera meriti præmia in hac vita: alteram, bonis operibus reddi tantum signis fidei. Videri ille, vnde habeat. Nos aliter respondemus: distinguentes mensuram proportionemque nimirum vel operum ad opera, vt mercedis ad mercedem; puta, vt opera bona ad opera mala: ita vitam æternam ad damnationem: Vel operum ad mercedem, sicut opera mala ad damnationem, ita bona ad vitam æternam. Illo modo significari diuersum esse exitum bonorum & malorum: nempe, vt neq; omnes aut damnentur, aut saluentur: neq; boni damnentur, mali saluentur, sed boni saluentur, mali damnentur. At altero modo, denotari, non tantum diuersos esse exitus, sed etiam eodem modo proportionata bona opera vitæ æternæ, quomodo mala mortis.

III. Et posteriori quidem sensu negamus vnquam in Scriptura doceri proportionem operum, ad mercedem esse eandem. Hoc facile probatur. Primo, quia non est eadem proportio stipendij ad opera, quæ respicitur. At teste Paulo ad Romanos 6. Stipendia peccati, mors: donum autem Dei vita æterna. Secundo: si eadem proportio: Ergo, quomodo nemo damnatur nisi ex operibus: nemo etiam saluaretur nisi ex operibus: at contra Paulus ad Ephes. 1. Gratia estis seruati per fidem: & hoc non ex vobis: Dei donum est, non ex operibus, ne quis gloriatur.

IV. De locis allatis in confirmationem, sic respondeo. Primo illud ex Luca, Eadem mensura qua mensi fueritis, remetietur vobis, non esse ad rem. Nempe hunc non vno modo exponi testantur etiam interpretes Papistæ: Maldonatus, Iansenius, alij. A quibusdam ergo de iudicio humano: vt qui se seueriorem præbuerit in iudicandis fratribus, idem sciat se seueri ab alijs iudicandum. Cui expositioni consentire videntur hæc verba: dabunt in sinum vestrum. Alij tamen malunt referre ad iudicium

etiam diuinum; eum, qui iudicauerit de fratre, à Deo etiam seuerè iudicandum.

V. Hæc cum ita sint, si placet prior sensus de humano iudicio: manifestum est, alienum esse locum ab hac nostra controuersia, quæ merita non considerat, nisi relata ad Diuinum iudicium. Sin autem non placeat: primo; est tamen ambiguus locus: ideoque incerta inde conclusio: nisi prius illa tollatur certis aliis argumentis ambiguitas: quod nondum quicquam fecit, quod sciam. Deinde: ne sic quidem quicquam promotum erit. Nam iudicandi verbum non sumitur indefinite, & in vtramque partem, sed determinate in malam, scilicet pro condemnatione, vt patet, *Nolite iudicare, ne iudicemini*. Nam, quis vnquam ita exposuit: Nolite absolueret, ne absoluiamini; Rursus ergo præter controuersiam locus est, disputamus enim de meritis ad salutem; non de meritis ad damnationem: nam hæc certa esse, nulli nos negamus.

VI. Rursus, illum ex i. ad Corinth. existimamus remouendum. Patet enim non agere de meritis, quorum varij sunt exitus. Quandoquidem vtriusque operibus positus, tamen salutem proponit. Diserte, *Si cuius opus manserit, quod superadificauerit, mercedem accipiet, si cuius opus exustum fuerit, damnum faciet: ipse vero seruetur*. Non sunt re diuersa, mercedem accipiet, & ipse seruetur. Itaque vtrumque Paulus asserit mercedem accepturum, siue seruatum iri. Non est igitur proportio, quam diximus, hæc enim exigit, vt alter seruetur, alter damnetur.

VII. Qui reliqui sunt loci, non ad hanc, sed ad priorem proportionem pertinent. Id doceat nos Paulus ipse: qui, quo loco dixit, redditum iri vnicuique secundum opera, addit statim explicationis gratia: *Iis quidem qui perstantes, boni operis gloriam & honorem & immortalitatem querunt, vitam æternam: Rixosis vero, & veritati quidem non obtemperantibus, obtemperantibus autem iniustitia, exandescencia & ira. Afflictio, & angustia aduersus omnem animam hominis perpertantis malum, tum Iudæi in primis, tum etiam Græci. Gloria vero & honor & pax cuius operanti bonum, tum Iudæo in primis, tum etiam Græco*. Quinetiam in Apocalypsi, quod Latinus interpres dixit secundum opera sua, Græce scripsit Ioannes non *ἐργα*, sed *ἀγαθὰ ἔργα*. Significatur ergo talem futuram mercedem, qualia opera erunt, nimirum bonam, si bona, malam, si mala, sed non propterea, sicut meritis malorum operum debetur mors; sic meritis bonorum debetur vitam.

VIII. Quod si à prioris generis proportionem ducatur argumentum: tum negamus inde colligi, rationem haberi à Deo dignitatis siue efficaciz ipsorum operum. Neque enim necesse est, si detur vita æterna iis, qui bona opera fecerint, & mors iis, qui mala, ideo merita significari. Exemplum dabo manifestum & familiare, ab aduersariorum doctrina de Baptismo. Nam illi audacter dicent: Qui baptizatus fuerit, saluabitur: qui non fuerit baptizatus, damnabitur. Atqui nemo est, quod sciam, qui baptismum posuerit in meritis vitæ æternæ: alioquin infantes mererentur, cum baptizantur, aut peccarent, cum non baptizantur: quod est absurdum.

IX. Gregorius huc facit in Psalmum pœnitentialem 7. *Misericordia Domini ab æterno usque in sæculum super timentes eum. Quod si illa sanctorum felicitas misericordia est, & non meritis acquiritur, ubi erit quod scriptum est: Et tu reddes vnicuique secundum opera sua? Si secundum opera redditur, quomodo misericordia estimabitur? Sed aliud est secundum opera reddere, & aliud propter ipsa opera reddere. In eo enim, quod secundum opera dicitur, ipsa operum qualitas intelligitur: ut cuius apparuerint bona opera, eius sit & retributio gloriosa. Illi namque beata vita, in qua cum Deo, & de Deo viuunt, nullus potest agnari labor, nulla opera comparari, præsertim cum Apostolus dicat, Non sunt condigna passiones huius temporis ad futuram gloriam, quæ reuelabitur in nobis.*

X. Sed instant & probant intelligenda esse merita. Scriptura, inquit, loquitur eadem phrasi de bonis & malis operibus. Ergo si bona opera non sunt merita vitæ æternæ: ne mala quidem, mortis æternæ. At, quis Christianus affirmare audeat, homicidio, adulterio, perituro, alijsque id genus sceleribus non deberi supplicium per se, quæ talia scelera sunt?

XI. Respondeo, negari consequentiam. Et causam ostendo, quod alia longe ratio sit bonorum, alia malorum operum. Patet: quia si eadem ratio esset, tum quomodo dictum: *Qui in vno delinquit, sit omnium reus*: ita dicendum foret, qui vnum bene facit, censetur omnia impleuisse: quod est absurdissimum, & implicat contradictionem. Rursus: si vnum quodlibet peccatum sufficit ad damnationem: ergo vnum quodlibet opus bonum sufficeret ad salutem: quod rursus alienum est à Theologia. Denique Paulus diserte: *Stipendium peccati, mors: donum autem Dei vita æterna*, ad Roman. 6.

XII. Quod autem vtrunque eadem phrasis sit, nihil habet difficile. Hæc enim phrasis non peculiariter significat merita: sed generalius, consequentiam. Sic ergo dicimus, animam inesse stirpi, & inesse etiam animali: tamen non eodem modo concludimus animam stirpi inesse & animali. Item & hominem esse animal, & pecudem esse animal: nec tamen idem genus animalis. Ita et si verum sit proponi præmium tum bonis, tum malis operibus: non est tamen necesse, eandem esse vtrunque præmij rationem, sed sufficit illud simpliciter, vtrunque præmium esse propositum, quomodo sufficit stirpi aliam esse animam.

XIII. Ad eum modum audimus à Christo, Marci 16. *Qui crediderit & baptizatus fuerit, seruetur: qui vero non crediderit, condemnabitur*. Et hic eadem phrasis vsurpatur, tum de fide, tum de infidelitate. Et infidelitatem omnes agnoscunt esse peccatum: ac proinde perse meritum damnationis. At fidem ne in meritis computemus,

obstat Apostolus, qui ne in operibus quidem pariter computari: his illam opponens, in hoc de salute argumento.

CAP. VIII.

De ratione obtinenda vitæ.

I. Tertium argumentum deducit Bellarminus ab iis locis, qui ita vitam æternam testantur reddi bonis operibus, vt ipsam rationem, cur detur vita æterna, in operibus ponant. Matth. 25. *Venite benedicti Patris mei: possidere paratum vobis regnum ab origine mundi. Esuriui enim, & dedistis mihi manducare. Item: Quia in pauca fuistis fideles, supra multa te constituiam, intra in gaudium Domini tui*. Apocal. 7. *Hi sunt qui venerunt ex magna tribulatione, ideo sunt ante thronum Dei*. Argumentum est huiusmodi. Si ratio, cur detur vita æterna, ponitur in operibus: Ergo opera sunt merita condigna vitæ æternæ. Probatur antecedens, quia particula, enim, quia, ideo, sunt omnes causales.

II. Sed rationis nomen nimis late patet, quam vt non sit distinguendum. Interdum causam designat propriam, vnde sit effectus, aliquando autem consequentiam quācumque, id est, nexum antecedentis & consequentis. Vt, si dicat Astrologus hoc temporis noctem esse, quia Sol sit sub Horizonte, tum rationem reddet à propria causa noctis. Sed, si dicat, hoc temporis noctem esse, quia appareant stellæ: tum hæc quidem ratio est legitima: sed non indicat tamen causam, à qua sit nox. Sic Medicus alius dicet, hunc ægrotare, quia nimium habeat calorem internum: alius vero, quia paleat. Infinita sunt huiusmodi.

III. Si rationem Bellarminus posteriori notione vsurpat, negatur consequentia argumenti. Nam quemadmodum non est lumen stellarum causa noctis, etiam si bona sit ratio noctem esse, quia stellæ luceant, sic nulla ratiocinationis necessitas efficiet, opera esse meritum vitæ æternæ, etiam si legamus dari vitam æternam cuiquam, quia opera bona præstiterit. Quod puto esse per se manifestum, & habet in promptu exemplum à Paulo, qui, *misericordiam*, inquit, *Dei consequutus sum, quia ignorans feci in incredulitate*, i. ad Timoth. 1. An tibi videtur, an cuiquam videtur ignorantia in incredulitate, esse meritum, & quidem condignum, misericordiz? Et tamen audis *Deum, quia*.

IV. Sin autem argumentum est à priori rationis notione, tum negatur antecedens. Falsum est enim vsquam Scripturam docere, opera esse rationem, id est, proprie causam dandæ vitæ æternæ. Contra enim docet, talem causam esse gratiam, cui cum operibus conuenire non potest.

V. De locis respondeo, primo secundum tertiumque male citari. Nam secundum violatum ab interpret. Latino, addita particula, *quia*, quæ in textu Græco nulla est. Lucas Brugenfis, *Quia, non legitur aut Græce, aut Syriace: decetque eius omisso, & sermonis confiso, maiestatem Domini seruo enim Dominus omnis monosyllabus est*. Cur ergo hanc particulam vsurpat?

VI. Sed in altero propria fraus est Bellarmini, truncantis locum. Integrum lege, *Hi sunt, qui venerunt de tribulatione magna, & lauerunt stolas suas, & dealbarunt eas in sanguine agni: ideo sunt ante thronum Dei, & seruiunt ei die ac nocte in templo eius*. En tibi, non vnam causam, quam solam exscripsit Bellarminus, redditum à tribulatione, sed etiam alteram, lotas stolas in agni sanguine. Quia (inquit Ambrosius) anima electorum, quæ antea erat nigredine peccatorum involuta, per redemptionem sanguinis Christi candorem munditiæ assumpserunt. Haimo, *Ac si diceretur, propterea ad numerum pertinent electorum: propterea thronus Dei, propterea templum Dei sunt, propterea in templo Dei sanctam illi exhibent seruitutem, quia talibus vestimentis induti, quia sanguine agni videntur abluti*.

VII. In reliquis, dico significari rationem non primi generis, sed secundæ. Nam quod Bellarminus viget particulas, facile negotium est. Causales esse particulas fateor, sed has dico significare omne genus causarum, etiam eas à quibus oritur non tam res ipsa, quam rationis consequentia: ac proinde lato ambitu completi, & occasionem & causam sine qua non, & signum, & coniecturam, & si quæ sunt aliæ. Prima Ioannis 2. *Scripti vobis, Patres, quoniam nostis eum, qui à principio est. Scripsi vobis adolescentes, quia fortes estis*. Prioris ad Timoth. 1. *Misericordiam consequutus sum, quia ignorans feci in incredulitate*. Et post, *Ideo misericordiam consequutus sum, ut in me primo ostenderet Christus Iesus omnem patientiam*. Matth. 16. *Serenitas erit rubet enim cælum*. Infinita sunt huiusmodi, & si prolixius colligam, rem non necessariam facturum sim.

VIII. Instat Bellarmin. At si ita licet omnia eludere, inquit, nullæ erunt formæ loquendi, quibus sententias nostras explicare possimus.

IX. Imo, inquam ego, si non licet ambigua distinguere, nullæ erunt formæ loquendi, quibus non abutantur Sophistæ ad veritatem evertendam. Et vero quis tulerit Græcos de seditione querentes? Aut quis ignorat, quam sint exercitati Papisticarum Scholarum Sophistæ in torquendis manifestissimis quibusque, & comminiscendis nouis, iisque violentissimis distinctionibus? Mirum ni ad eos delatum sit summum in disputantes imperium, vt omnibus pro arbitrio interdicerent, sibi contra permittant, quicquid commodum visum fuerit.

X. Sed fingamus, inquit, voluisse Christum ostendere, opera misericordiz esse veram causam, cur iustis hominibus in iudicio reddenda sit merces salutis æternæ: quibus, quæso, verbis, breuius, apertius, commodius id explicare potuisset, quam illis, *Possidete regnum: esuriui enim, & dedistis mihi manducare*.

XI. Rîdiculum, inquam. Quasi Christo non potuissent illa ipsa verba in mentem venire, quibus nunc est vsus Sophista. Nam ecce dixit Sophista id, quod fingi vult: aliis verbis: & dixit apertius, commodius. Nam nos, qui contendimus illa Christi verba non id sonare necessario, quod ille vellet obtinere; & obtineret profecto, si nos tam effemus ad fingendum procliuës, quam ille vellet: nos, inquam, non possumus ambigere, quin voluerit opera esse vere merita vitæ æternæ. Et nos existimabimus tam fuisse infantem Christum, tam indigum verborum, vt eadem verba non potuerit exprimere? Quantum huic, quæso, homini, concedemus cerebrum? Nisi forte, suum illud breuius vigeat, & breuitatem constituat in syllabarum

compendio: quomodo illi breues erant, quorum breuitatem ridet Comicus, cum Coniam dicerent.

XII. Quamquam illa ipsa Christi verba, si quid habent obscuri, id est à versione Latina: quæ possidere dixit, paulo latius. Et hoc verbo abutuntur Sophistæ: qui possidere sciunt non illa tantum quæ dono, sed etiam quæ pretio depenso nostra sunt. At Christus dixit *καὶ ἡ πόσις καὶ ἡ ἀνδραγαθία*: quod verbum significat non *possidere* simpliciter, sed hereditatis iure: quodius nulla mercede, nullo merito acquiritur, nec puto facile id verbum occurrere pro possessione acquisita propriis meritis.

XIII. Sed esse tamen illas particulas vere causales, cum agitur de bonorum operum præmiis, probat ex 2. ad Corinth. 4. *Quod in presenti est momentaneum & leue tribulationis nostræ, supra modum in sublimitate æternæ gloriæ pondus operatur in nobis.* ad Galat. 6. *Qui seminat in spiritu, de spiritu metet vitam æternam.* Ad Philipp. 1. *Cum timore & tremore salutem vestram operamini.*

XIV. Sed nego in primo loco, *operari*, idem esse quod mereri. Argumentum certum: quod, quæ tribulationes hic dicuntur operari imensum pondus gloriæ, negantur alibi esse condignæ eadem gloria, ad Romanos octauo. Itaque *κατεργάζεσθαι* generaliter interpretandum efficitur: quomodo cuiuscunque generis causæ vis, ita solet exprimi. Vt ad Romanos 4. *ὁ ὅτι κατεργάζεσθαι: Lex iram operatur.* Quinto, *ὁ δὲ ὅτι κατεργάζεσθαι: tribulatio patientiam operatur.* Posterioris ad Corinthios 7. *ὁ δὲ ὅτι κατεργάζεσθαι: Quia secundum Deum tristitia est penitentiam in salutem stabilem operatur.* Iacob. 1. *τί δὲ κατεργάζεσθαι: Probatio fidei vestra patientiam operatur.* Et vero Syrus interpres hoc loco reddidit *ἡ ἀνδραγαθία*, quo verbo preparatio significatur.

XV. In tertio loco, *ἐργάζεσθαι* eodem modo dicitur, quo solent Græci, *ἐργάζεσθαι*: unde Geneleos secundo, *ἔργον αὐτῶν ἐστὶν ὡς ἀνδραγαθία*. Et Apocalyp. 18. *ὅσοι τὸν οἶνον ἐργάζεσθαι.* Nam operari terram, operari paradysum, operari mare, non est ipsam terram, aut paradysum, aut mare efficere, sed occupare se in illis, quæ pertinent ad terram, paradysum, & mare. Similiter ergo, operari salutem: in illis occupari, & laborare, quæ pertinent ad salutem: quod quidem potest fieri, ut mereamur tamen salutem.

XVI. Restat secundus locus, in quo est *metere vitam æternam*. non difficilis. Quia terminos necesse est non proprie, sed figurate intelligi. Nam proprie oportet messim eiusdem esse definitionis cum semine, ut triticum cum tritico: non enim ex filigine triticum. At hic non potest eadem definitio esse operum bonorum, & vitæ æternæ. Figuræ autem, satisfaciunt proportio, quam diximus, secundi generis, nimirum ut reddatur cuique secundum opus suum: id est, ita ut spiritualia respondeant spiritualibus: carnalia carnalibus: non pro meritis, sed pro qualitate operum.

CAP. IX.

De retributione iustitiæ. De vita promissa operibus. De dignitate. De acceptione personarum.

I. Quartum argumentum Bellarmini est ab his locis: qui docent vitam æternam reddi ex iustitia. Posterioris ad Thessalonicen. 1. *Gloriamur in Ecclesia Dei, pro vestra patientia & fide in omnibus persequutionibus vestris & tribulationibus quas sustineris, in exemplum iustitiæ Dei.* Si tamen iustum est apud Deum, retribuere tribulationem his qui vos tribulant, & vobis qui tribulamini requiem. Post. ad Tim. 4. *Bonum certamen certauimus, consummauimus, fidem seruauimus: in reliquo reposita est mihi corona iustitiæ, quam reddet mihi Dominus in illa die iustus iudex.* Ad Hebr. 6. *Non est iniustus Deus ut obliuiscatur operis vestri.* Iacob. 1. *Beatus vir qui suffert tentationem, quoniam, cum probatus fuerit, accipiet coronam vitæ.* Apocalyp. 2. *Esto fidelis usque ad mortem: & dabo coronam vitæ.* Proverbiorum 19. *Fœneratur Domino, qui miseretur pauperis.* Prioris ad Corinth. 9. *Nescitis quia hi, qui in stadio currunt, omnes quidem currunt, sed unus accipit præmium? Sic currite ut comprehendatis.* Post. ad Tim. 1. *Certus sum, quia potens est depositum meum seruare in illum diem.*

II. Nimirum hinc argumentum ita est: Quod ex iustitia redditur, id redditur merito. At vita æterna redditur ex iustitia: ergo merito. Probatur minor: primo, quia iustum dicitur apud Deum, qui ipse iustus est: secundo, quia dicitur corona, & præmium: tertio, quia fœneratur Domino, qui miseretur pauperis: quarto, quia depositum dicitur. Porro iniuriam faceret, qui mutuum non redderet, vel præmium vincenti non daret: vel depositum non restitueret.

III. Respondeo: iam ante in primo argumento satisfactum esse Gregorio de Valentia, qui, quod in nomine mercedis videbat esse leuiculum, hac iustitiæ mantillâ voluit supplere. Itaque nunc tantum perstringam. Ex iustitia redditur: nimirum Dei, quia iustus sit Deus: non fidelium, quia iusti sunt fideles. Itaque non ex merito.

IV. Probationum alie fideles comparant infidelibus: & hæc faciles, iam consideratæ. Vtrisque enim retributio ex iustitia, sed non eodem modo: quia aliis ex iustitia constantia, propter promissionem: aliis ex iustitia distributiva, propter merita peccatorum. Ideoque Deus iustus iudex: quia iuste discernit hos ab illis, ut vtrisque tribuat secundum opera.

V. Aliæ non comparant, sed absolute fidelibus pollicentur. Sic corona promittitur & præmium: apud Paulum ad Timotheum, & Corinthios, & apud Iacobum, & in Apocalypsi. Sed eadem ratio est, quæ paulo ante mercedis fuit. Sunt enim loquutiones metaphoricæ, non propriæ: ideoque non possunt meritum proprie dictum inferre. Censendæ ergo, non ex vfu vulgari coronæ aut præmij, sed ex eius natura rei ad quam transferuntur significandam. Quare cum vniuersum Euangelium operum merita auerferet, necesse est meritum, aut nullum nominari, aut *κατὰ γενικὴν* vsurpari.

VI. In deposito, quis non deprehendat Sophisticem? Nam certe depositum proprie meritum, aut mercedem non significat, sed id, cuius nos

cum simus domini, apud alium interim deposuimus: tandem repetendum; & quidem ipsum, non aliud. At primo meritum non ipsum repetitur, sed aliud pro ipso: deinde vitam æternam nemo nostrum reposuit apud Deum: Itaque ne repetere quidem potest: denique non eramus eius vitæ domini: imo ab ea excideramus: nec poteramus repetere, donec iure promissionis gratuita, facta sit nostra. Itaque depositum nominari non potest, nisi *κατὰ γενικὴν*: ex hac tantum similitudine, quod cum nostra sit, non tamen apud nos, sed est apud Deum; & quidem certo reddenda: quomodo depositum, quamdiu depositum, non est in potestate domini: et certo futurum tandem. Ratio autem dominij non explicatur, itaque aliunde petenda.

VII. Et tamen, quid obstat quominus & coronam, & brauium, & depositum dicamus esse fidei? Nam hi quidem loci, de operibus nihil habent necessarium. Imo Paulus *Fidem seruauit*. Et tentationes Iacobus diserte dicit probationem fidei operari, *δοκιμὴν τῆς πίστεως*. Si vero fidem ponimus, operum merita & cludimus necessaria consequentia: nisi Paulo nimium aperte contradicamus. Obtinetur ergo corona fidei, brauium fidei, depositum fidei: non vero meritum, non operum.

VIII. Qui dat pauperi, fœnerari Deo, concedo: Sed nego propterea mereri. Imo propterea dico non mereri. Nam fœnus non est meritum: si enim esset, esset etiam iustum, & si iustum, non prohiberetur à Deo. Est autem prohibitum: ergo non est meritum. Quod si est, tum vero Scriptura fœnotis nomine non potest significare apud Deum aliquid nos mereri: Contra potius, à Deo nos accipere, quod tamen non meremur. Itaque huius fœnotis naturam explicans nobis Christus Matth. 19. *Quisquis reliquerit domos, aut fratres, aut sorores, aut patrem, aut matrem, aut uxorem, aut liberos, aut agros causa nominis mei, centuplicia accipiet, & vitam æternam & hereditatis iure possidebit.* Vbi nota tum illud, *Centuplicia accipiet*, tum hoc, *κατὰ γενικὴν*, utroque enim excluditur meritum condigni. Prius proportionem negat, siue potius æqualitatem, ideoque condignitatem: alterum autem etiam meritum, quia hereditatis ius non acquiritur meritis.

IX. Non obliuisci Deum operis, quid habet virium? Namne ille quid obliuiscitur, qui compenlat ex gratia. Et ille non iniustus, qui constanter manet promissis. Vtrumque, Deus, et si nulla sint merita.

X. Quintum argumentum Bellarminus habet ab his locis, Matthæi 19. *Si vis ad vitam ingredi, serua mandata. Omnis qui reliquerit domum, vel patrem, centuplum accipiet, & vitam æternam possidebit.* Prioris ad Timotheum 4. *Pietas ad omnia utilis est, promissionem habens vitæ, quæ nunc est & futura.* Iacob. 1. *Accipiet coronam vitæ, quam repromisit Deus diligentibus se.* Hinc ita colligit. Vita æterna promittitur operibus, at promissio facta cum conditione operis, non solum debita facit rem promissam, sed et facit, ut qui opus impleuerit, meruisse dicatur rem promissam, eamque, ut mercedem iure suo exigere possit. Sic formo: Quisquis implet opera, quibus promissa est vita æterna, is meretur ex condigno, at fideles implent. Ergo merentur ex condigno.

XI. Respondeo. Primo, negatur minor. Nemo enim fidelium non est peccator, itaque nemo implet opera, quibus promittitur vita æterna. Cum autem promittitur merces operaturo, id est, impleturo conditionem additam promissioni, & tamen datur etiam non implenti, tum qui accipit non potest dicere se mereri, sed accipere duntaxat ex gratia. Vt si quis conductus ad vineæ culturam, in denarium diurnum, tamen vineam non coluit, aut male coluit, huic si redditur denarius, tum ille nullo pacto meruit. Atqui tales sunt omnes fideles: Itaque tenentur precari, *Dimitte nobis debita nostra*. Quare non merentur.

XII. Secundo, maior non est vniuersalis, quia potest promissioni addi conditio, cuius nulla sit proportio ad mercedem, ut si rex venienti ad se polliceretur auri vim magnam, nemo tam est alienus à sensu communi, ut dicat eo quod venient, meritum esse ex condigno. Ratio, quia defectus est proportionis. Si ergo poneremus vitam æternam, promissam, non simpliciter operibus bonis, sed diserte his operibus, quæ præstantur à fidelibus: id est, ut loquuntur Papistæ, si vita æterna esset promissa facientibus quod in se est, tamen nulla ratio bona concluderet meritum ex condigno.

XIII. Rursum potest promissio addi conditioni operis iam debiti. Vt si quis seruo promittat, si sit frugi, libertatem: tum libertatem ille non merebitur ex condigno: quia omnes serui tenentur esse frugi. Itaque vfu sit, ut non omnes seruos frugi, domini manumittant, sed tantum vnum, sed alterum pro arbitrio: deberent tamen omnes, si qui frugi sunt, merentur ex condigno.

XIV. Hæc cum ita sint, nihil est difficile in locis citatis. Primum enim nullus probat assumptum, itaque, cum hoc sit falsum, conclusio nulla est. Secundo, probant duntaxat promissionem factam esse operantibus, sed non probant opera esse condigna, id est, aut non alio iure debita, aut perfecta, id est, qualia supponuntur in conditione. Itaque, ne maiorem quidem fulciant.

XV. Sextum argumentum his locis nititur. Sapient. 3. *Deus tentauit eos, & inuenit dignos se.* Posterioris ad Thessal. 1. *Vt digni habeamini regno Dei, pro quo patimini.* Lucæ 20. *Qui digni habebuntur seculo illo, & resurrectione ex mortuis.* Apoc. 3. *Ambulabunt mecum in albis, quia digni sunt.* Syllogismus: Quicumque dignus est præmio, meretur præmium. At qui bona opera faciunt, digni sunt præmio, ergo merentur. Probatur maior: Luc. 10. *Dignus est mercenarius mercede sua.* At ante probatum est, idem esse, dignum esse, & mereri.

XVI. Respondeo: dignum esse, vel ex operibus, vel ex gratia. Si dignum dicas ex gratia, negatur maior: quia opponuntur directe meritum & gratia. Nec verum est antea probasse Bellarminum idem esse, dignum esse & mereri: quæ de re actum c. 3.

XVII. Si vero dignum dicas ex operibus; distinguam opera in perfecta, & imperfecta: illa, ut dixi talia, qualia esse debent, ex formula conditionis: ista, qualia sunt à fidelibus adhuc sub peccato gementibus. Illo operum sensu conceditur argumentum vniuersum, sed negatur esse ad thesim: nempe, quia non concluditur, quemquam esse, qui eiusmodi faciat opera: non esse autem, alias est à nobis disputatum. Sic autem intelligitur operarius dignus esse sua mercede; nempe qui vere operarius sit; nec tantum incho

inchoet, sed etiam absoluat opus: nam qui tantum inchoat, is non meretur.

XVIII. Sin loquamur de operibus, non tanquam idea Platonica, cuius substantia nulla extra definitis cognitionem: sed qualia sunt, esse possunt, quæ exerceantur: tum vero negamus, qui ista opera faciunt, esse dignos præmio; hæc quidem dignitatis notione, cuius mensura sitæ fundamentum sit in operibus. Ratio certa ex demonstratis, Quia nullus peccator sic potest mereri vitam æternam. At omnes fideles sunt peccatores, nullo prorsus dempto. Neque vero dignitas illa, quæ in citatis locis nominatur, describitur ex operibus: & alii loci necessario cogunt intelligi, ex gratia. Itaque argumentum vis nulla.

XIX. Septimum argumentum ab istis deducitur Ad Rom. 2. Non est acceptio personarum apud Deum. Ad Galat. 2. Deus personas non accipit. Prim. Petr. 1. Si patrem invocatis eum, qui sine acceptione personarum iudicat secundum uniuscuiusque opus. Actorum decimo. In veritate comperio, quod non est personarum acceptio apud Deum. At acceptio personarum, inquit, est vitium contrarium iustitiæ distributiæ, cum videlicet iudex dat præmium sine meritis: aut maius præmium minoribus meritis: vel contra. Deus igitur in retributione præmiorum merita considerat, & pro merito diuerfitate, vitæ æternæ mansiones assignat. Itaque Augustinus, Epist. 46. Si non sunt merita, quomodo iudicabit Deus hunc mundum? Sic erit argumentum: Quicumque præmium distribuit sine meritis, est acceptor personarum. At Deus non est acceptor personarum. Ergo Deus præmium vitæ æternæ non distribuit sine meritis.

XX. Sed hoc argumentum non minus inutiliter hodie torquetur à Papis, quam olim à Pelagianis, quorum non erat dissimilis causa. Respondeo, maiorem non esse vniuersalem: sed veram duntaxat de præmio dando secundum iustitiam distributiæ: at non secundum gratiam. Evidens argumentum: quod inæqualiter laborantibus in vinea, sub vesperam æquale præmium redditur: quod non debuit ex iustitia distributiæ. Necesse tamen est in Deo vitium non esse, ac proinde neque acceptionem personæ. Si igitur omnis acceptio personæ, est, quum in iustitia distributiæ datur præmium sine merito: vel inæqualibus meritis æquale: & tamen inæqualibus meritis tribuendo æquale præmium vitæ æternæ non admittitur *αποδοτιναι*: omnino necesse est, distributionem præmii in vita æterna, non pertinere ad iustitiam distributiæ. Quod si verum, concidit argumentum Bellarmini, falsaque conclusio Deum merita considerare.

XXI. Sic Augustinus Pelagianis olim satisfacerebat contra duas Epistolas, lib. 2. c. 7. *Acceptio personarum ibi recte dicitur, ubi ille, qui iudicat relinquit causam meritum, de qua iudicat, alteri contra alterum suffragatur, quia inuenit aliquid in persona, quod honore, vel miseratione sit dignum. Si autem quisquam duos habeat debitores, & alteri vellet dimittere debitum, alterum exigere: cui vult donat, sed neminem fraudat: nec acceptio personarum dicenda est, quando iniquitas nulla est.*

XXII. Et fateamur tamen non posse iudicari mundum à Deo, si nulla essent merita: quod Augustinus voluit: sed meminisse iubemus Bellarminum, non agi nunc de meritis in genere: sed de meritis vitæ æternæ. Ad iudicandum autem mundum sufficient merita mortis: tum, ut damnentur infideles ex merito: tum ut saluentur fideles ex gratia. Nam gratia præsupponit peccata: ac proinde merita damnationis.

CAP. X.

Rationes Papistarum extra Scripturam.

I. Hæcenus à Scripturis: nunc vnde cumque Bellarminus: Si opera bona fidelium, sunt vera iusta, & satisfaciunt legi diuinæ, & iustificat hominem: ergo merentur vitam æternam. Ratio consequentia: quia potissima ratio, propter quam impugnantur merita, hæc est, quod omnino iustorum opera dicantur esse peccata. Antecedens autem probasse se dicit Bellarminus libro quarto.

II. Sed nos negamus antecedens. Ad confirmationem: primo dicimus non hanc solam causam esse, quam ille notat: sed etiam aliam; nimirum, quod præter ea quæ sunt à fidelibus bona, multa sunt vere mala: ob quæ sola, deberetur eis mors æterna; qualiacunque reliqua essent. Quia, qui peccat in vno, fit omnium reus: vnde impossibile sit, ut quæ illi bona faciunt, eos iustificent.

III. Deinde falsum est à Bellarmino vnquam esse demonstratum, opera fidelium talia esse, qualia describit: quod partim factum est manifestum ex opposita disputatione nostra de Perfectione iustitiæ: partim constabit, cum de Iustificatione disputabimus, Deo dante. Itaque hæc ratio Bellarmini mera fuit *φωγία*, & petitio principii.

IV. Secundam rationem Porfanus contraxit in Soritem. Vbi promissio, ibidem obligatio est. Vbi obligatio, ibi debitum, Vbi debitum, ibi ius. Vbi ius, ibi vera iustitia. Ergo Deus debet mercedem ex iustitia: eo quod ipse se obligarit promittendo.

V. Retexo gradatim. Vbi, inquit, promissio est, ibi obligatio. Concedo sane, inquam: ita enim usus obtinuit. Pergit. Vbi obligatio, ibi debitum. Concedo rursus: sed distinguendo. Est enim debitum, quicquid aliquo pacto debetur. Debetur autem aliquid, alias ex sola promittentis constantia exque vi solius promissionis: alias, ex merito eius cui facta promissio est. Rursus. Vbi debitum, ibi ius: Est, sed tale ius, quale debitum.

VI. Hæcenus nihil incommodi. Sed vbi ius, ibi vera iustitia. Nec hic quidem. Nam rursus distinguo: Est enim iustitia eius, qui promissit: est & iustitia eius, cui promissum est. Illa sequitur ex debito priore: hæc vero ex posteriore: non contra illa ex posteriore, hæc ex priore. Et vtrique tamen non tantum iustitia est, sed etiam vera iustitia.

VII. Denique, ergo Deus debet mercedem ex iustitia: eo quod ipse se obligarit promittendo. Quis abnuat? Sed nos disputamus de merito: & quidem condigni. Hoc autem meritum nos deduci asserimus, non ex quacunque iustitia: sed ex iustitia eius, cui datur merces: seu maius, cui facta est promissio. Negamus vero ex iustitia sola eius, qui promissit. Exempli gratia. Promissio. Deus baptizatis salutem: ergo debet. At infantes baptizantur: ergo & his

baptizatis debet. Si debet, ergo ex iure: si ex iure, ergo ex iustitia: eo quod se obligarit promittendo. An etiam ex meritis? Viderit Porfanus. Nos sane nondum quencquam vidimus, qui Baptismo infantum meritum vllum assignaret. Nihil ergo promouet qui concludit, deberi mercedem ex iustitia.

VIII. Porro obligari Deum non nostris meritis, sed sola sua fide: ideoque iustitiam, quam posseruat, intelligendam esse eius iustitiam, non nostram, discant Papistæ: ex Augustini serm. 16. de verbis Apostoli, *In his, quæ iam habemus, laudemus Deum largitorem: in his, quæ nondum habemus, tenemus debitorem. Debitor enim factus est, non aliquid à nobis accipiendo, sed quod ei placuit promittendo. Aliter enim dicimus homini, debes mihi, quæ dedi tibi: & aliter, debes mihi, quia promissisti mihi. Quando dicis, debes mihi, quia dedi tibi, à te processit beneficium, sed mutuum, non donatum. Quando autem dicis, debes mihi, quia promissisti mihi, tu nihil dedisti, & tamen exis. Bonitas enim eius qui promissit, dabit, ne in maliciam fides conuertatur. Qui autem fallit, malus est. Item de Tempore, serm. 151. Laudemus, fratres, Dominum: quia eius fides iam promissa retinemus, nondum accepimus. Parum putas, quia promissorem tenemus, ut iam debitorem exigamus? Promissor Deus, debitor factus est bonitate sua, non prærogantia nostra. In eadem mentem Bernardus extremo libro de Gratia & Libero arbitrio: Promissum quidem ex misericordia: sed iam ex iustitia persoluumus est. Est ergo quam Paulus expectat, corona iustitiæ: sed iustitia Dei, non sua. Iustum quippe est, ut reddat quod debet: debet autem, quod pollicitus est: & hæc est iustitia, de qua præsumit Apostolus, promissio Dei. Nec vero inelicans illud quod ex Bonauentura recitat Alfonsus à Castro: *Debitorem se fecit: non quidem hominibus, quibus nihil debere poterat: sed sibi ipsi, ut fidelis esset in promissis ita ut cælum & terra transirent potius, quam promissio illius volaret inanis.**

IX. Sed debitum tamen ex merito probate sperat Porfanus. Promissio enim, aliam esse absolutam; aliam cum conditione alicuius dicti factique. Illam esse fidelitatis, alteram iustitiæ. Hanc, de qua agimus, esse cum conditione: & quæ sit eiusmodi, perfectissime obligare.

X. Nec vero nos promissionis distinctionem negamus: sed addimus promissionem cum conditione non omnem inferre meritum: nam hoc credimus à Porfano intelligi per illud, perfectissime obligare. Exceptio gemina. Prior, cum conditio addita non potest esse meritum: ut cum baptismo additur promissio: altera, cum non impletur conditio, ut si quis vel non baptizetur omnino: vel baptizetur non in nomine Trinitatis, quæ exceptio in hac quaestione locum habet, ut ante diximus.

XI. Tertia ratio erit Sanderi: Si Christus meritis est, ergo & fideles merentur. Antecedens manifestum, ad Philip. 2. *Factus est obediens usque ad mortem: mortem autem crucis: propter quod Deus exaltauit illum, & donauit illi nomen, quod est super omne nomen.* Probatur consequentia. Quia Christus meritis est, ut nos mereremur. Hoc ipsum probatur: quia natus est, ut nos renasceremur: precatus est, ut nos precaremur: obediuit, ut nos obediremus: passus est, ut nos pateremur: resurrexit, ut resurgeremus: per passionem suam intravit in gloriam, ut per nostras tribulationes ipsi intremus in gloriam. Ergo & meritis est, ut nos mereremur. Rursus. Si proportio quadam est inter Christi passionem & gloriam: nosque ad eius imitationem oportet compati, ut conglorificemur: ergo est etiam proportio inter nostram compassionem & conglorificationem.

XII. Respondeo, negari consequentiam. Contra potius, Christum oportuisse mereri, quia nullus homo poterat: quomodo vadem oportet soluere, quia debitor ipse non est soluendo. Non est autem verum, si vas soluit: ideo debitorem soluere debere. Contra enim dicit sensus communis, si vas soluat, non teneri debitorem ipsum soluere. Itaque Paulus ad Colossenses 2. dixit Christum deleuisse chirographum. Quare et si Christus meritis sit, apud Deum (quod tamen non probat locus ille ad Philipenses, ut alias disputauimus) tamen nos non meremur.

XIII. Precatum esse, ut nos precaremur: obedisse, ut obediremus: passum, ut pateremur: non bene dicitur: nisi sensus sit, exemplum nobis ab eo præbitum. Sed esto tamen, & reliqua quæ adduntur. Nego vero meritum esse, ut nos mereamur. Tu non valere consequentiam inde discere, quod non omnia fecerit, ut nos itidem faceremus. Incarnatus est pro nobis: nec tamen ut nos incarnaremur: passus pro nobis, non ut nos pro nobis: peccata nostra lauit suo sanguine, non ut nos eadem nostro lauermur: breuiter intercessit pro nobis, non ut nos etiam. Est autem intercedere pro alio, & mereri pro alio, prorsus idem.

XIV. Denique concedimus, quædam effecisse, in quibus sit à nobis imitandus: qualia illa sunt omnia, quæ debuit ex iure legis, quæ quicquid est naturæ rationalis, subiicit sibi. At quæ præstitit tanquam, & quatenus Mediator, id est, ex ipso proprie Mediatoris officio: hæc negamus debere, hæc negamus posse nos præstare. Est vero in iis, mereri pro aliis. Non est enim ex lege: quæ nullam admittit vicariam iustitiam: sed tantum personalem, cum dilectum sit, *Hoc fac, & vives: maledictus, qui non permanferit in omnibus.* Cum ergo non sit eadem ratio, manifeste absurda consequentia.

XV. Esse proportionem inter Christi iustitiam & gloriam, concedimus: sed moralem: nimirum, qualem lex exigebat, & ex pacto. Fuit enim iustitia perfecta, in nullo prorsus deficiens. Sed esse proportionem inter nostram iustitiam, & nostram glorificationem, nulla dixit Scriptura: nullus concedet sobrius Theologus, qui nonit, quantum absumus à legis perfectione: quique legerit non esse condignas passionem nostras, gloriæ reuelandæ: quod de Christi passionibus nemo hæcenus dictum audiuit.

XVI. Ratio quarta eiusdem: Si solus Christus, absque nostris meritis, gloriam nobis meritis esset: ergo eiusdem esset ordinaria potestate cœlestem gloriam absque vlla conditione cuique: gratis dare: et non operanti cum posset. At hoc non est. Ergo neque illud. Probatur assumptum: quia Matth. 20. ipse negat Christus, suum esse ut det etiam charissimis Apostolis sedere ad dextram suam, vel sinistram.

XVII. Respondeo, nos nunquam non inuitos inquirere in potentiam Dei, aut ei limites illos ponere: sed totos esse in eius cognoscenda, meditandoque voluente, quatenus eam ipse præfecit in Scripturis: ex quibus constat, quomodo, quæ ratione voluerit homini cetam salutem constare. Cum ergo certum sit, nullum vocari ad salutem absque obligatione penitentiae, hoc contenti sumus: neque facile toleramus, qui id eo factum dicant, non tam quod voluerit, quam quod non potuerit aliter.

XIX. Ita protestatus: ne sibi non satisfactum audax Sophista conque-
ratur, distinguo non operantem: ut sit, vel qui nulla exerceat opera bona ex
vi vocabuli: vel qui exerceat quidem, at non talia, qualia esse debeant, ut vere
sint bona, ac perfecte: quomodo ad Rom. 4. Paulus *ὁ μὴ ἐργαζόμενος* dicit
eum, non qui omnino nihil habeat boni: sed *ὁ μὴ ἐργαζόμενος, τὸν δὲ καὶ οὐκ ἐργα-
ζόμενον*. Hoc posteriori modo negatur assumptum: autore ipso Apostolo,
Ei, inquit, qui non operatur, sed credit in eum, qui iustificat impium, imputatur
fides sua in iustitiam. Non tantum ergo Deus potest celestem gloriam dare
ei qui non operatur, hoc sensu: sed etiam dat reapse: imo nemini dat nisi non
operanti.

XX. Nec contra est illud Matthæi. Nā primo nō iis hoc privilegii postula-
batur, quibus nulla essent opera bona. Itaque si operum mentio aliqua huc
sit intrudenda, negasset potius Christus se iis dare posse, quibus opera bona
essent: contra quam velit Sophista, iis non posse dare, quibus nulla essent.
Deinde, quorum distinguitur potentia ordinaria, ab extraordinaria? Aut
quid est in verbis Christi, quo ordinaria potius significetur? Nisi forte somnia
nobis Iesuitica esse debeant pro Verbo Dei.

XXI. Et vero eum locum varii varie sunt interpretati. Mitto eos, qui de-
lusi ab interprete Latino legerunt, *dare vobis*. Sed alii post Augustinum de
Trinitate lib. 1. c. 12. de se Christum esse loquutum volunt, secundum for-
mam serui: siue ita eius humanitas significetur, ut nonnullis placet: siue sta-
tus eius, quandiu in hac fuit vita: quia non venisset ad distribuendas tunc
sedes regni: ut Boyardus notauit feria 4. post Dominicam; *Reminiscere*. Alii
malunt: non est meum, nisi cui pręparatum est à Patre: nimirum, quia eadem
sit & voluntas, & potentia Patris, ac Filii.

XXII. Sed quęcunque tandem interpretatio placeat, longè erit à mente
Sanderi. Nam Christi secundum formam serui, non fuit nisi ordinata poten-
tia: itaque distinctio *dare & dari*. Deinde eiusdem non fuit dare, siue ex o-
peribus, siue absque operibus: sed absolute non dare. Est enim id iuris tan-
tum pertinens ad Maiestatem diuinam: itaque, si dedit Christus, quocun-
que tantem modo dedit, dedit tanquam Deus. Quod si negauit tantum
Christus se posse dare, nisi iis quibus sit prędestinatum: Ergo non ab operi-
bus causa querenda est dandi, aut non dandi: sed ab ipsa prędestinatione:
quod ad rem nostram nihil pertinet.

XXIII. Iam si non operantes sumas eos, qui nihil prorsus agant boni,
ne inchoati quidem, tum negatur consequentia. Nam primo aliud est meri-
tum, aliud opus bonum: ut quamuis omnia merita definiantur bona: tamen
omnia bona non sunt merita. Quare, etsi negentur merita, non tamen necesse
est negari opera. Deinde ordinaria potestas Christi, non contradicit volunta-
ti & sapientię, ipsis definiantibus Papistis. Cum ergo eius sit voluntatis, &
sapientię, non conferre salutem absque vllis operibus bonis, non est poten-
tię nullo modo operanti conferre.

XXIV. Ratio quinta est Salmeronis. Colliguntur, inquit, merita à typo
Abrahę, & filiorum Israel egredientium de Ægypto. Constat enim Abrahā-
m, fuisse typum iustificatorum. De eo dictum, *Credidit Abraham Deo, &
reputatum est illi ad iustitiam*. At illa iustificatio ad regnum non fuit satis, sed
exegit adhuc Dominus illud, *Ambula coram me, & esto perfectus*. Qui educti
sunt de Ægypto, non statim post mortem agni, & transitum maris rubri ter-
ram promissam obtinuerunt: sed viam deserti ambularunt, & pręeunte Do-
mino, legitime pugnarunt. Hęc autem omnia figura nostri fuerunt: quibus
non satis est credere agnum pro nobis immolatum, & per baptismum mittere
nuntium Ægypto: nisi per viam deserti, ac pugna, hoc est meritum, & o-
bedientię, & patientię, contendamus in patriam intrare.

XXV. Sed nos pridem scimus, quam sit lubricum argumenti genus al-
legoricum. Itaque, ut maxime nihil aliud haberemus quod obiceremus: ta-
men abunde satis refutatum hoc putaremus: nisi ita collatas, comparatas tes-
terulas, Sophista doceret esse à Scriptura: quod nunquam facturum certo et-
iam scimus.

XXVI. Et vero Abrahamum typum esse iustificationis ex operibus, ne-
gat disertissimus Paulus 4. ad Romanos: qui eum proponit potius typum
iustificationis ex fide sine operibus, *Si Abrahamus ex operibus iustificatus fuit,
habet quod gloriatur. At non apud Deum. Quid enim Scriptura dicit? Credidit
autem Abrahamus Deo, & imputatum est ei ad iustitiam. Atqui ei qui opera-
tur, merces non imputatur ex gratia: sed ex debito. Et vero qui non operatur, sed
credit in eum qui iustificat impium, imputatur fides sua ad iustitiam*. Et neget
aliquis Abrahami exemplo immane abuti Salmeronem?

XXVII. In populo Israelitico haud est dissimilis ratio. Viam, inquit,
ambularunt & pugnarunt. Ita est, inquam. Sed hęc via, hęc pugna, fuerunt
ne illis merita: propter quę terram promissam possiderent? De via, ridiculum,
vel ipso communi sensu teste. Imo, qui eam confecerunt viam, plerique o-
mnes defecerunt, nec possederunt: & qui non confecerunt, non pauci posse-
derunt. Imo acquisita fuit Abrahamo, Isaac, Iacobo, Iosepho, qui ne potue-
runt quidem iter conficere. De pugnis autem manifestissimum est Prophetę
enunciatum Psalm. 44. *Non enim gladio suo possederunt terram, & brachium
eorum non saluauit eos. Sed dextera tua & brachium tuum*. Adeo Sophista
καλῶς ἔστω καλῶς.

XXVIII. Sed rursus. Non fuit Abrahamo satis sua fides: sed oportuit
ambulare coram Deo. Non fuit satis Israelitis edere agnum: sed oportuit
iter conficere & pugnare. Esto sane, inquam. Sed hoc, quid ad merita? Et me-
rita de condigno? Nam nos nec disputamus fideli nihil esse nisi credendum:
nec negamus, esse etiam credenti bene operandum. Et legitime concludi con-
cedemus: si Abrahamo imperatum fuit, ut ambulet coram Deo, etiam à no-
bis requiri, ut simus ei similes: Et hoc modo facile patiemur dici typum no-
stri. Recte etiam: Si Israelitis post promissam terram Canaan ambulandum
fuit & pugnandum: etiam nobis ambulandum in viis Domini: & pugnandum
contra omne genus tentationum: Sed meritis nullum propterea locum
damus. Sic nostri dicunt bona opera esse, non causam regni, sed viam ad re-
gnum, ex Bernardo.

XXIX. Nec vero difficilis res est. Nam Israelitis ius nullum quęstum
est in terram Cananitidem, ex itinere, aut pugnis: sed duntaxat ex liberalitate
diuina. Neque, opinor, Reges Hispanię, & Lusitanię, patrum nostrorum æ-
uo, ideo se legitime dicebant possidere nouum illum orbem: quia nauigatio-
nibus suum fecissent: sed quia ita esset à Papa definitum. Nimirum hanc illi
definitionem existimauerunt illis ius dare nauigandi. Sic idem rex Hispanię,

ut Nauarra regnum occuparet, causam habuit, non arma sua, sed tyranni-
cam illam Papę proscriptionem. Infinita possunt eiusmodi exempla dari. I-
taque Salmeronis ratio est ridicula.

XXX. Sexta ratio ab eodem. Omnis recta lex pręcipit, vetatque: & be-
nefacta premio afficit: iniqua autem opera supplicio. At lex Christi est per-
fectissima: ergo eadem, & pręcipit, & vetat: item bona opera premio afficit,
mala opera mulctat.

XXXI. Respondeo primo: non concludi quęstionem: nos enim conce-
dimus premio affici bona opera: sed negamus id fieri per meritum condi-
gnum. At argumentum concludit quidem pręmium, quod conceditur: me-
ritum ne attingit quidem: quod tamen vocatur in dubium.

XXXII. Secundo, didicimus à Paulo legem aliam esse operum, aliam
fidei, ad Romanos 3. Legem operum concedimus, non tantum mala opera
mulctare: sed etiam bona remunerari ex merito. Sed nos negamus, post Pau-
lum, legem Christi, esse legem operum. Contra autem, legem fidei concedi-
mus esse legem Christi: & quidem perfectissimam: sed negamus legem fi-
dei, agnoscere premia operum. Paulus, *Colligimus fide iustificari hominem abs-
que operibus legis*.

XXXIII. Septima nobis erit ratio à Ioanne Dauentria contra 6. artic.
Confessionis Augustanę. Si ad vtilitatem nostram iubemur facere bona opera
ergo per bona opera meremur vitam æternam. Probat antecedens. Quia im-
perauit nobis Deus bona opera; vel in sui commodum, vel proximi tantum,
vel etiam nostrum. At non suum: non etiam proximi tantum: Ergo nostrum.
Probat consequentiam. Quia, si ob nostrum: ergo vel temporale, vel æternū:
at non temporale: ergo æternum. Vnde Matth. 6. *Quarite primum regnum
Dei, & iustitiam eius*.

XXXIV. Respondeo; quęcunque disputantur de antecedente, frustra
esse: quia nemo nostrum negauit, nostro ipsorum commodum impositam esse
nobis legem: aut id commodum, esse æternum pręcipue. Infans sit, qui cō-
tra disputet. Quid ergo? Nempe negatur consequentia: cuius infirmitatem,
vafre Sophista dissimulauit, ut in id sermonem auerteret, vbi se videbat ab-
undaturum argumentis.

XXXV. Ratio negandi: q̄ à lege nulla salus cōstet, propter pręuicatio-
nem. Dicam clarius. Etsi concedamus legem positā esse, ut premia obtinea-
mus æterna per meritū de condigno: tamen negamus vlla esse merita de con-
digno. Et ratio manifesta: quia lex meritum agnoscat implentis: nullū prę-
uicantis. Nemo autem implet: omnes pręuicantur: itaque nullum esse
meritum potest. Et importuna est, imo ridicula, in hoc hominum statu argu-
mentatio à natura legis: quę nihil nisi ideas scaturit, vereque *disceptat*: ut e-
iusmodi Sophistis merito, illud obicere possim, non meminisse se, nō in Re-
publica Platonis viuere: sed in foro Romuli.

C A P. XI.

De Absurdis Salmeronis.

I. Postrema Papistarū ratio est ab absurdis: quę quatuor colliguntur à
Salmerone: vnde mihi totidem distinguuntur argumenta.

II. Primum hoc est: Meritis sublati refrigeret animus, & feruor operan-
di: otiamur itaque; & abundabit iniquitas: & ad bona torpebimus. Quis
preces fundet ad Deum? Quis se macerabit ieiunio? Quis laborabit in seruan-
dis Ecclę vel Dei mandatis? Et aperietur ostium magnum Sathanę.

III. Idem erat Porfani absurdum supra capite tertio. Itaque nunc simi-
liter negamus consequentiam: & iterum monemus, nullos vnquam minus
fuisse in bonis operibus segnes, quam, qui pro certo habuerunt nihil se posse
mereri apud Deum; & tamen eius gratia seruari. Itaque & Paulus feruentis-
simus fuit, etiam in precibus, & ieiuniis: & in reliquis bonis operibus: adeo
ut nullus peccati se consciū esse diceret: qui tamen omnium diligentissime
merita profligauit. Et Publicanus ille, non propterea Deum non orabat, quod
se sciret esse peccatorem, id est, nihil merentem: imo propterea orabat potius,
& quidem ardentius, quod se sciret nihil mereri, id est, esse peccatorem.

IV. Itaque docent nos Apostoli, arctissimam connexionem salutis gra-
tuitę & sanctificationis, siue bonorum operum. Petrus prim. 1. *Si patrem co-
gnominatus eum, qui citra personarum respectum iudicat ex cuiusque opere: cum
timore versamini, commorationis vestra tempore: ut qui sciatis vos, non caducis
rebus, argento, vel auro fuisse redemptos ex vana illa vestra conuersatione à pa-
tribus tradita: sed pretioso sanguine, ut pote agni inculpati, & incontaminati*.
Paulus ad Tit. 2. *Expectantes beatam illam spem & illustrem illum aduentum
glorię magni illius Dei ac Seruatoris nostri Iesu Christi: qui dedit semetipsum
pro nobis, ut redimeret nos ab omni iniquitate, & purificauit sibi ipsi populum pec-
catorum studiofium bonorum operum*. Et paulo ante. *Illuxit gratia illa Dei salu-
taris omnibus hominibus: erudiens nos, ut abnegata impietate, & mundanis cu-
piditatibus, temperanter, & iuste, & pie viuamus in presenti seculo*.

V. Et vero rem ipsam mihi vide. Non potest hęc operum segnities esse,
nisi vel in infidelibus, vel in fidelibus. In infidelibus fatemur esse: imo non se-
gnitiam tantum ad bona opera; sed etiam strenuum ad mala studium. Sed ne-
gamus esse ab hac persuatione salutis gratuitę: quia huiusmodi persuasio-
nem nullam infideles aut habent, aut habere possunt. Itaq; hac quidem parte
non oritur huiusmodi incommodum à doctrina salutis gratuitę: sed ab ipsa
infidelitate: quę ne tum quidem cohibeatur, cum persuasissimum feceris
inuadendum esse regnum cęlorum, & vi meritum occupandum.

VI. Fidelibus vero fatemur esse persuasissimam salutem gratuitam: sed
huiusmodi segnitiam locum habere posse negamus. Ratio, quia hęc persua-
sio non potest esse, nisi à Spiritu efficaciter operante in cordibus. At hęc effi-
cacia, non in eo est duntaxat, ut persuadeatur salus: sed etiā ut formetur obe-
dientia: Vnde Paulus diserte dixit, eam gratiam quę saluifica est, *non dūtaxat*,
erudire nos, ut viuamus temperanter, & iuste, & pie. Est autem erudire, non
tantum externo verborum sono aures mouere: sed etiam re ipsa formare eos
qui docentur, ut id ipsum exprimant, quod docentur. Quare ne hic quidem
locum vllum habet Salmeronis absurdum.

VII. Secundum absurdum. Sublati meritis, sequitur Deum promptiorē
esse ad vindicem iustitiam, quam ad gratiam. Ratio consequentię, quia pu-
nirer malos, & non remuneraret bonos.

VIII. Imo nihil ista putidius consequentia. Nam ne apud homines qui-
dem ille prior in vindictam, qui omnes latrones agit in crucem. Quia si
bonos

bonos inueniet viros, tam esset promptus, imo vero promptior ad eos protegendos. Itaque illa seueritas tota est à causa extrinseca. Iam Deus nullos inuenit bonos, quibus prœmia retribuatur ex merito: sed tantum malos, quibus supplicia. Non ergo ille, nisi per immanem calumniam, pronior in iram dici potest, quomodo latrones cōquere solent de optimi magistratus crudelitate.

I X. Præterea fœdus error est, cum constituitur gratia in remunerandis meritis: quæ potius est in condonandis peccatis: unde consequentia longe aptior, si auferantur merita longe promptiorem Deum esse ad gratiam, quam ad vindicem iustitiam. Ratio manifesta, quia cum non à se, sed à meritis moueatur, ut ita dicam, ad vindicandum: at non à meritis, sed à seipso solo, gratificetur. Itaque Paulus scriptum voluit, *Dei iustificare impii*: quia in re immensitas est misericordiae: quam tu diruis, quisquis nō potes nisi merita cogitare.

X. Tertium absurdum. Sublatis meritis committitur peccatum in Spiritu Sanctum, expectando gloriam sine meritis. Mirum genus cōsequentiae. Sed audire rationem. Est enim fides substantia rerum sperandarum: & respicit Deum, quia est, & inquirentibus se remunerator. Et quid est, Deum inquirere, nisi bonis operibus, & sanctæ vitæ meritis Deum promereri? Et quid est remunerator, nisi munerum, & mercedum redditor? Est enim munere, nullus prioris officii aut beneficii accepti compensandi respectu aliquid sibi demereri: at remunerat, quia acceptum beneficium, aut quod sibi velut impensum tulit, aliquo præmio compensat. Spes præterea definitur à Thoma, certa expectatio futuræ beatitudinis ex gratia & meritis proueniens: at sine meritis arrogans esset & temeraria. Unde cum fide excluduntur à regno operarii iniquitatis: quod etiam ostendunt virgines fatuæ vanæ expectantes; & dicentes, *Domine, Domine aperi nobis*.

XI. Descripti ad verbum: ne quis me per calumniam Sophistæ huic imputare quid indignum suspicetur. Nam ego quidem argumentationis neque pedes video, neque caput: nec possum mihi persuadere non esse illud de peccato in Spiritum Sanctum, inanis terribili causa additum. Nam alias cui bono? Nam in probationibus, non maior habetur eius ratio, quam chimæ aut tragelaphi. Itaque, etsi concederentur, quæcunque dicuntur de fide, de remuneratione & remuneratione, de spe, quæ tamen concedi non debent: nihilominus nihil est, quo concludatur peccatum contra Spiritum Sanctum. Nisi forte hoc hominum genus, casibus scilicet innutritum conscientiae, noua habeat propriamque decem pedum metiendis pro arbitrio peccatis. At nos vnum scimus, & scire amamus, Vitam æternam esse donum, non stipendium.

XII. Deum esse inquirentibus se remuneratorem, talemque credi ab iis qui accedunt ad eum, pridem didicimus à Paulo. Sed inquiri eundem per bona opera & merita, nimium securus pronuntiat Salmeron, quasi prætor esset rebus Theologicis definiendis. Sed huic nos temerarii prætoris edicto, auctoritatem opponimus Thomæ: hunc ipsum accessum tribuentis, non operibus, non meritis: sed fidei. *Minorem subdit, dicens. Sine fide autem impossibile est placere Deo. Ecclesiastis primo, Beneplacitum est illi fides. Ad Rom. 3. Arbitramur iustificari hominem per fidem. Probat autem minorem, cū dicit, Accedentem ad Deum oportet credere. Nullus enim potest Deo placere, nisi accedat ad ipsum. Iacob quarto, Appropinquate Deo & appropinquabit vobis Psalmo. Accedite ad eum, & illuminamini. Sed nullus accedit ad Deum nisi per fidem: quia fides est lumen intellectus. Ergo nullus potest placere Deo nisi per fidem. Accedentem autem per fidem, oportet credere Domino. Thomæ Lyranum addimus, Ad hoc, quod aliquis placeat Deo, opus est, quod accedat: iste autem accessus est per fidem. Quod si per fidem, imo ut disertius Thomæ, non nisi per fidem: ergo non per opera: at si non per opera, quomodo per merita? Esse porro Deum inquirendum, eodem medio, per quod ad eum oportet accedere, quis potest dubitare? Prophano ergo Salmeroni dictum, inquirere Deum, Paulo esse, operibus & meritis Deum promereri.*

XIII. *Μισοῦντες* etiam Deum absit ut negemus. Sed quomodo ante, sic et nunc negamus omnem *μισοῦν*, præsupponere meritum. Mitto subtiliore quâ solidiore: & distinctionem munerandi & remunerandi: sed, ut concedā, remunerando, compensari aliquod munus præcedens: tamen nego omne munus mereri id, quod rependitur: nam & apud homines sæpe permutantur *χρόσιον* & *χρόσιον*. Et Apostolus non dixit remuneratorum, sed *μισοῦντες*: hoc autem ab illo differt non exiguo intervallo: Nam remunerator munus aliquod præcedens supponit, teste saltem Salmerone: at *μισοῦντες* non item. Nemo enim, opinor, hactenus appellauit munus id, quod spe mercedis præstat. Et quanquā nolimus *μισοῦντες*, tamen interest id notari aduersus istos, qui singula Latini interpretis virgent verba: quasi totidē Spiritus oracula.

XIV. Breuiter de muncere duo dicimus. Primum, bene operando nullum nos Deo munus offerre proprie: sed debitum officium præstare: itaq; ne nobis quidem remunerationem deberi. Secundo munus proprie, ad liberalitatem pertinere, non ad iustitiam commutatiuam. Itaq; id proprie munus esse: quod datur absque spe compensationis. Quare, si bona opera essent munera: tamen non debere à nobis merita appellari.

XV. Est tamen hoc loco vehemens Benedictus Iustinianus: pertendens mutuum esse relationem inter meritum & mercedē, adeo ut possit Deus *μισοῦντες* dici, si negetur ratio meriti. Probat ex 4. ad Roman. *τὸ ἐργον ἔσθ' ὅπου ὁ μισοῦν ἢ λογιζέται καὶ χάριν, ἀλλὰ καὶ τὸ ὀφείλημα*. Et grauius in nos inuichit, qui relationem substituamus inter *μισοῦν* & *ἐπαγγελίαν*. Nimirum, inquit, istud est bona fide interpretem agere, id est, omnia suo arbitratu peruertere & inquinare.

XVI. Sed Iesuitico ingenio familiaris *πικρὸν* nos non mouet: futilitas potius rationum perpetua securos reddit. Enimvero Apostolus iisdem illis verbis agnoscit relationem mercedis geminam: vnam ad merita, alterā ad gratiam: manifeste distinguens duplicem imputationem τῷ *μισοῦν*: alias *καὶ χάριν* καὶ τὸ ὀφείλημα. Et imputari καὶ τὸ ὀφείλημα, operanti: at non operanti καὶ τὸ χάριν. Potest ne autem non operantis esse aliquod meritum? Neceffe est ergo mercedis imputatæ καὶ τὸ χάριν nullū esse meritū. Unde Augustino Merces nostra gratia erat. Itaq; Iustinianum ridiculē exarsisse in iras constat.

XVII. Sed redeo ad Salmeronem. Spes, inquit, ex gratia & meritis prouenit: Et sine meritis arrogans est ad temeraria. Nimirum, inquam, sic definitū Salmeron inuenit aliquando à Theologis: sed suis, non sanis. Nam spes, qui sani sunt, sciunt commune habere fundamentum cum fide. Fidei autem præter gratiam Dei, nullum esse. Itaq; ne spes quidē oriri, nisi gratia Dei. Quapropter vere illam spem arrogantem esse, temerariam esse si quæ est, quæ confidentiæ operum & meritorum innitatur.

XVIII. Cum fide exclusos operarios iniquitatis, exclusas virgines non prudentes, illi idem, puto, dixerunt Salmeroni, Salmeronis Theologi: Sed illis iisdem insolens est sanis Theologis, qui fidem non nisi *ἐργον*, imo *ψευδωνυμον*, agnoscunt in operariis iniquitatis.

XIX. Quartum absurdum. Hæc opinio, inquit Salmeron, tolleretur vana hominum merita, ac per hoc varias mansiones in domo Patris. Nam si sola consideres Christi merita, & illa omnia, quisque sua fide apprehendat, eadem profecto & paria erunt omnium merita, etiam puerorum.

XX. Ridiculē. Quomodo enim paria, quæ nulla? Sed ad rem. Tolli hominum varia merita fatemur: neque absurdum agnoscimus: imo potius necessarium, ut ne subvertatur vniuersa fides in Christum. Sed tolli varias mansiones in domo Patris, negamus. Nam hæc non dispensantur secundum merita: sed per gratiam. Hæc autem, etsi vna est, tamen dona sua varie, inæqualique mensura dispertit: unde Paulus ab eodem Spiritu docet esse varia *χαρίσματα*. Et vero, in prima saltem gratia ipsi Papistæ tollunt merita: & tamen in Paulo maiorem fuisse, quam in vulgo fidelium, non negent opinor. Apostolatium nemo est promeritus: & tamen inter Apostolos, erant nonnulli *ἀποστολὴν* *δοτῆς* *τοῦ* *λαοῦ*, teste Paulo.

CAP. XII.

De Patribus.

I. Hactenus fuerunt Papistarum argumenta à Scriptura, & ratione: nunc erunt ab auctoritate veterum Theologorum: Et quidem distributorum in certos ordines, ut res tota sit manifestior.

II. Primi ii sunt, qui manifestam vim passi, à partibus Papistarum stant inuiti, & tamen non reclamantes. Ignatius ad Rom. *Sinite me, ut bestiarum esca sim, per quam possim Deum promereri*. Iustinus Apolog. 2. *Homines, qui dignos se Dei voluntate & consilio, operibus præstiterint, cum eo victuros esse meritis suis sumpsimus, ac regnatos, sicut ab omni interitu perturbationeque sint liberi*. Origenes ad Rom. lib. 2. *Primo excludantur hæretici, qui dicunt animarum naturas bonas & malas: & audiant, quia non pro natura, sed pro meritis reddit Deus. Secundo adificentur fideles, ne putent hoc solum sufficere, quod credunt: sed sciant, iustum iudicium Dei unicuique reddere secundum opera sua*. Basilii in Iulianum apud Horantium, locorum communium lib. 1. c. 66. *Hic dicit, in lignorum struem accensam insiliuit, quæ perinde ac thalamus splendore coruscus, corpus sanctæ Iulianæ complexa, animam quidem in celestem illam destinauit regionem, & requiem quæ illius meritis congruebat*.

III. Horum omnium improba verione corrupta sunt testimonia: Latini interpretibus sui præiudicii commodo Græca exprimentibus, suamque mentem autoribus suis commodantibus. In Ignatio sane mira luit impudentia, quisquis ille fuit, quo Bellarminus uti maluit interprete: ita tertio quoque verbo, mereri, promereri, & meritum ingeminat. Videte confidentiā. *ἐπιτιμῶν ἰδὲν ὁμῶν περὶ αὐτῶν ἀποφῶν*. Obtinui ut videri mereretur dignos Deo vultus vestros. *Ἐάντε χάριτες ἐπιτίμῶν*, siquidem per gratiam mereri: *καὶ δὲ σκῆλον ἰσὶ τῷ Θεῷ ἐπιτιμῶν*: mihi difficile Deum promereri, & ita semper *Θεῷ ἐπιτιμῶν*. Dignū vero meritorum fundamentum. At Vairleuius optimus interpretum Ignatii, iudice Billio, optime, Deum assequi, vertit. Itaque quibus verbis abusus est Bellarminus, ea sic sonant apud eundem, *Sinite me ferarum escam fieri, per quas licebit Deum adipisci*.

IV. Iustinus scripsit in hunc modum: *Οἱ ἰσὶ ἀξίως τῷ ὁμῶν βαλεῦμα ἐαυτῶν δι' ἐργῶν δι' ἡρώων, τῶν καὶ αὐτῶν ἀποφῶν καὶ τῶν ἐπιτιμῶν ἀποσταλὲς αὐτῶν βασιλεῶν τῶν, αὐτῶν χάριτες καὶ ἀπαθῆς χαροῦν*. Hæc Latine sonat. *Qui, si dignos illius consilio se per opera ostenderint, eius conuersatione dignatum i i accepimus, cum illo simul regnatos, & futuros corruptionis ac passionis expertes*. Tolerati poterat illud, quanquam durius, operibus præstiterint se dignos Dei voluntate: pro ostenderint: sed *ἀξίως ἰσὶ ἀποφῶν*, meritis suis victuros, quis ferat? In editione Silburgii bene, *conuersatione sua dignatum i i*.

V. Origenes de suo Bellarminus commodo commodauit illud pro meritis: pro quo legas tum in Basileensi editione, tum in Parisiensi postrema, pro operibus. In quo si nihil erat momenti, cur mutauit? Mihi quidem sit verisimile scripsisse Origenem, καὶ τῶν ἐργῶν, secundum opera, ut in posteriore membro: quæ phrasia antea nobis exposita.

VI. Basilii dicit. *τὸν ἀπὸ τῶν ἐργῶν ἐπὶ τῶν ὁμῶν χάριτες καὶ τῶν ἐπιτιμῶν αὐτῶν λῆξιν αὐτῶν*. Animam in celestem regionem, conuenientemque requiem emisit. *Περὶ πνεύματος* ergo vertit ille quisquis est, *Eius meritis congruentem*: Quis sperasset? Nam Matth. 3. cum se baptizandum Christus doceret, *ἐγώ*, inquit, καὶ πᾶν τὸν κόσμον τῶν ἐργῶν πᾶν τὸν κόσμον διὰ τὸν κόσμον: An tu sic reddideris: Sic enim meritis meis congruit, omnem implere iustitiam?

VII. Ad eundem ordinem refero Arcopagitam Salmeroni nominatum ex capite postremo Ecclesiasticæ Hierarchiæ. *Didicit ex Scripturis, quæ diuinitus prodita sunt, eis qui sancto vixerint, splendidi, dissimam, diuinamque vitam pro meritis aquisitima trutinā esse reddendam*. Clementem Alexandrinū Stromat. 4. ex Herueti versione, *Deus omnia omnibus distribuit pro meritis*. Sexto, *Qui in iustitia maiorem habuere dignitatem & merita*. Nam primo secundoque loco, pro meritis Græce illud est καὶ ἀξίαν, de quo iam actum. Tertium ita legas, *τὰς ἀξίαν καὶ τὸν ὁμῶν τῶν ἐργῶν τῶν ἐπιτιμῶν*: quod debuit reddi: *Eos quibus in iustitia maior fuit dignitas*: id est, qui iustiores aliis fuerunt: etsi non meritis, tamen apud Deum.

VIII. Sed Basilium, & Nazianzenum fœdus deturpatos dolemus. Hic oratione 28. *ἀπὸ τῶν ἐργῶν τῶν πνεύματος καὶ τῶν ἐπιτιμῶν*. Billius vertit, *Actio, si à fide discedat, laudem non meretur*. Billium ferre possum: cum aliud sit laudem mereri, aliud vitam æternam mereri: sed qui hinc merita apud Deum conficiunt, quid habent sani?

IX. Ex Basilio illud est oratione in quadraginta Martyres. *Qua tandem horum merita explicare possit oratio? nec quadraginta quidem lingua tantorum virorum*. Sed Græce: *Τὸ ἀνὴρ ἐφικεῖς λόγῳ τῆς τετῶν ἀξίας*. Et hoc non potest interpretari de meritis vitæ æternæ: de meritis ex condigno? Profecto hos homines necesse est, aut ipsos fungos esse, aut omnes alios pro fungis habere. Nam ea verba sic erant reddenda. *Qua oratio horum assequatur dignitatem*. Quanquam possum sane & hic merita condonare: quæ vox hoc genus hominum adeo utilitat: ut patiar reddi: *quanquam eos possit oratio laudare pro meritis*? Verum hæc merita non erunt quibus illi sunt æternam vitam meriti: sed relata potius ad ipsam orationem. Breuiter non est hic sensus: quæ oratio explicare possit eorum opera, quorum operum meritis adepti

plerumque donum redditur. Ad Rom. c. 5. Sed nō sicut delictum, ita & donum. cap. 11. Sine penitentia sunt dona, & vocatio Dei. Prior. ad Cor. 7. Vnusquisque proprium donum habet. At ad Rom. 12. Habentes donationes. Alias ipsum Gratia nomen vsurpare maluit. Ad Roman. 1. Vt aliquid impertiar vobis gratia spiritualis. Prior. ad Cor. 1. Vt nihil vobis desit in vlla gratia. Et ne plura colligam, in hoc ipso nostro loco, Gratia autem Dei, vita aeterna. Quamquam facile vident omnes *χρησμός*, esse potius effectum gratiae.

IV. Iam *ὁ ψάριον*, stipendium, tum hoc loco vertit Vulgatus interpres, tum post. ad Cor. 11. Alias Ecclesias expilauit, accipiens stipendium. Et Luc. 3. Contenti estote stipendiis vestris. Et prior. ad Cor. 9. Quis militat suis stipendiis nunquam? Nec mutauit Beza. Erasmus maluit, *αὐτοῦ μισθόν* peccati: ostendat & puto Latinitati: nam alia nulla potuit esse causa. Sadoletus multo futilius, *Παβulum*. Nam *ὁ ψάριον* docti sciunt illud esse, quod militibus datur, quasi pro mercede laborum: vnde illud Baptistae monitum, vt milites suis stipendiis essent contenti. Poterat quidem argumento suo Paulus satisfacere, si vtrique membro *ὁ ψάριον* nomen retinuisset: verum maluit ille rei confutere, maxime nullo cum detrimento argumenti. Mutauit ergo: & non sicut peccati mortem, ita iustitiae vitam dixit esse stipendium: sed peccati quidem stipendium mortem: at aeternam vitam, donum esse Dei gratuitum. Quam oppositionis vim eleganter, meo iudicio, Tertullianus expressit, continuata militis metaphora. De Resurrectione carnis c. 47. Stipendia delinquentium mors: donatum autem Dei, vita aeterna in Christo Iesu Domino nostro. Erat n. apud Romanos donatum id, quod militibus dabatur praeter stipendium.

V. Itaque mens Apostoli manifesta est, etsi vltimi sint fines hominis vita, & mors: tamen non esse vtriusque eandem rationem. Mortem acquiri veris meritis, id est, peccatis, quibus proprie, & ex iustitia distribuitur, illa debeat. At non ita ex aduerso vitam aeternam: quasi hanc acquirant homines per iustitiam, etsi quidem peccato aduersa sit iustitia, vt morti vita: sed potius esse gratuitum donum: ideoque nulli merito debitam reddi, sed ex mera Dei liberalitate conferri.

VI. Hoc vidit & expendit iam olim non nemo. Origenes, *Deum non erat dignum militibus suis stipendia, quasi debitum aliquod dare, sed donum & gratiam, quae est vita aeterna*. Hieronymus, *Non dixit similiter stipendia iustitia: quia non est, antequam remuneratur in nobis: non enim nostro labore quaesita est: sed Dei munere condonata*. Theodoretus, *Hic non dicit mercedem, sed gratiam. Est enim Dei donum, vita aeterna. Et si quis enim summam & absolutam iustitiam praestiterit, temporalibus laboribus aeterna in aequilibrio non respondent*. Sed reliquis prolixior Chrysostomus, *Εἰ μὴ ὁ ψάριον αὐτοῦ μισθόν, ἰπὶ τῶν χρηστῶν τῶν αὐτῶν ἐπιτηδεύοντες. ὁ μισθὸς τῶν κατὰ τὴν ἀρετὴν ὁ μισθός, ἀλλὰ τὸ χάρισμα τοῦ Θεοῦ. οὐκ ἐστὶν οὐκ ἐστὶν ἀποδοχὴ χάριτος, ἀλλὰ ὁ Θεὸς ἀποδίδει χάριτος, ὅτι αὐτοῦ χάρις, ὅτι αὐτοῦ χάρις, ἀλλὰ ὁ Θεὸς ἀποδίδει χάριτος, ὅτι αὐτοῦ χάρις, ἀλλὰ ὁ Θεὸς ἀποδίδει χάριτος*. Postquam dixisset stipendium peccati, de bonis non eundem seruauit ordinem: neque enim dixit, merces benefactorum vestrorum: sed donum Dei, ostendens: non eos à se liberatos esse: neque debitum accepisse, aut retributionem, remunerationemque laborum: sed omnia gratis obuenisse. Sed & Caietanus, *Non dicit, quod stipendia iustitia vita aeterna: sed donum Dei, vita aeterna: vt intelligamus non ex nostris meritis, sed ex gratuito Dei dono assequi nos pro fine vitam aeternam*. Etiam Cusanus, *Notandum est hic, quod innuit Apostolus, ex iustitia peccato deberi mortem (nomen enim stipendii videtur hoc significare) vitam autem aeternam esse ex dono Dei gratuito*.

VII. Huius argumenti solutione omnes mutuatur ab August. Enchi. c. 107. Et Epist. 105. Et de Gratia & Libero arbitrio, c. 8. & 9. Duo ergo dicere Augustin. primo potuisse Apostolum recte dicere, stipendium iustitiae vitam aeternam, sicut dixit, stipendium peccati mortem: hanc confessionem causam nostram peccati iugulare: Secundo, non esse dictum, stipendium iustitiae vitam aeternam, sicut stipendium peccati mortem, ne quis existimaret, ita nos ex nobis habere iustitiam, sicut ex nobis habemus peccata. Itaque gratia dici vitam aeternam: non quia non sit merces meriti: sed quia ipsa merita habemus ex gratia. Quomodo, si quis (inquit Costerus) vir diues cuiusdam pauperi exiguo pretio insignem & amplam domum vendat, eidemque gratis donet pecuniam ad soluendum, vere dici poterit domum donasse, cuius pretium dederit, & vendidisse, quia propter pretium dederit.

VIII. Sed haec nodum non soluunt: Concedimus potuisse Apostolum dicere, stipendium iustitiae esse vitam aeternam: sed negamus inde quicquam concludi aduersum nos. Causa gemina. Primo, quia iustitia nominaretur indefinita, quam nos cognoscimus, supposito pacto, dici posse meritum vitae aeternae. At nos in hac disputatione de Merito, non indefinite iustitiam consideramus, sed definite opera iustorum, quae nulla sunt digna titulo eius iustitiae, cuius stipendium est vita aeterna.

IX. Secundo, quia stipendium, a quo ac merces, sumi potest proprie & improprie, nostrum argumentum non est à stipendio, sed est à gratia, cuius non est eadem ratio. Patet, quia, vt vita aeterna possit appellari, & *ὁ ψάριον* & *χρησμός*: at mors *ὁ ψάριον* quidem, at non potest *χρησμός* dici. Nimirum, quia vere & proprie est stipendium, cui nihil commune cum gratia. Itaque certum eam vitam, quae stipendium est iustitiae, quia sit etiam donum, alia quadam ratione stipendium dici, quam mortem. Est autem ratio, propter quam mors stipendium est, haec, quod peccato debeat ex merito condigno: Ergo non debet vita dici stipendium, quod iustitiae debeat ex condigno: alioquin æque mors *χρησμός* diceretur ac vita: quemadmodum æque vita diceretur *ὁ ψάριον*, ac mors. Augustinus Enchi. c. 107. Stipendium pro opere militia debitum redditur, non donatur: gratia vero, nisi gratia sit, gratia non est.

X. Esto igitur sane vita aeterna stipendium: dummodo non debitum: ideoque improprie stipendium. Quamuis non frustra obseruetur pius, nunquam à Spiritu Sancto ita dici: sed tantum mercedem, & addat, ab Ambrosio desperari stipendium & mercedem. Epist. 1. Alia est merces liberalitatis & gratia: alia virtutis stipendium, alia laboris remuneratio. Sed concedamus tamen aliquid Augustino: & demus aliquo modo stipendium dici: at non tamen stipendium ex debito: ideo neque ex merito condigno: quia hoc sine debito ne Papistae quidem vllum agnoscunt.

XI. Indidem illustratur alterum Augustin. caput. Ne quis existimaret, ita nos ex nobis habere iustitiam, sicut peccata. Esto sane, inquam. Sed negatne Augustinus, ideo dictum, ne quis putaret debitam vitam aeternam, ita vt debitam mortem? siue non magis donum esse? Enimvero illud Augustino bene est assertum, aduersus Pelagianos: sed optime etiam hoc non negat. Quid

ergo Papistis illud prodest? Nisi forte oppositum isti esse doceant: & non posse vitam esse donum, si bona opera nobis non sunt à natura.

XII. Amplius dico: vtrumque Augustinus agnouit, & illud quod vrgent Papistae, & quo nos volunt oculos, mentemque aduertere: & hoc quod nos disputamus, intelligendum est igitur: inquit, & ipsa hominis bona merita esse Dei munera, quibus cum vita aeterna redditur, quid nisi gratia pro gratia redditur? Et clarius de Gratia & Libero arbitrio, c. 9. Cum posset dicere, & recte dicere, stipendium autem iustitiae vitam aeternam: maluit dicere, Gratia autem Dei, vita aeterna: vt hinc intelligeremus, non pro meritis nostris Deum nos ad aeternam vitam, sed pro sua miseratione perducere. Viden' duo distincte? primum merita bona esse Dei munera. Alterum, his ipsis meritis reddi vitam, tanquam gratiam. Adde, at gratia, si non est gratis, non est gratia: vt concludas: ergo ipsis meritis, quae nobis nulla sunt nisi donata, ipsa vita aeterna redditur tanquam gratia. Atque ita habemus à Deo geminam gratiam, vnam, in collatione bonorum operum: alteram in largitione vitae: ita vt sit, non stipendium pro gratia, quod Sophista volunt: sed gratia pro gratia, quod nos adstruimus.

XIII. Itaque Costeri somniationem securis licet ridere: mito quodam artificio, simul & venditam, & donatam donum imaginantis. Enimvero scimus, & nos interdum fingi posse similitudines: sed tam absurde fingi posse, nunquam speramus. Monstrum illud quidem videtur nobis in rerum natura, propria sua pecunia, alteri cuiuspiam posse dominum aedes vendere. Quātus viuus fuerit inter Iurisperitos Costerus, nescio: sed eiusmodi venditionis, in mentem vnquam venisse Trebonianis, Cuspinianis, ausim sacramento contendere. Ille viderit: nos interim nostra curabimus.

XIV. Et illos in Anticyram relegabimus, qui nolunt ipsam per se vitam aeternam esse gratiam, sed tantum per accidens, siue per aliud, nimirum, quia ipsa quidem merito acquiratur operum: sed ipsa opera nostra sunt ex gratia, quo commento, qui sit vt non videant delumbari oppositionem mortis & vitae? Nam profecto mors nō sic est stipendium peccati, q̄ ipsum peccatum sit stipendium: sed potius, quod ipsa merito debeatur peccati. Quis vero sanus ferat, morti vitam, stipendio gratiam opponi, & peccato iustitiam, & tamen mortem esse stipendium peccati, at vitam non esse gratiam iustitiae: sed ipsam iustitiam gratiam: iustitiae autem meritum vitam? Vix Chorocho tanta amentia.

CAP. XIV.

De Misericordia.

I. Secundum nobis argumentum à misericordia Dei: Si salus est à misericordia: ergo nō à meritis. Probatur antea dicens: Psal. 103. Qui coronat te misericordia & miserationibus. Matth. 5. Beati misericordes, quoniam ipsi misericordiam consequentur. Ad Tit. 3. Postquam bonitas, & erga homines amor apparuit Seruatoris nostri Dei, non ex operibus iustis, quae fecimus nos, sed ex sua misericordia seruauit nos. Prim. Petr. 1. Secundum misericordiam suam magnam regenerauit nos in spem viuam, per resurrectionem Iesu Christi, ex mortuis. Ad Gal. 6. Quicumque hanc regulam sequuti fuerint, pax super illos, & misericordia. Exod. 20. Faciens misericordiam in millia, his qui diligunt me, & custodiunt precepta mea.

II. Consequentiae autem necessitas est euidentis: quia misericordia ipsa etiam est gratuita, non debita: quod patet, tum quia Paulus se peccatorem dicit esse consequentum misericordiam, i. ad Tim. 1. Qui prius blasphemus fuit, & persecutor, & contumeliosus: sed misericordiam Dei consequutus sum. Similiter ad Rom. 11. Vos quondam non paruistis Deo, nunc autem estis misericordiam consequuti. Tum, quia in illa ad Ephesios operibus opponitur misericordia, non ex operibus, sed ex misericordia.

III. In soluendo varius labor. Bellarmini ex August. geminus. Primobea- titudine tribui misericordiae, nō quia nō sit vera merces meriti: sed quia meritum ipsum ex misericordia: nimirum, vt in praecedente argumento. Secundo, in ipsa coronatione meriti, necessariam esse misericordiam, quae peccata venialia remittat. Porro hanc remissionem, & debere bonis meritis Sanctorum, teste Augustino, vt in iudicio non tam donetur, quam reddatur: & tamen si non redderetur meritis, essetque pura misericordia: non impedire rationem meriti in bonis operibus iustorum.

IV. Sed de priori iam confectum negotium. Est tamen insuper considerandum dici à Paulo, ex misericordia seruauit nos: quo vix dici potest quicquam fortius ad rem praesentem. Enimvero fingamus gratis sic datam à Deo primam gratiam, vt inde meritis iam sequentibus acquirenda sit vita aeterna: at certe ludicra phraasis erit, si dicas, seruauit nos. Non enim ille seruatus, qui initia tantum salutis habet: neque seruatus ex misericordia, cui tam sint post eam misericordia necessaria merita, vt possit illa absq; his fieri irrita: nam ita volunt Papistae. Tolerabilior phraasis esset, si de iis loqueretur Apostolus, qui iam peruenissent in regnū: sed ille profecto de iis sermonem habebat, qui essent adhuc in hac vita. Nunquam ille diceretur princeps *ἐκ χάριτος* dedisse ei, cui equum dederit, adhuc in carceribus posito: sed vere diceretur, si & equum concederet, & ipsam simul etiam coronam, quasi conceptis verbis: *Do tibi illam coronam, quam in meta vides: do & hunc equum, vt ad eam peruenias*. Hic, inquam, vere dicatur dedisse: non ille qui dixerit: *En tibi equum: tu deinceps curre quantum in te erit, vt alius praeripias, nemo tibi: hūc, inquam, non diceretur dono dedisse coronam: ne Deus quidem dicendus esset vitam aeternam, siue salutem.*

V. Est & alterum momentum non exiguum: quod in futurum dicatur, *Misericordes misericordiam consequentur*. Et in futurum Paulus, *Qui hanc regulam sequuti fuerint, pax super illos, & misericordia*: nō est n. dubium esse votum, faultamq; precationem, quae non nisi in futurum esse potest: vnde est Iustiniani paraphrasis, *ij vera pacis fructum, & misericordiam consequentur*. Quo nihil ineptius fingi potest, si misericordia est duntaxat in prima gratia: quorsum enim aut promittitur in futurum, aut vouetur id, quod iam obtinetur? Misericordes enim esse, aut regulam Euangelij sequi, non possunt ex puris naturalibus, sed ex vi Spiritus, quae prima est gratia. Quod si absurdum est, fingere tam absurde loquutum Spiritum Sanctum, & manifestum tamen post primam gratiam pollicitum esse misericordiam, non potest non ineptissima esse haec prima solutio.

VI. Denique Augustinus de Correptione & Gratia c. 13. Numerus ergo Sanctorum per Dei gratiam regno praedestinatus, donata sibi etiam usque in finem perseverantia, illuc integer perducetur, & illic integerrimus, iam sine fine beatus.

simus seruat, adhuc sibi misericordia. Saluatoris sui, siue cum conuertitur, siue cum praliatur, siue cum coronatur. Nam & tunc esse illis Dei misericordiam necessariam, Sancta Scriptura testatur, ubi Sanctus David, de Domino Deo suo dicit anima sua: *Qui coronat te misericordia, & misericordia.* En tibi tres gradus, conuersionem, praliu, coronam. En tibi in singulis necessariam misericordiam! Non ergo tantum in prima gratia. Etsi coronæ, præter conuersionem, & praliu, necessaria misericordia: non ergo ex misericordia, corona, eo tantum, quod præcesserit misericordia in conuersione, aut pralio. Quare vndique ineptum effugium illud est.

VII. In altero, quis pudor est, Augustinum dicere præter coronationem meriti necessariam esse remissionem peccatorum venialium? Manifestum est geminum mendacium: & quod venialia nominentur: & quod hæc remissio dicatur præter coronationem meriti. Atqui Augustinus & peccatorum meminit duntaxat, non venialium: & non præter coronationem: sed tunc cum coronantur, necessariam dixit misericordiam. Audi loquentem illo eodem capite, *Dicit etiam Iacobus Apostolus: Iudicium sine misericordia illi, qui non fecit misericordiam: ubi ostendit in illo iudicio, in quo iusti coronantur, iniusti, damnantur, alios cum misericordia, alios sine misericordia iudicandos. Propter quod et mater Machabæorum, filio suo dicit, ut in illa miseratione cum fratribus tuis te recipiam. Cum enim rex iustus sicut scriptum est, sederit in throno, non aduersabitur ante eum omne malum. Quis gloriabitur, castum se habere cor: aut quis gloriabitur mundum se esse à peccato? Ac per hoc etiam ibi Dei misericordia necessaria est, quasi sit beatus, cui non imputauit Dominus peccata.*

VIII. Debeni meritis bonis hanc remissionem aliud est Bellarmini mendacium. Augustini verba sunt, *Sed tunc pro bonorum operum meritis iusto iudicio etiam ipsa misericordia tribuitur.* Debeni non dicit: dicit tantum tribui. Sed illud ipsum, quid sit, audi statim interpretantem, *Cum enim dicitur iudicium sine misericordia illi, qui non fecit misericordiam: manifestatur in his, in quibus inueniuntur bona opera misericordia, iudicium cum misericordia fieri: ac per hoc etiam ipsam misericordiam meritis bonorum operum reddi.* Nimirum, hæc est non meriti condignitas, sed consequentia necessitas: quam supra obseruauimus ab Augustino, meriti nomine designari, laxiori, molliorque significatione. Ergo, per hoc misericordia meritis redditur, quod, in quibus inueniuntur opera bona, iudicium fiat cum misericordia, quod nemo nostrum non concesserit.

IX. Sed, inquit, etsi non deberetur, sed esset pura misericordia, tamen hæc remissio non impediret merita operum. Sed hoc falsum: primo, quia, qui in vno peccat, sit omnium reus: tum, quia hæc remissio peccatorum, non his, illisue aliquot operibus necessaria, sed cunctis: quandoquidem euicimus, nullo excepto, omnia esse peccato vitia, omnia esse peccata: ideoque non posse perungere ad meriti rationem.

X. Porfanius negans sequi, si ex misericordia, ergo non ex meritis, docet posse simul consistere misericordiam, & merita, primo ex parabola talentorum, Matth. 25. *Esse enim talenta data ex misericordia: sed ex iis deinceps scenus esse merita. Nempe igitur primam gratiam dari ex mera liberalitate: quæ vero hanc consequuntur, ex meritis. Secundo ex Psal. 25. Omnes via Domini misericordia, & veritas. Et 85. Misericordia & veritas obuiauerunt sibi.* Nam veritatem esse iustitiam: quandoquidem vtrique inferat conformitatem, siue analogiam.

XI. Sed parabola illa talentorum, nulla sui parte misericordiam docet: sed tantum iustitiam. Nam ne ipsa quidem talenta dicuntur donata: sed tantum distributa, non in vltus proprios: sed in vltus domini: quomodo videmus quotidie à mercatoribus suis ministris æra committi, quo paradigma te Porfanius ipse vitur. Itaque diserte, *Ecce habes quod tuum est.* Quo significatur, ei domino, non tantum redditam rationem scenorum: sed etiam restituta talenta. Itaque, probatur hinc quidem seueritas iustitiæ, sed non probatur itidem misericordia. Propterea aliena est parabola ab hoc instituto. Præterea, si misericordia esset distributio talentorum: at certe redditio rationum, non est misericordia. Atqui, in mysterio salutis ostendimus ex Augustino, non in conuersione tantum, aut in pralio: sed etiam in coronatione necessariam esse misericordiam. Quare rursus hæc parabola non est ad rem: sed illa potius, ubi auditis rationibus, quicquid debebatur condonatum est: nam hæc misericordiam stabilit, tum in largitione pecuniæ: tum in redditione rationum.

XII. Quod attinet ad misericordiam, & veritatem, concedimus veritatem esse iustitiam: sed non contra, omnem iustitiam esse veritatem. Est enim iustitia, quæ generaliter significat actum cum æqua ratione conuenientiam: quomodo Deus sine dubio non est non iustus, etiam, cum non punit peccata. Est & iustitia, quæ pecuniariter significat distributionem præmiorum, & penarum secundum merita. Porro illud, *Omnes via Domini, misericordia & iustitia*, duplici notione posse exponi, vel distribuere, ut omnes via Domini sint, aut misericordia, aut iustitia. Vel coniunctim, ut singulæ viae, sint simul & misericordia, & iustitia.

XIII. Si coniunctim intelligas, verum erit axioma, de iustitia generaliter sumpta: vnde Prophetæ nominata est veritas potius: quæ non peculiariter seueritatem retributionis denotat: sed potius constantiam in dictis, & promissis. Actum certum est, salutem fidelium esse misericordiam, & veritatem: nimirum, quoniam eorum Deus miseretur secundum promissiones. Itaque hinc ad merita, nulla consequentia est legitima.

XIV. Sin autem iustitiam intelligas, seueritatem distribuendi: tum falsum est, omnes vias Domini esse misericordiam simul, & iustitiam. Nam salus certe fidelium sic est misericordia, ut non sit iustitia. Alioquin, cur tam ardentem deprecarentur fideles iudicium Domini? Cur negarent posse quenquam in eo iudicio consistere? Imo, ut ne sis nescius: ipsis illis Psalmis, non nisi misericordiam in se Prophetæ precatur, *Reminiscere miserationum tuarum, Domine, & misericordiarum, quæ à seculo sunt.* Domine iuuentutis meæ, & ignorantias meas ne memineris. Secundum misericordiam tuam, memento mei tu, propter bonitatem tuam, Domine. Propter nomen tuum, Domine, propiciaberis peccato meo. Ostende nobis, Domine, misericordiam tuam, & salutare tuum da nobis.

XV. Iam vero, si distributivè intelligas, verum erit axioma, de seueritate iudicii. Sed nulla conclusio: nam erunt viæ Domini misericordia, quæ deducant ad salutem. Erunt eadem iustitia, quæ amandant in damnationem. Vnde Psal. 25. non simpliciter dixit, *Vniuersa via Domini, misericordia & veritas*:

sed addidit, *requerentibus testamentum eius, & testimonium eius.* Quæ verba sic explicat Bellarminus, *Addit ad id, quod dixerat, non solum à Deo dirigi mansuetos, sed omnia opera Dei erga tales homines, esse misericordiam, & veritatem, id est, iustitiam, quatenus iustitia accipitur pro fidelitate, & veritate, quæ, quod promittitur, implere facit.*

XVI. Augustinus tamen Epist. 105. Veritatem intellexit iustitiæ seueritatem: sed locum exposuit distributivè. Verba hæc sunt, *Quæ sunt via inuestigabiles, nisi de quibus in Psalmo canitur. Vniuersa via Domini, misericordia & veritas.* Igitur inuestigabiles sunt misericordia, & veritas eius: quoniam cuius vult, miseretur, non iustitia, sed misericordia gratia: & quem vult obdurat, non iniquitate, sed veritate vindictæ. Quæ tamen misericordia, & veritas ita sibi occurrunt, quia scriptum est, misericordia & veritas obuiauerunt sibi: ut nec misericordia impediat veritatem, quæ plectitur dignus, nec veritas misericordiam, quæ liberatur indignus.

XVII. Hæc solutiones erant argumenti: nunc peculiaris locorū quorūdam explicatio. Pererius disput. 9. in 6. ad Rom. locū illū, *Coronat te misericordia, bifariam soluit. Primo. Quasi vero, inquit, non sicut David retributionem vitæ æternæ, appellauit coronam misericordiam, ita B. Apostolus eandem vocat coronam iustitiæ, ut debitæ meritis hominū. Secundo, non dissimulabo, inquit, & aliam illius loci esse posse sententiam. Verbum n. coronandi, significat vndiq; hominē, ad similitudinē coronæ, circūdare, vel circūtegendo eū, & à malis omnibus seruando, vel omni ex parte bonis replendo, & cumulando. Itaque coronat te misericordia, significat, te sua benignitate circumdat, bonorum suorum copia, ex omni parte animum tuū replens: vel protectione sua, & præsidio vndique circumdat, & circumtegit.*

XVIII. Sed in priore membro, scimus vt à Paulo nominatam coronam iustitiæ: ita à Pererio, temere insertum esse glossema, *Vt debitam meritis hominum.* Antea nemini ex Veterum consensu coronam iustitiæ, dici, non vt esset corona iustitiæ Paulinæ: sed Dei. Et iustitia quidem Dei, non illa, quæ iudicat secundum merita operum: sed secundum quam Deus constans est in promissionibus: quæq; debitum inferat, non ex merito, sed ex mera gratia. Quanquam non dissimulo, posse etiam coronam dici iustitiæ, quomodo corona lauri, apii, significat ex lauro & apio. Coronam ergo iustitiæ, cum plene perfectæq; traduceretur Paulus in illam vitam, ubi iustitia est sine peccato. Si Esaiæ 28. *Corona superbia*, cum ipsa superbia quis coronatur. Et ibid. *Corona gloriæ.* Ezech. 16. *Corona decoris.* Iacob. 1. *Corona vitæ*, ubi nimirum gloria, decor, vita, est corona, siue *Corona vitæ.*

XIX. In altera parte, non est quod contendamus de vocabulis: *Coronandi* significationem agnoscimus. Et vero Calvinus, iam diu ante Pererium, his verbis Prophetæ sensum exprefferat, *Dicit nos illis circumdari, quasi diceret, à fronte, à tergo, ab utroque latere, sursum & deorsum immensam gratiæ Dei abundantiam nobis præsto esse, ut nullus locus ab ea sit vacuus.* Sed & Beza & Quæst. 65. *Beneficium singularis bonitatis, ac commiserationis testibus exornat.* Veruntamen quid hæc explicatio nostro noceat argumento, oblitus est Pererius indicare: An ille nos putauit tam *coronari*, vt cum audiremus, vndique præsto esse misericordiam diuinam, excipienda putarem salutem æternam?

XX. Quanquam poteramus esse Pererio molesti, ipsumque obtrudere multitudinem testium, qui hoc loco coronam nullam intelligunt, nisi salutis. Augustinum iam vidimus. Adde Arnobium, *Coronat nos in regno suo.* Hieronymum, *Dat victoriam, ut tribuat palmam.* Theodoretum comparantem cum *Gratiæ salutis estis, & hoc non ex vobis.* 2. ad Ephes. Et cum Ideo misericordiam consequutus sum. Prior. ad Timoth. 1. vt concludat, *Gratiæ igitur, & benignitatis est coronæ.* Remigium, *Coronat in futuro.* Lombardum, *Coronat te iam in corruptum, quod non est, nisi ab eius misericordia.* Aiguanius, *Nos redemptos coronat in gloria, & hoc facit misericordia, & miserationibus, quia corona gloriæ excedit merita nostra.* Bellarminum, *Coronans te corona gloriæ.* Mitto alios.

XXI. Porfanius locum ex 20. Exodi, sic explicat. In gratiam eorum, qui obseruant mandata, promitti misericordiam in mille generationes. Itaque meritum esse eorum, qui seruant legem: sed misericordiam posteritatis: quia præter Christum nemo possit mereri pro aliis.

XXII. Sed hic conatus absurdissimus est. Nam verba sunt diserta, *Vistans iniquitatem patrum in filiis, in tertiam & quartam generationem eorum, qui oderunt me: & faciens misericordiam in millia his, qui diligunt me, & custodiunt præcepta mea.* Quia locus effugii? Faciens misericordiam his, qui diligunt me, & pæget Porfanius ad hos pertinere misericordiam? Imo vident omnes sensum esse, Deum non illis, tantum facturum misericordiam: sed & eorum posteris. Nam & in altero membro, quis existimet à solis posteris summi pœnas peccatorum: non vero ab ipsis peccantibus? Adde alios locos. Ps. 25. *Vniuersa via Domini misericordia & veritas, requiruntibus Testamentum eius, & testimonia eius.* Ad Gal. 6. *Quicumque hanc regulam sequuti fuerint, pax super illos, & misericordia:* Falsum est igitur, non esse misericordiam in eos, qui operantur.

CAP. XV.

De Hæreditate.

I. Tertium argumentum: Quod meritis acquiritur, hæreditatis iure non obuenit: at vitæ æternæ obuenit hæreditatis iure: Ergo eadem meritis non acquiritur. Minor ex infinitis Scripturæ locis constat. Nam primo ipsa salus hæreditas dicitur, ad Galat. 3. *Si ex lege est hæreditas, non iam ex promissione.* Ad Ephes. 1. *Qui est arrhabo hæreditatis nostræ. Vt sciatis, quæ opes gloriæ hæreditatis ipsius in Sanctis.* Quinto, *Nullum scortatorem, aut impurum habere hæreditatem in regno Christi, & Dei.* Ad Colos. 3. *Sciatis & vos à Domino recepturos mercedem hæreditatis.* Ad Hæbr. 11. *Promissionem accipiant æterna hæreditatis, qui sunt vocati.*

II. Inde & fideles heredes *κληρονομοι.* Ad Rom. 8. *Si filii, etiam heredes: heredes quidem Dei, cohæredes autem Christi.* Ad Galat. 3. *Quod si vos estis Christi nempe Abrahami semen estis, & secundum promissionem heredes.* Ad Tit. 3. *Vt iustificati illius gratia, heredes efficiemur secundum spem vitæ æternæ.* Iacob. 2. *Heredes regni, quod promissum est iis, qui ipsum diligunt.*

III. Sed, & obtinere salutem, *κληρονομοι*, tanquam hæreditatem possidere, siue hæreditatis iure, quod tamen Vetus Interpres vertit simpliciter, *possidere* Matth. 19. *Vitam æternam κληρονομοι.* Et 25. *κληρονομοι παρὰ υμῖν regnum à iacto mundi fundamento.* Ad Hæbr. 1. *Διὰ τὸς μὲν οὖν τὸς κληρονομοῖς τὸν οὐρανὸν, & τὴν γῆν, propter eos, qui heredes erunt salutis.*

IV. Maior

IV. Maior est etiam perspicua, tum ex natura hereditatis, & oppositione heredis, ac mercenarij: tum ex Paulo ad Galat. 3. *Nam si ex lege est hereditas, non iam est ex promissione. Abrahamo vero per promissione gratificatus est Deus, nimirum hereditatem. Sed & 3. ad Titum, Ut iustificati illius gratia heredes efficeremur.*

V. Hoc argumentum Bellarminus obiter tantum attigit, agens de mercede, cap. 2. ex professo nusquam tractauit. Sed non obliuisti Salmero, Soto, Tapperus, Costerus. Negant omnes maiorem. Salmero: Dicendum est per gratiam verè nos heredes reddi: sed non absolute: quia subiungit, *Si tamè compatimur, ut & conglorificemur.* Et iustis dicitur, *Possidete paratum vobis regnum à constitutione mundi, esurui enim, & dedisti mihi manducare.* His locis ostenditur, hereditatem adiri, non tantum ratione filiationis, sed etià ratione obedientiae, & meritum. Præterea, aliud est vita æterna, aliud possessio vitæ æternæ: quemadmodum aliud terra promissa, aliud ius ad illam: sed ut ius, & titulum terræ illius filijs Israel dono dedit Deus, ad cuius tamen possessionem non sunt ingressi, nisi fortiter debellando inimicos, & eos de terra expellendo: ita in gratia, quæ gratis data, datur quidem ius, & actio ad gloriam simul cum gratia: at ingressum in vitam æternam, & regni cœlestis possessionem, nemo nisi bonorum operum, & patientiæ meritis consequi potest.

VI. Sed maior sua per se luce patet. Nam etsi fatear, quod Iustinianus obseruauit in 8. ad Romanos, apud Hebræos verbum *יָרֵשׁ* commune esse hereditati, ac alijs possessionum generibus: vnde factum, ut apud Septuaginta, το *κληρονομία* laxius sit, ut Plal. 38. *ὁ κληρονομῶν ἡμῶν, ὁ γὰρ, οὐκ ὀφείλομεν* tertio *κληρονομῶν* ὁ δὲ πρῶτος τοῦ ἀγαθοῦ ἐστὶν ὁ Θεός, & alias. At Paulus, nullam ambigendi reliquit anam, qui dixit, *Si filij, heredes, ut constaret non quilibet hic designari, sed eam possessionem, quæ hereditas est.*

VII. Et vero placet Salmeronis in eum locum annotatio, digna certe, quam haberemus ab homine non Iesuita, *Obserua, inquit, de filijs adoptionis esse sermonem, nam inter homines illatio hæc non fallit, ad hoc enim adoptantur, ut in bonis adoptionis succedant. Cui & Iustinianus addit calculum, Aptè vero hereditatis nomine utitur, quippe alludens an ius adoptionis, qui enim in alienam familiam adsciscuntur, iure adoptionis ad hereditatem adoptantis vocantur. Quod & ante eos indicabat Caietanus. Ad hoc enim adoptatur quis in filium, ut sit hæres. Hinc enim constat, quanta sit vis eius iuris, quod nos hereditatis dicebamus: & quanto proinde potentius sit inde ductum argumentum nostrum. Nam certè adoptio nostra à nullis est meritis. Quod si hereditas ab adoptione: Ergo à nullis meritis.*

VIII. Verum illud quid est non absolute nos heredes reddi? Aut enim sensus est, non esse filiationem solam causam hereditatis: sed etiam alias oportere concurrere: vt cum dico, qui seminavit largiter, vberim meret, si tamen tempestas concurrerit, & soli bonitas, significo vberitatem messis, à variis causis pendere, quarum alia absque alijs nihil efficiant. Aut aliter, esse quidem filiationem solam per se causam hereditatis: at tamen ipsam non esse solam, sed additam habere conditionem, vt is qui filius est, ac proinde hæres, suo fungatur officio, quomodo si dixerim, ei cui ampla leges est, in campis vberem messem futuram, si falcem diligenter exerceat.

IX. Nam illo nos quidem priore modo fateamur, ostendi posse opera esse merita hereditatis: ac proinde hereditatem non esse merè à iure filiationis. Sed quis sanus concesserit hoc modo filios esse heredes? Nam si ita esset, ius non acquireretur in ipsam hereditatem, donec reapse concurrissent omnes causæ, neque hæres quicquid dici posset, statim ac filius, etiam in cunis. Quomodo in tyrannide Papistica, quia id inualuit, vt ad perficiendum Imperatorem, & electionem oporteat, & Papæ consecrationem concurrere, qui electionem solam habent, quod non paucis iam accidit, ij non ausint sese Imperatores appellare, sed tantum designatos, siue electos. Atqui hereditas non ita est: nam tam plenum ius est hereditatis à filiatione, vt etiam nondum impleta conditione alia villa, filius hæres dicatur. Gen. 16. *Quæ egrediatur de utero tuo, ipsum habebis heredem.* Ad Gal. 4. *Quandiu hæres est infans, nihil differt à seruo, quamuis sit Dominus omnium.*

X. Altero autem modo concedimus sanè non fieri nos absolute heredes, verum addi conditiones, cuiusmodi illæ sunt, quæ denotantur in locis recitatis. Necesse est enim, eum, qui sit hæres, ei esse obsequentem à quo adoptatur. Sed has conditiones nemo sanus concedet esse causam hereditatis, quæ potius conditiones non sunt, nisi supposita hereditate, id est, filiatione. Loquar apertius. Debet adoptatus in heredem, omne genus obsequij deferre adoptanti. Sed nego his illum officijs mereri adoptionem: contra potius ab adoptione oriri hoc debitum: neque enim aliter teneretur hæc officia præstare: adeoque, necesse est, hanc adoptionem præcedere hæc omnia officia.

XI. Esto sanè aliud hereditas, aliud hereditatis aditio: siue vita æterna, & possessio vitæ æternæ, fuerit Israelitis non ad eundam possessionem terræ promissæ, nisi fortiter inimicis debellatis. Sed quid hoc ad rem? Nos enim querimus, vtrum à Deo mereantur fideles vitam æternam: non vtrum aliquid ijs sit faciendum, antequam ea vita fruatur: imo vt ea vita fruatur. Quomodo, si quærerem, vtrum à Deo Israelitæ sint meriti terram promissam. Nam si quis respondeat meritis esse, quia fortiter pugnarint, quis non rideat, quod quidem iam antè data illis esset terra, quam illi vel cogitarent pugnare? Addo, quando ne vllum quidem ius pugnandi habuerint, nisi supposita ea donatione: Qui igitur labores infumuntur in adeunda hereditate, non sunt hereditatis merita: Sunt sanè conditiones hereditatis, quantum quisque voluit: vt non sit absolute factus hæres: hoc est, quasi nihil ipse præstiturus, hi aut duntaxat ore, expectaret offam. Sed iterum dico, nemo sanus agnosceret esse merita, quibus acquisita sit hereditas.

XII. Atque hæc tenus Salmero: Porfanus negat legitime concludi. Datur vita æterna hereditatis iure: ergo non meritis. Quia hæc etiam valeret: Vita æterna merces est: ergo non est hereditas: quæ tamen est facta.

XIII. Sed nos, vt alias, negamus eandem esse rationem: nimirum &, quia magis sit vita æterna hereditas, quam merces. Et quia, non vt merces alia ex gratia, alia ex merito, sic hereditas: sed tantum ex gratia:

denique, quia non vt filij, sic etiam mercenarij fideles sunt.

CAP. XVI.

De Seruis inutilibus.

I. Quartum argumentum, ex Luca c. 17. *Quis vestrum habet seruum astantem, aut pascentem, qui regressus ab agro, dicat statim, Accede, & discumbet? Imo nonne dicit ei, Para id quod cœnem, & præcinctus ministra mihi usque dum edero, ac bibero, & postea edito tu, & bibito? Num gratiam habet seruo illi, quia fecit, quæ ipsi fuerant præcepta? non puto. Ita & vos, quum feceritis omnia, quæ præcepta sunt vobis, dicite, Serui inutilis sumus: nam quod debuimus facere, fecimus. Consequentia vis: Nullus seruus, qui ab hero meretur, est inutilis. At quicumque homines faciunt omnia præcepta, sunt inutilis serui. Ergo iidem non merentur ab hero. Probatur assumptio. Qui debent id omne quod faciunt, nihil merentur. At homines facientes omnia præcepta, faciunt quod debent. Ergo non merentur.*

II. Porro, perspicuum est, non ideo asserere Christum, fieri à quoquant omnia, quæ sunt mandata: sed tantum ponere hypotheticos, at non simpliciter concedere. Quod annotauit Iansenius, *Quod autem præcipit, ut dicamus nos seruos inutiles, cum omnia præcepta adimplerimus, non sic accipiendū, quasi quis sit, qui omnia adimpleuerit (in multis enim, inquit Iacobus, offendimus omnes) sed sensus est, etiamsi feceritis omnia, tamen agnosce vos seruos inutiles: Quare geminatur argumentum. Nam, si etiam tum futuri sumus serui inutilis, si impleverimus omnia: quanto magis, cum non implemus? Expressit idem Iansenius, *Quo significatur, inquit, quam inutiles nos debeamus reputare, & nos deprimere, cum aduerterimus nos omnia nobis præcepta non impleuisse.* Et Stella, *Docemur hic, omnem presumptionem & vanam gloriam vitare. Si enim hi se seruos inutiles reputare debent, qui omnia impleuerunt præcepta, quid nobis incutit, qui in tam multis offendimus, & ea ipsa, quæ forsitan implemus præcepta, tam imperfecte implemus, ita vt iuxta Esaiam, Vniuersa iustitia nostra sint quasi pannus menstruatus. Quare nemo suis operibus quantumvis bonis apud Deum meretur. Tam enim disputatum est, neminem implere omnia.**

III. Magna vis argumenti. Et vero Papistæ senserunt: adeo vertunt se in omnes facies, vt eludant. Non ij tantum, qui ex professo controuersiam disputant, sed & qui Commentaria scripserunt in Lucam. Didacus Stella, Iansenius, Salmero, Maldonatus, Barradas: quibus adde Stapletonum in Antidotis Euangelicis: & Renatum Benedictum in Panoplia. Quorum Sophismata, vt ordine quodam excutiam, incipiam ab ijs, qui de modo dicendi contendunt: inde deueniam ad eos qui de re agunt potius.

IV. Priores videtur assumptionem negare: vt ad verba Christi respondeant, non dixisse, cum feceritis omnia, serui eritis inutiles: sed dicite, Serui inutilis sumus. Nimirum, *lactationem prohibet, inquit Stapletonus, rem non negat. Maldonatus, Sunt qui non tam verè, quam humilitatis causa dicunt interpretari videantur, quasi id tantum Christus agat, vt doceat nos non esse animo, cum omnia, quæ præcepta nobis sunt, seruauerimus, fecisse enim tantū quod debebamus, quin humiliter de nobis sentire oportere, existimareque, aut nihil fecisse, aut nulla dignos esse mercede. Hanc solutionem Bellarminus quarto loco ponit: Costerus primo.*

V. Interpretationem fulciunt primo autoritate Veterum. Etenim in hanc sententiam, inquit Maldonatus, hoc testimonio vtuntur Origenes, hom. 12. in Iosue: Cyprianus 3. ad Quirinum c. 51. & lib. 5. Epist. 6. Chrysostomus in sermone de poenitentia & confessione (Bellarminus addit, homiliam in illud, *Elatum est cor Ozia*) Hieronymus Epistola ad Ctesiphontem contra Pelagianos: Bernardus serm. 4. in Psalm. 90. & Epistol. 142. Cyrillus apud Thomam: Theophylactus. Deinde: quia seruos esse viles alibi Christus docuit: Matth. 25. *Euge serue bone & fidelis.*

VI. Sed nihil potuit indignius Christo cogitari, vt tantum verbis præscriperet, non etiam cordi: siue, vt contra rei veritatem discipulos institueret loqui. Et quidem apud Deum. Etsi ne apud homines quidem liceat: sed apud Deum tamen, illud vero omnem excedit absurditatem. Vtique, *Cum humilitas non debeat mendacior foueri, non videtur conueniens medium ad humilitatem comparandam dicere, Serui inutilis sumus, quando re vera aliquid utilitatis præstamus.* Itaq; nos potius censemus mentem Christi hanc esse, Dicite, id est, confitemini id quod res est. Quomodo etiam alibi, præcipit, vt *Sermo noster sit, Est, est, Non, non, hoc est, vt sit verax, ac proinde conformis rei de qua loquimur. Non potest autem esse conformis, si, cum verum sit nos esse seruos viles, prædicemus tamen nos seruos inutiles.*

VII. Præterea, eam rationem Dominus reddit, quæ non à modestia desumitur, sed à rei ipsius veritate, *Serui sumus inutiles, quia, quod debuimus facere, fecimus.* Est enim non larvata cuiusdam *τὸ πρὸς φερόμεν*, hæc simulatio: sed vera conditionis seu agnitio. Erat hic status seruorum, vt non quemadmodum mercenarij, certis quibusdam terminis definitum haberent seruitium: sed, vt ita dicam, penè infinitum: saltem hoc sensu, vt nullum genus sit officij aut laboris, quod illi non debeant. Quod ipsum satis exprimitur in parabola. Nam, qui mercenarius conducitur ad arandum, aut pascentem pecudes: cum ararit, aut pauerit: tum vero nihil potest ab eo Dominus exigere: & si quid exigat, hoc mercenarius pro arbitrio vel faciet vel omittet. At in parabola, absolute labore arandi, pascentive, tamen nouum opus, imo noua opera imperantur.

VIII. Quo loco subit admirari Maldonati, postque eum, Porfani audaciam: negantium per seruum, intelligendum esse mancipium, quod, quantum quantum sit, Domini sui sit: sed mercenarium. Nam hoc quis sperasset? Duplici tamen argumento Maldonatus pugnat. Primo, vulgari Scripturarum more, seruorum nomine non mancipia modo, sed etiam mercenarios intelligi: Quia Porfanus durius. Quod Caluinus intelligat mancipium, id esse, contra vltimam Scripturam, quæ hoc nomine ferè semper eum significet, qui sit mercede conductus. Secundo, ex ipso textu parabola: cum enim dicit, dominum nullam seruo suo gratiam habiturum, quia nihil fecisset ultra, quam debeat, indicat de eo agi seruo, qui aliquid plusquam debebat, agere potuisset, quod si fecisset, gratiam illi Dominus esset habiturus.

IX. Sed contra, non tantum Barradas, *Non est, inquit, Deus similis hominibus, qui seruis, sine mancipijs suis, neque habent neque referunt pro operibus gratiam*

item seruus sibi vtilem: quid enim magis absonum, quam si dicas, seruus ille nihil sibi prodeat: ita & vos nihil Deo prodeatis? Hoc igitur expendendum: vtrum proponatur seruus, sibi utilis, an vero utilis domino suo. Atqui, tam manifesta sunt verba, vt mirum sit quemquam potuisse hæsitare. Nam primo, non seruus nominatur simpliciter: tum enim, fortasse ambigui aliquid esset: manifestum est enim seruos alios esse viles, alios inutiles: sed idem, qui seruus nominatur, statim describitur, arans, & pascens, & quidem tota die. At qui sunt huiusmodi, hi non possunt numerari inter inutiles domino. Ergo inter viles.

XXXIV. Tum secundo, *Num gratiam habebit ei*, non potest vtilitatem domini significare: sed vtilitatem potius serui. Nam vtilitas domini à seruo est in dominum: at hæc gratia à domino est in seruum. Et confirmatur ex Luc. 6. *Si diligitis eos, qui vos diligunt, quæ vobis erit gratia? Si benefeceritis ijs qui vobis bene faciunt, quæ vobis erit gratia? Lyranus. id est, merces à Deo reddenda in æterna vita.* Caietanus, *Quæ vobis est gratia reddenda à Deo?* Carthusianus: *id est, merces à Deo præstanda? Vtique nulla de condigno. Tolerus, id est, nihil in eo facitis dignum, pro quo vobis gratia vlla habenda, agenda, aut referenda sint: quasi diceret, retributionem à Deo non habebitis. Gratiam appellat retributionem, quæ ex gratitudine etiam datur his, qui de Deo bene meruerunt, & propter eum opera fecerunt.*

XXXV. Constat igitur inutiles intelligendos seruos, non Domino, sed sibi. Quid ergo? Est-ne aduersarij satisfactum? Imo nouum sperant se nondum in scirpo inuenisse. Inutiles esse, non absolute, sed secundum quid: nempe quatenus nihil præstant non debitum. Quod nos quidem concedimus propter diserta verba, *quod debuimus facere, fecimus.* Sed quomodo, quæso, inde subleuatur causa meritorum? Nam nos quidem inde putamus consecutam. Tripliciter comperio, hæc subtilitate illos vti.

XXXVI. Bellarminus simplicissimè: Serui inutiles dici possumus, cum omnia mandata diuina seruauimus, quoniam nihil facimus ultra id, quod debemus: & nihil inde iustæ mercedis petere possemus nisi Deus liberali pacto nobiscum conuenire voluisset. Nam ex conditione mancipia Dei sumus: & si velit, potest nos absque vilo premio ad omnia opera, quæcunque illi placuerint, obligare. Et expositionis huius autorem laudat Augustinum, Serm. 3. de Verbis Domini.

XXXVII. Sed hoc homine nihil imbecillius, concedente omnes argumenti partes, vnde necessaria conclusio oritur. Non mereri, qui nihil nisi debitum facit: & nos nihil nisi debitum facere. Quid ergo obstat, quominus certa sit thesis nostra? Nam quod addit, nisi Deus liberali pacto nobiscum conuenire voluisset: quid habet virum? Nam liberali pacto conuenire, non includit meritum. Vasques cap. 2. disputat. 213. in 1. 2. *Si enim quispiam non intuitu alicuius meriti aut operis, quicquam alteri promitteret id, quod promissum redderetur, nunquam haberet rationem mercedis, sed simplicis donationis.* Itaque etsi concedamus, Deum promississe iis qui legem implerent, salutem: tamen negabimus, hos qui implent, mereri ex condigno: sed tantum obtinere ex gratia: quomodo seruus si sibi operato, redeuntique ex aratione, aut pastione, herus promississet cœnam communem: nunquam diceret se meruisse ex condigno: sed admittatur heri liberalitatem.

XXXVIII. Nec vero pudori suo consuluit Bellarminus nominato Augustino. Is enim huius loci, cuius de intellectu disputamus, nec verbulo meminit: sed & multo minus meriti condigni, imo totus est in extollenda bonitate, quæ præmia polliceatur, vt extorqueat opera debita. Audi loquentem, *Vos amici mei estis, inquit, si feceritis ea quæ mando vobis. O magna bonitas Dei: cui cum pro conditione reddere debeamus obsequia, vt potest serui Domino, famuli Deo, subiecti potenti, mancipia redemptori, amicitiarum nobis præmia repromittit, vt à nobis obsequia debita seruitutis extorqueat: vt quos nolle seruire conspici sponte, suorum beneficiorum possit promissionibus inuitare: & quorum voluntates à se conspici alienas, eorum mentes præmiorum liberalitatibus constituat suas.*

XXXIX. Sed Bellarmino vehementior est Salmero: vehementior Maldonatus. Ille, loquitur, inquit, Dominus hoc loco de his, qui non sua sponte, & charitate, Deo seruiunt, sed inuiti & coacti necessitate præcepti: qui dicunt, quod debuimus facere, fecimus: quomodo sibi Paulus præmium non debere, si inuitus euangelizaret, ostendit. At ex eo agnoscitur quis operari ex necessitate præcepti, & non ex charitate, quando quis ita seruit Deo, vt cum res & charitas postulauerit, non sit paratus facere etiam ea, quæ non videntur esse præcepta, sed in libertate eius permilla.

XXX. Verum refutatur hoc somnium ex ijs quæ annotauimus ad primam distinctionem: vnde constitit loqui Christum de ijs seruis, qui sunt admissi in gratiam, qui aguntur Spiritu: imo, autore Stella, de electis, quibus excellentissima gratiarum charismata & promissit, & contulit Deus. Atqui hos quis potest fingere nihil operari, ex amore Dei? Imo expendenda verba sunt parabolæ, *Cum omnia feceritis, quæ mandata sunt.* Atqui in mandatis primum & summum est amare Deum toto corde. Quare, qui non operatur ex charitate Dei, is non potest dici implere omnia mandata. Itaque sceda esset implicatio contradictionis: Cum impleueritis omnia, dicite, Serui inutiles sumus: quia non impleuimus omnia: quod est absurdum.

XXXI. Iam vero Maldonatus: Idem est seruos inutiles esse, cum fecerimus omnia, quæ præcepta sunt nobis, non quidem nihil præceptorum obseruatione meruisse: sed nihil meruisse præter mercedem, quæ præceptorum obseruationi respondet. Vult ergo Christus non gloriari nos, cum præcepta seruauimus: quia, etsi mercedem nostram meriti sumus, tamen nihil singulare, nihil egregium, & eximium fecimus, quod non quilibet seruus facere debuit: nec tam est laudabile, quod id fecerimus, quam vituperabile, si non fecissemus.

XXXII. Argumentum habet: Quod in parabola est, Seruo illi nullam à Domino deberi gratiam, hoc in parabolæ conclusione est, seruum inutilem esse. Gratia autem in parabola non significat mercedem ex pacto, pro exhibito labore ac ministerio, seruo promissam debitamque: sed mercedis cumulum, atque corollarium, quo serui, qui plus quam debebant, laborauerunt, donari solent.

XXXIII. At nobis cum Maldonato conuenit hos seruos inutiles dici, non Deo, sed sibi. Hoc posito, addimus, absurdissimam esse, & à ratione alienissimam hanc expositionem: neque vnquam auditum eum seruum, siue

Toma. III.

vt Maldonatus mauult, eum mercenarium, esse sibi inutilem, qui præter pactam mercedem nihil auferat. Enimuero hæc illa est potius vel sola vtilitas, quam à suo labore mercenarij expectant, aut etiam expectare possunt: alias quorsum paciscerentur? Quis autem credat Dominum ita vili his vocibus à medio petitis, vt affingeret sensum nunquam auditum? amplius dicam, sensum oppositum sensui proprio, & vitato? Nam transferre in vicinam & similem, potuit: sed oppositum, videant fœrea Iesuitarum pectora, vtrum concedere queant: Catholicus nullus admittet.

XXXIV. Ad hæc, prohiberi hac parabola το μεγαλοφρονειν επι κατ'εργωσιν, audiuius ab interpretibus. Vide mihi absurdum. Nam quia prohibetur hæc præsumptio propter hanc rationem, quia serui sumus inutiles: ergo non latius patebit prohibitio, quam ipsa ratio. Si ergo ratio hæc eos tantum comprehendit, qui nihil nisi debitum præstiterunt: non autem eos, qui aliquid præter debitum: Ergo solis illis prohibebitur μεγαλοφρονειν, non itidem istis. Quod rursus an sint admittari Iesuitæ, non facile dixerim: Catholicos scio nullos posse tolerare: qui vniuersaliter dicunt μη δευ μεγαλοφρονειν επι κατ'εργωσιν: at non επι ποι ρρη εενοι, επι ποι μη εενοι. Quid? quod huiusmodi distinctio ponit, posse aliquid præstari boni, non debitum Deo? At hoc negantem audiuius Chrysostomum hom. 7. in Epist. ad Rom. & παντες αμαρτωλοι. & φειλυ ποιητες κατ'εργωσιν.

XXXV. Concedo huic clausulæ, an illi habebit gratiam, alteram clausulam respondere, serui inutiles sumus, sed illam significare, cumulum, corollariumve mercedis, non concedo: etsi centies Maldonatus asserentem audio. Cur enim me moueat autoritas Maldonati nudata ratione, destituta testibus?

XXXVI. Ostensum est seruos nominari, id est, mancipia: At hæc omnia debent: nec possunt quicquam operis supererogare. Quod si nihil erogent non debitum: Ergo neque vllam expectare possunt gratiam: nullum meriti siue cumulum, siue corollarium, siue auctarium, dicas, siue mantissam. Præterea si mantissam expectarent, & nō propter opus diurnū arandi, & pascendi, cui operi erant conducti (si conducti) ergo propter illa opera: para quod cœnem, & præcinctus ministra mihi: nam in hæc opera non conducuntur aratores, & pastores, ideoque neque eorum causa vllam mercedem paciscuntur. An igitur saltem propter paratam cœnam, & exhibitum ministerium, debetur eis seruis, quos Dominus nominabat, ea gratia, id est, Maldonato autore, corollarium mercedis? Pronuntiant alij: quando ego suspēctus Iesuitis, bonis scilicet viris. Ambrosius, *Tu non solum non dicis seruo tuo, recumbe, sed exis ab eo aliud ministerium, & gratias ei non agis.* Euthymius, *Docens, quod sicut nullus seruum suum arantem aut pascentem, & ex agro domum reuertentem, honore dignum ducit ob huiusmodi laborem, sed rursum iubet, ac debitam adhuc exigit seruitutem, & nec sic illi gratiam habet: ad eundem sane modum & Deus. Ianfenius, E rebus humanis profert exemplum de seruo, quem nullus Dominus, quantumuis commodus, solet ex agro reuersum honore afficere ob diurnum eius laborem, sed rursum iubet, ac debitam adhuc exigit seruitutem, & ne sic quidem gratiam habet ei.*

XXXVII. Atque hæc tenet Sophistarum commenta, quibus explosis omnibus superest illa legitima interpretatio, quæ meritum congruum penitus tollit. Colligo summam disputationis, vt res tota sit manifestior. Quicunque meretur à Deo vitam æternam, is seruus est sibi vtilis. At nemo faciens omnia imperata, est seruus vtilis. Ergo nemo faciens omnia imperata meretur à Deo vitam æternam. Maior patet. Minor probatur. Si est vtilis: Ergo vel à natura, vel à gratia. At neutrum. Non à natura: & hoc fatentur aduersarij. Probandum igitur non à gratia. Si ergo vtilis esset ex gratia: Ergo vel Deo, vel sibi. At neutrum. Non enim Deo fatentur Papistæ. Probandum ergo, ne sibi quidem. At si sibi, ergo vel per ea opera quæ debet ex lege: vel per aliqua alia, quæ non debet. Hoc vero neutrum.

XXXVIII. Probo non per debita. Primo, quia contra hypothesin: Cum feceritis omnia quæ præcepta sunt vobis, dicite Serui inutiles sumus. Dein, de, quia sunt opposita, soluere debitum & mereri: vnde Christi ratio: serui inutiles, quia fecimus, quod debebamus: ex manifesto scilicet axioma: nemo sibi vtilis, qui facit, quod debet. Tertio, rectè Maldonatus dixit: Quæ debemus, non tam laudabile esse si faciamus, quam vituperabile si non fecerimus. Nimirum: ei μη εγαστην, aiebat Theophylactus, πληρων αετωτε & επι εεργωσιν, & ουκ επι ω επι πληρας εεφρην. Argumentum: Nemo meretur præmium, ex ijs operibus, quorum ob defectum poenis plectendus est. Ac per defectum operum debitorum ex præscripto legis iuste plectitur quilibet. Ergo per eadem opera nemo meretur. Maior manifesta ex sensu communi: alioquin serui mererentur à dominis suis: quod est absurdum: quia progressus esset in infinitum, ideoque negatur a Christo.

XXXIX. Sed neque per indebita. Ratio: Nemo meretur per ea opera quæ nulla sunt. At opera bona Deo non debita nulla sunt. Quoniam homo, seipsum totum debet Deo, qui totum se accepit à Deo. Et hic libens repetito, quod iam bis habui à Chrysostomo: & παντες αμαρτωλοι, & φειλυ ποιητες κατ'εργωσιν.

XL. Hæc certa. Sed Abras Raconifus, nouus Thraso cornutam opponit aciem. Serui sunt inutiles, vel qui omnia Dei mandata seruauerunt, vel qui non nisi quædam, alijs violatis. Si illi, Ergo non erit lex impossibilis impleri: quod Calvinus dixit. Sin isti, nihil contra Papistas: qui nulli docent eos mereri, qui parte vna violata, partem reliquam legis obseruant.

XLI. Sed non sunt semper inuictæ acies cornutæ. Imo hæc ridicula. Nam prius cornu, ipsum est inutile: non enim refutatur. Quid ad te nunc, noue Thraso, si alia parte Calvinus perit, dum ista non euadas? Neque enim, si falsum, legem impleri non posse, ideo non verum, qui legem impleuerit esse seruum inutilem. Hoc igitur prælij effectum erit, quod in illo Thebano, cum ambo fratres cæsi sunt. Vter enim regnauit eorum? An tibi perinde est, quid te futurum fiet, dummodo pereat aduersarius? Me vide. Serui inutiles sunt, vel qui totam legem implent, vel qui partem transgrediuntur. Si isti, ergo pereunt Papistæ, qui per bona quædam opera satisfieri posse nugantur alijs operibus malis: quæ certe non est inutilitas. Sin alij, ergo vicimus nos, qui bonorum operum impugnamus merita.

XLII. Enimuero, seruos hic inutiles dicimus vtrosque, Raconife: &

X 2

illos

illos, inquam, qui totam legem implent, si qui sunt: & illos qui partem duntaxat. Viden ut minime omnium terreat nos tua cornuta acies? Ut facile vtrumque cornu fundimus, fugamus? De primis disertus Christus: Cum feceritis omnia, quae mandata sunt, dicite Serui sumus inutiles. Cum feceritis omnia, non autem: cum transgressi fueritis partem aliquam. Quod si inutiles illi, quid reliquos censemus? Mira Thialonis impudentia est: sed nondum tanta, ut potuerit de istis non faceri.

XLIII. Sed si primi, inquit: Ergo potest impleri lex. Quæro, à quibus. A beatis-ne, an à viatoribus? Si beatos dicas, nihil ad nos: qui in viatoribus ad sanam fidem instruendis laboramus. Nemo nostrum sanè negauit à Sanctis in cælo beatis impleri legem: & hoc sensu, legem non difficilem impleri quamquam tum negatis mereri. Sin viatores, nos vero negamus consequentiam. Nam hæc Christi oratio est hypothetica. Ast hypothetis nihil asserit. Cum Sol est supra horizontem: tum dies est, id potest verè dici etiam à Cimmerijs, quibus tam densæ tenebræ. Paulus I. ad Corinth. 13. Si linguis hominum loquar & Angelorum, charitatem autem non habeam, factus sum as resonans. &c. Si diuidis non tui amorem, &c. Non quod quicquam eorum, quæ connumerata sunt, unquam sine charitate præstari possit: sed quod Sanctus Apostolus, ut & ipse dixit, hyperbolico modo voluerit excellentiam omnia superantem isti adscribere præcepto: Verba sunt Basilij Epist. 75. Quare Calvinus optimè, Loquitur hic Christus de integra legis obseruatione, quæ nusquam reperitur.

CAP. XVII.

Emerere absque pretio. Deprecari in miserationibus Dei. Seruari non ex operibus.

I. Quid vintum nobis argumentum erit ex Esaiæ 55. Omnes sitientes, venite ad aquas: vos, quibus non est argentum, venite, emite, & comedite: venite, emite absque argento, & absque pretio vinum & lac. Si sine pretio, ergo sine merito.

II. Bellarminus negat esse ad rem. Quia vinum & lac, non gloriam sempiternam, sed gratiam temporis huius significant: quod probat auctoritate Hieronymi. Se autem fateri gratiam Dei non acquiri per merita, sed gratis dari: quamvis non absque opere & labore nostro: nam venire, & emere, laborem nostrum designare: & absque argento, & absque vlla commutatione, designare reconciliationem non debitam, sed planè gratuitam.

III. Sed ego esse ad rem ostendo: quia agitur de obtinenda gratia diuina. Hanc autem ipsi Papistæ distinguunt, in primam & secundam: illam, qua venitur ad Deum: hanc, qua manetur in Deo: & hæc, nisi fallor, comprehendit, tum augmentum gratiæ in hac vita, tum vitam ipsam æternam. Primam gratiam acquiri gratis fatentur: & hoc loco nominatim Bellarminus: sed meritis obtineri secundam gratiam vtramque contendunt. Atqui Prophetam de hac secunda gratia loqui, manifestum. Nam hæc significat, ut dicebam, primos gratiæ in nobis motus: itaque significantur per venire. Hic vero Prophetam non dixit, Emite & venite: sed contra, venite, & emite: ut doceat primo veniendum, id est, habendam primam gratiam: deinde emendum, nempe obtinendam gratiam, quæ est post primam.

IV. Hoc ipsum confirmatur ex sequentibus, Quare appenditis argentum in non panem, & laborem vestrum in id quod saturare non potest? Audite audiendo me, & comedite bonum, delectabiturque in pinguedine vita vestra: Inclinate aurem vestram, & venite ad me: audite, & viuere anima vestra: feriamque vobiscum pactum sempiternum, misericordias David fideles. Enimvero quis non videt hæc verba complecti omnes partes gratiæ diuinæ à prima ad vltimam? Certè panis & vinum, alunt & saturant: quod prima gratia non facit, quæ designatur per sitim & esuriem: sunt enim hi primi motus ad fidem. Tum autem vita animæ, quid potuit dici latius? Adde fœdus, & quid supererit? Ergo saluum, per vinum & lac designari tantum primam gratiam.

V. Consentiant interpretes. Cyrillus ut illud exponat, Venite ad aquas, varios congerit locos, quibus gratia designatur similibus comparationibus: & tandem, Sape in Scriptura (inquit) diuinitus inspirata inuenimus Dei verbum dictum esse fontem ac flumen. Ideoque ipse Iudas alloquebatur, & ad se vocabat, dicens. Si quis sitit, veniat ad me, & bibat. Qui credit in me, quemadmodum dicit Scriptura, flumina de ventre eius fluent aqua viva. Cum etiam sermonem habet cum Samaritana muliere, rursus sic ait, Omnis qui bibit de aqua hac, sitiet rursus, at qui bibit de aqua, quam ego dabo ei, fiet in illo fons aquæ salientis in vitam æternam. Itaque, inquit, si quis sitit, accedat ad Christum & bibat, accipiatque vberem per Sanctum Spiritum consolationem, gratiam, & sincerissimam mystagogiam. Paulo post, Itaque sine argento & pretio est hæc potio, ac charismatum eius amplissima donatio. At quid mercamur? quam emimus potionem? Vini, inquit. Escam vero adipis, & frumenti. Et quidem in confesso est charismatum Christi copiosam accessionem, animam latitia afficere. Et post, Omittite igitur frustra laborare & nullos fructus colligere, ac in rebus infrugiferis labores collocare, ac potius audite me, & comedetis bona, ex Evangelica scilicet predicatione, in qua anima vestra, inquit, abunde acquiescet, & deliciabitur. Illic cognitio vera, & Dei qui natura est, & omnis virtutis & sancti decoris disciplina est, ac intelligentia, quæ res quasque agendas mirabiliter ac recte discernit, & mentem bonorum operum effectrice reddit, adeo ut omnibus, quæ innuuntur & significantur, adhærescant, & ab omnibus quæ taxantur, recedant, etiam qui ante grauib. criminibus fuerant affines. Viden ut nullæ sint partes gratiæ, quæ non contineantur hac prophetia?

VI. Lyranus, Omnes sitientes, scilicet gratia in presenti, & gloria in ciuitate celesti, per ipsum Christum donanda, secundum quod ipse Ioannis quarto, Qui autem biberit ex aqua, quam ego dabo ei, fiet in eo fons aquæ salientis in vitam æternam. Et qui non habetis, quasi dicat, ista non cadunt sub pretio temporali, sed dantur ex mera liberalitate diuina. Paulo post, Et viuere anima vestra, vita gratia, & postea gloria: Et unde ista proveniant, postea subditur: Et

feriam vobiscum, id est, legem Evangelicam, cui alia non succedet. Adde ex Glossa ordinaria, Et qui non habetis argentum. Gratia salui facti estis. Et alibi, Gratis accepistis, gratis date: quæ quidem sumpta sunt ex Hieronymo: ut intelligat Bellarminus, etiam Hieronymum, quem solum laudauit autorem, non coercere Prophetæ verba intra terminos gratiæ huius temporis.

VII. Sextum argumentum ex Daniel. 9. Non in iustitiis nostris nos prosternimus deprecationes nostras in conspectu tuo: sed in miserationibus tuis multatis. Theodoretus in ea verba, Neque enim nos ipsi freti, quæ iuste egerimus, inquit, tuam imploramus benignitatem, sed tuam misericordiam confisi, audemus tibi supplicare.

VIII. Bellarminus paucis se sperat hanc rem confecturum, Daniel, inquit, non coronam petit hoc loco, sed liberationem à captiuitate, in quam populus Dei propter peccata deuenerat.

IX. Sed frustra. Nam, ut dixi, Papistæ non solum coronam meritis obnoxiam esse docent: sed etiam, excepta prima gratia, reliquum quicquid est gratiæ. At ex hoc saltem loco habemus sanctissimos viros, etiam cum temporalia bona postulant à Deo, nisi non suis meritis, sed misericordia diuina. Tum certè si non sunt meritis exposita illa, quæ hanc vitam duntaxat spectant, multo minus illa, quæ alteram, cum sint longè maiora: id eoque longè minus meritis proportionata. At cum ex ipsa Papistarum doctrina necesse sit meritis suam esse ad præmia proportionem: omnino oportet ea, quorum maior est disparitas, minus esse proportionata: illud etiam erit consequens, si non meritis reddantur temporalia, multo minus redditum iri æterna.

X. Septimum argumentum ex Paulo ad Ephes. 2. Gratia estis seruati per fidem, & hoc non ex vobis, Dei donum est, non ex operibus, ne quis gloriatur. Item ad Tit. 3. Postquam bonitas & erga homines amor apparuit Seruatoris nostri Dei, non ex operibus, quæ fecimus nos, sed ex sua misericordia seruauit nos per lauacrum regenerationis, & renouationem Spiritus Sancti. Si ex meritis, ergo ex operibus: nam merita sunt opera. Cum igitur non ex operibus: neque sanè ex meritis. Iustiniani hæc est paraphrasis. Hæc tam amplum beneficium prorsus liberaliter, atque gratuito, nulloque modo merentibus nobis collatum est, gratia enim salutem consequuti estis, per Christi fidem: idque non vestris meritis, vestro-ve nisu, conaturæ, cum sit singulare Dei munus.

XI. Porfanius distinguit salutem primam, à gratia secunda, & iustificatione. Illam dari sine meritis. Istam vero contra: quia Deus per gratiam suam dedit nobis eam mereri. Rursus opera distinguit in ea, quæ præcedunt gratiam: & ea quæ sequuntur. Illa non esse merita: & intelligi ab Apostolo; hæc vero esse merita: & non intelligi à Paulo, probat ex sequentibus, Ipse enim sumus factura creati in Christo Iesu in operibus bonis, quæ præparauit Deus, ut in illis ambulemus. Addit Augustinum, octauo de Gratia, & Libero arbitrio, testem.

XII. Sed Paulum loqui non tantum de illa prima gratia, quæ præcedunt, aperte docent. Sed Deus, ut qui diues sit misericordia, propter multam charitatem suam, quæ dilexit nos, etiam nos cum per lapsus mortui essemus, vnâ viuificauit cum Christo, cuius gratia estis seruati, Vnâque suscitauit, vnâque collocauit in cælis in Christo Iesu. Ergo gratia, quam laudat Paulus, & viuificationem comprehendit, & suscitationem, & collocationem in cælis: quæ partes esse non possunt primæ gratiæ duntaxat. Non malè Salmero. Hoc autem obtinimus, tum quod præcipua pars hominis sit mens, siue spiritus, qui hic reparatur, & renouatur per fidem, & charitatis virtutes, & animus liberatur, à miseria tenebrarum, & ignorantia, & à proprii amoris vitio, quo nos supra Deum ipsum diligimus, & à pernicioso odio aliorum, tum etiam, quod per gratiam certam spem æternæ salutis, & ius ad gloriam, & arribā Spiritus Sancti, & gustum quendam futurorum bonorum habemus. Nam omnino duo sunt gradus beneficiorum comprehensorum hoc salutis nomine. Alia enim præsentia sunt, alia futura. Illa, quæ reapse conferuntur in hac vita; quorumque sensus est potius, quam spes. Ista, quæ hic obtineri non possunt; sed præstabitur post hanc vitam: & horum spes est: nec spes tantum, sed ius iam acquisitum: ex cuius tum spei, tum iuris certitudine, non tantum saluandi dicimur: sed etiam saluari. Porro vtraque hæc beneficia cum contineantur salutis nomine; tum ergo cadunt in hæc verba, Gratia seruati estis: itaque falso Porfanius solum primam gratiam dixit.

XIII. Simili modo inepta est operum distinctio. Nam primo, Apostolus non distinguit: sed vniuersaliter loquutus est, Non ex operibus, quæ fecimus nos. Deinde, illud Saluati sumus, vtraque excludit: Nam si gratia, ergo non operibus: ita enim constanter Paulus. Si ergo ita sumus saluati gratia sine operibus; vtræ salutis nomine contineantur viuificatio, suscitatio, collocatio in cælis: tum sanè confiteri, est necesse, non viuificationem tantum, sed etiam reliquas dari non ex operibus. At hoc verum non erit, nisi ipsa etiam opera comprehendantur post primam gratiam: nam hæc, est sequantur gratiam primam: tamen præcedunt suscitationem, vel certe collocationem in cælis.

XIV. Tum autem: si per merita operum, post gratiam primam, acquiratur collocatio in cælestibus; ergo, vel quoad præsentem sensum, vel quoad spem & ius. At neutrum est. Ergo non acquiratur per operum merita sequentium gratiam. Probatur assumptum. Non enim quoad præsentem sensum: neque enim nunc in hac vita, collocamur in cælestibus; sed tantum collocandi sumus tandem post hanc vitam. At neque, quoad spem & ius: Nam, ut audiuius à Salmerone, vtrumque habemus ex ea gratia, quam Paulus nominauit: & hanc Paulus ipse affirmavit esse sine operibus. Quare nullo modo verum est, operibus quæ procedunt à gratia, tanquam meritis condignis, nos obtinere gloriam.

XV. In sequentibus, quid obseruauit Porfanius istis contrarium? Id vero oblitus est annotare: festinans nimium, an sibi diffidens potius? Enimvero Paulus nihil vult aliud, quam ita nos gratia factos esse saluos, ut tamen toti debeamus esse in bonis operibus: itaque statuit ad salutem necessaria esse bona opera, quod nos concedimus, & alias tractabimus. Neque aliter Augustinus exposuit: cuius verba. Vidit, utique putare posse homines hoc ita dictum, quasi necessaria non sint bona opera credentibus, sed eis fides sola sufficiat: & rursus posse homines de bonis operibus extolli, velut ea facienda sibi sufficiant:

mox itaque addidit, *ipsi enim sumus sumentum*. Vtrunque igitur tenendum: & seruati nos non ex operibus: & tamen creati nos in Christo in bonis operibus vtrunque enim dixit Apostolus.

CAP. XVIII.

Parabola operariorum.

I. Octauo loco parabola erit operariorum, quæ recitatur Matth. 20. Paterfamilias conducit operarios prima luce, pacto denario: iterum alios hora tertia: alios sexta, & nona, & undecima. *Quam autem serum diei esset, dicit Dominus vineæ procuratori suo, voca operarios, & redde eis mercedem, exorsus ab ultimis usque ad primos: & cum venissent, qui circa undecimam horam, acceperunt singuli denarium. Quam venissent autem primi, existimauerunt se plus esse accepturos: sed acceperunt ipsi quoque singuli denarium. Sed cum acceperunt, murmurabant aduersus patrefamilias, dicentes, Iste vltimi vnam horam opus fecerunt, & eos aequales nobis fecisti, qui portauimus pondus diei & aestum. Ipse vero respondens dixit vni eorum, Amice, non facio tibi iniuriam: nonne denario pactus es mecum? Tolle quod tuum est, & abi, volo autem huic vltimo dare, ut & tibi. Annon licet mihi quod volo facere in meis rebus? an oculus tuus malus est, quia ego bonus sum?*

II. Manifestum argumentum. Si pro meritis præmium datur, ergo pro inæqualitate meritum, inæqualia erunt præmia. At non sunt inæqualia præmia. Ergo non dantur pro meritis. Assumptum manifestum est in parabola: nam opera inæqualia sunt eorum, qui totum diem laborarunt, & eorum, qui non totum, sed horas alij aliis pauciores, ad vnam vsque. Propositio autem manifesta ex ipsa aduersariorum doctrina. Nam ij non tantum diligenter norant nullum esse meritum absque proportionem: vnde erant Romæ conceptissima verba, *Vt inter meritum & mercedem attendatur æqualitas quantitatis, quemadmodum in commutatiua iustitia, puta, tantum quantum*. Imo Porfanus, in huius argumenti solutione: *Nihil æquius, quam ut qui plus laborauit, plus recipiat*. Sed etiam addunt, acquiri augmentum gloriæ: quod tamen concedunt non esse omnibus idem: vnde necesse confici, ei qui plus sit meritis, deberi etiam augmentum gloriæ maius.

III. Prolixi sunt hoc loco Maldonatus, & Porfanus. Et primo, calumniantur hac nos abuti parabola ad negandam inæqualitatem gloriæ in regno cœlesti. Sed neminem tamen indicant, à quo id assertum fuerit. Imo Maldonatus notat displicuisse Caluino hanc interpretationem: *Quamquam hoc ipsum non sincere*. Nam huius interpretationis Caluinus non magis meminit, quam si nunquam fuisset audita. Et quidem pro certo habeo, Iesum tibi sibi finxisse monstra, quæ magnificè debellaret. Ita enim solent viros bonos artificiosa inuidia onerare, quo iure, quæ uel iniuria, ille viderit: nobis nostra conscientia sufficit, contra non huius tantum, sed omnium etiam *omnesque* calumnias: in quibus Maldonatus, qui ex scriptis nouerit, postremum nunquam numerarit.

IV. Ponamus ergo inæquales esse in æterna vita gradus, quod Paulus 15. prior. ad Corinth. euidenter adstruit. Sed ne labefactemus tamen parabolam, quæ vnum omnibus denarium donat. Non enim istud illi contrarium. Nam et si, exempli gratia, Apostolis maior gloria, quam Euangelistis: aut his, quam fidei plebi: tamen nihil obstat, quominus æquæ in totidem thronis sedent Apostoli, qui tamen inæqualiter laborarint: & in plebe fidei, eadem vita æterna concedatur, puta latroni, qui vltimo actu vitæ duntaxat credidit, & alij cuiuspiam, qui ab ineunte ætate, ad postremam vsque senectam, Christum sit confessus: ut nihil sit opus subtili illa Seraphicaque Scholarum distinctione beatitudinis obiectiue & formalis, quam Porfanus, quia potuit eloqui, putauit magnum se operæ pretium fecisse: & *ad hoc quod dicitur*.

V. Deinceps geminum illis *ἀδίκον*. Primum, negant inæqualitatem meritum, siue operum. En tibi acumen: Nam si verba non recito, vix spero me lectori persuasurum, inueniri potuisse tantam audaciam. Maldonatus. *Finis parabola est, mercedem vitæ æternæ, non tempore, quo quis laborauit, sed labori & operi, quod fecit, respondere. Sape enim fieri solet, ut aliquis vna hora tantum laboret, quantum alius toto die, ideoque æqualem mercedem, id est, eundem denarium accepturum esse. Nihil mutauit: ne sollicitum quidem, cuius Priciano cura esto: Porfanus, *Hic, quamquam primi venissent, minus tamen laborarunt, quam postremi, qui vna hora tantum confecerunt, quantum illi toto die. Et post, si quis eorum opus fecisset tantum dimidia diei, proculdubio dimidium duntaxat denarium abstulisset*. Intelligo: quasi prima luce conducti asini fuissent, reliqui vero equi, & quidem alij aliis valentiores: sic enim puto sit etiam hodie, ut equinæ operæ maiori ære redimantur quam asinæ. Fortè etiam inciderat ille non nimium accuratus paterfamilias in febricitantes, quorum pallorem dubia lux obtegebat, ne deprehendi posset infirmitas: quæ postea orto sole non potuit latere: ut eodem occaso computaretur.*

VI. Eleganter sanè, nisi multa obstant. Primo, interpretum autoritas. Hilarius, Canon. 20. *Et cum sero esse cœpisset, donum constituit in totius diei labore mercedis primi operarij hora vespere consequuntur*. En tibi mercedem constitutam labori, non operi. Similiter Franciscus Lucas, *Denarium mercedem labori totius diei debitam*. Et rursum ad id, *Quod plus essent accepturi, ut qui plus laborarant, quam ceteri omnes*. Lyranus fortè ad eandem mentem, *Conuentio ista est promissio vitæ æternæ pro labore*, Royardus, hom. 1. dominica in septuagesima, *Conuentione, inquit, facta cum operariis ex denario diurno, id est, ut pro labore diei denarium recipiant*.

VII. Et vero, si non laboris, sed operæ præmium fuit: fuerunt autem inæqualium laborum æquales operæ: ergo omnium operariorum eadem causa fuit. At contra, Augustinus de Bono Perseuerantiæ c. 8. *Sed cur, inquit, non solum in paruulorum, verum etiam in geminorum vna atque eadem causa, tam diuersum iudicium? Obiectio fuit Pelagianorum. Hanc ille soluit alia proposita questione. Nonne similis quæstio est, cur in diuersa causa idem iudicium? Recolamus igitur illos operarios, in vinea qui tota die laborauerunt, & eos qui vna hora, nempe causa diuersa est impensæ laboris, & tamen idem iudicium in redditione mercedis. Franciscus Lucas, ad illud, Quod iustum fuerit. Denarius*

integer non his iure debebatur, quod dies non esset integra, sed quadrans iure debetur. Et post de postremis vocatis ad recipiendam mercedem. Cum minimum fiderent meritis suis, solamque expectarent Domini gratiam, denarium mercedem labori totius diei debitam, præter suam & aliorum omnium expectationem accipiunt, Caietanus, *Acceperunt singulos denarios, pro singuli denarii. Hoc est tantum præmij, quantum debetur toti labori vnius diei, ubi manifestè liquet, gratia patrisfamilias dans nouissimis supra condignum*. Hieronymus dicit, *Non sic laborauit tertia hora operarius, quomodo ille, qui prima hora est missus in vineam. Similiter & sexta hora operarius, minus laborauit, tertia hora operario, & nona, sexta hora operario*.

VIII. Ac sanè, si fuisset merces assignata operi, & omnium opus æquale: nulla fuisset primis indignationis causa, non tantum iusta, sed ne verisimilis quidem. Nullum enim ius, nulla consuetudo, non id iubet. In parabola autem non solent fingi absurda, & non verisimilia. Royardus, *Arbitrari meritis poterant, quod plus illis essent accepturi, quandoquidem visitato hominum more plus laborantibus, etiam plus mercedis conferatur*. Tum autem paterfamilias responsum habebat paratam ab eo iure: quod tamen ille nullum petendit: sed opponit naturam gratiæ, quæ illam iustitiæ æqualitatem non nouit. Vnde Royardus, *Amice, inquit, non facio tibi iniuriam, quæ locum non habet, ubi est mera gratia, sed ubi quod iure debetur, negatur*. Ferus, *Vbi nullum debitum est, sed omnia ex gratia præstantur, ibi nulla sit iniuria, nemo quicquam conqueri potest*.

IX. Sed obijcientem audio Maldonatus. Primo, de labore sæpe fieri solere, ut aliquis vna hora tantum laboret, quantum alius tota die. Deinde, de responso patrisfamilias, voluisse personæ decorum seruare: non conuenisse autem, villi operario declararet, cur tantum nouissimis, quantum primis daret: sed tanquam Dominus diceret, *Sic volo, sic iubeo*. Sic enim prudentes Domini solent seruis rationem querentibus, cur hoc, vel illud iubeant, etiam si intimam habeant consiliorum suorum rationem: pro ratione suam exponere voluntatem: Cuiusmodi? quia volo. Addit, noluisse prudentem patremfamilias, conquerentem operarium pudore suffundere: quod factum fuisset, si dixisset tantum se postremis dare, quantum primis, quia tantum laborassent.

X. Et vero solent ista in rebus humanis accidere. Verum quis docuit parabolas explicare ex non expressis in ipsa parabola? Hæcne ratio legitima est: aut vnquam, non dico præscripta, sed vel exemplo confirmata à quoquâ sano? Breuiter ergo, concedo euenire interdum, ut inæqualis laboris æquales sint operæ, ideoque æqualia præmia: sed nego hac parabolam id poni: à Maldonato dico intempestive inquiri, importune virgeri.

XI. Nam de decoro quid dicam? Primo, non videt se subito transformare mercenarios in seruos: eadem audacia, qua paulo ante seruos in mercenarios. Est enim verum, solere seruis suis herum pro ratione voluntatem suam obijcere: sed liberis itidem, absurdum est. Tum autem voluntas est pro ratione, in ijs quæ pendent à mera autoritate: & non, in ijs quæ à iure. At meriti præmij quæ negotium eiusmodi est, ipsis consentientibus populis, ut pendeat à iure. Itaque debuit ille paterfamilias suis non seruis, sed mercenariis, non voluntatem suam obijcere, sed rationem, si pares supponantur operæ. Et vero repræstat. Non enim voluntas, sed ratio significatur iis verbis, *Non facio tibi iniuriam, nonne denario pactus es mecum? Tolle quod tuum est*. Quibus verbis Bellarminus c. 19. 5. de Iustificat. asserit significari, non ex iustitia, sed liberalitate factum. An hæc non est ratio? An hac parte decorum personæ oblitus est Christus? Imo nugator Maldonatus potius.

XII. Nam quod de pudore addit, primo, vnde habet? quis eum docuit Euangelistam aut quis diuinare permisit? Deinde, quæ ratio diuinandi? An quos tam viles iam iam depingebat, ut non mererentur audire rationem, sed imperium expectare: idem tam subito tanti fuere, ut non deberent pudore suffundi? Et hoc præter verisimilitudinem, solent enim patresfamilias non dissimulare, cum sui operarij non strenue laborant, & tamen integram mercedem postulant.

XIII. Atque hæcenus primum sophisma. Alterum sequitur, Maldonato proprium. Nam Porfanus, et si alias fides discipulus, hic tamen discessit à magistro, Maldonatus ergo: Tantum abest, ut docere Christus voluerit, æqualem omnium beatorum futuram gloriam, quia non meritis, sed gratis datur: ut contrarium omnino probare voluerit, non omnium gloriam æqualem futuram, quia non gratis, sed meritis datur: quod autem datur meritis non æqualiter omnibus, sed alijs plus, alijs minus pro cuiusque meritis datur: Videte *ἀνισομετρίαν*. Videte quanti sit Iesum fieri.

XIV. Duo ponit, distincte consideranda. Vnum, velle Christum docere hac parabola, futuram gloriam inæqualem, alterum, rationem eius inæqualitatis à Christo sumi ex meritis, itaque docuisse Christum, eam gloriam acquiri ex meritis. De primo non contendimus: et si miramur audaciam: quæ eam speret ab hoc loco euincere, cum tamen negare non possit in parabola non dari inæquale præmium, imo disertissime, æquale, denarios videlicet singulos singulis. Qui fieri potest autem, ut idem denarius, inæqualitatem significet? Et vero Bellarminus 3. de iustific. 16. *Denarius ille, inquit, significat æqualitatem æternitatis*, Aquinas, 1. 2. q. 5. artic. 2. *Vnitatis denarij significat unitatem beatitudinis ex parte obiecti*. Ut mittam alios, totumque adeo hoc caput, quo, si negasset Maldonatus, probari æqualitatem gloriæ: non contradiceremus, sed cum dixit probari inæqualitatem, nos certè cogimur audaciam mirari, imo temeritatem execrari.

XV. De altero capite non idem iudicium. Omnino enim falsum, à Christo statui merita, alioquin necesse esset poni paria, propter paria præmia. At id falsum, ut docuimus. Deinde, si merita statuerentur. Ergo omnibus ex iustitia merces esset reddita. At hoc falsum, tum ex verbis patrisfamilias, *An oculus tuus malus est, quia ego bonus sum?* Tum ex iudicio interpretum. Caietanus, *Vbi manifestè liquet gratia patrisfamilias dans nouissimis supra condignum*. Franciscus Lucas, *Idque egit recte, nullius reprehensionis merito obnoxius, erga illos benignus, erga hos iustus*. Bellarminus paulo ante, non ex iustitia, sed liberalitate factum.

XVI. Sed ille contra. Primum ex propositione. *Multi erunt primi nouissimi, & nouissimi primi*. Ibi enim de meritis & præmijs agebat: Probat ab occasione: tum adolefcens, cui dictum, *Si vis perfectus esse, uade, & vende omnia quæ habes, & da pauperibus, & veni, sequere me*, quod meritum est:

Et habebis thesaurum in celo: quod premium. Item Petri, cui postulanti premium pro meritis; *Ecce nos reliquimus omnia, & sequuti sumus te, quid ergo eris nobis?* responsum est, *Sedebitis & vos super sedes duodecim.* Nam, quia istis subiectum est statim, *Multi erunt primi nouissimi:* significatum est, propterea primos nouissimos futuros, quia, quamuis primi venerint ad vineam; minus tamen laborauerint, ideoque minorem mercedem meruerint.

XVII. Secundo, ex initio parabola; Operarius est, qui propter mercedem, quam labore suo meretur, laborat. Conducere, est verbum iustitiæ, id est, meriti, & mercedis. Tum, Conuentionem ex denario facere; iustitia est, non solum gratia. Tertio, *Quod iustum fuerit, dabo vobis:* non potuit apertius meriti & mercedis iustitiam declarare. Denique, *Non facio tibi iniuriam:* quid est, nisi quod iustum erat, dedi tibi? Quid est, tolle quod tuum est, nisi quod iustum est, quod tibi debetur, quod meruisti.

XVIII. Sed ista nihil euincunt. Fateor parabolam inductam ad id explicandum de primis nouissimis, sed nego in eo de meritis agi: nec istud euincit occasio. Primo, quia in ea nihil de meritis condignis: sed tantum de ordine præmij adipiscendi: est autem aliud ordo, quam meritum. Neque verum, si quis vel vendat omnia, & det pauperibus, ut habeat thesaurum in celis: ideo meruisse hunc thesaurum: non verum, si fessuri sint in thronis ij, qui reliquerint omnia propter Christum, meritos esse eas sedes. Sed verum, ijs Deum illa præmia grauitari. Secundo, etiam si hæc concederem Maldonato: tamen negem sequi in his, *Nouissimi erunt primi:* similiter agi de meritis. Nam hoc etiam Iesuita sumit, sua fretus audacia, non vlla rei aut necessitate, aut euidencia.

XIX. Nec verum, Operarium esse, qui labore suo mereatur: quia mereri est præter nominis veriloquium: & aduentitium, ut sit quidem operarius, quicunque meretur suo labore: sed non contra. Quid enim obstat, quominus gratis labore aliquis in vinea amici? Conducere, concedo esse verbum meriti: sed posse conductis dari ultra meritum, id est, non meritum præmium, nemo hactenus dubitauit: & in hac parabola, præter Maldonatum, alij agnouerunt posse ijs, qui post primos, tantum denarium debent: sed aliquam denarij partem, & quidem varijs variam. Atqui vis parabola præcipua, non in conuentione, sed est in persolutione præmij, ubi gratia est. Neque enim in conuentione primi sunt nouissimi, aut contra, qui tamen parabola scopus est: sed tantum in retributione. Quare etiam si in conuentione meritum sit: non est tamen necesse esse in solutione: quandoquidem hæc ordinem inuertit conuentionis.

XX. Meriti & mercedis iustitiam designari his verbis, *Quod iustum fuerit, dabo vobis,* possum concedere absque damno: sic enim paterfamilias docuit se noluisse à se reposci denarium pro meritis: sed eausse mature, ut ne denarium æquè debitum repescerent. Est enim ac si diceretur: analogiæ hoc fundamentum esse, ut laboris diurni merces sit denarius. Itaque ijs, qui tota die non laborarent, ne totum quidem denarium debent: sed aliquam denarij partem, & quidem varijs variam. Atqui vis parabola præcipua, non in conuentione, sed est in persolutione præmij, ubi gratia est. Neque enim in conuentione primi sunt nouissimi, aut contra, qui tamen parabola scopus est: sed tantum in retributione. Quare etiam si in conuentione meritum sit: non est tamen necesse esse in solutione: quandoquidem hæc ordinem inuertit conuentionis.

XXI. Concedo, primis cum datur denarius, dari ex iustitia, dari etiam ex meritis. Sed dari tamen fidelibus vitam æternam ex meritis, nego. Ratio negandi: quia hic denarius datus supponitur ijs qui totum diem laborarunt: at nego vitam æternam vlli (excepto Filio Dei vni genito) vnquam datam, qui laborarit totum diem. Neque vero id parabolam necesse est asserere: quomodo non necesse, inducere conuentionem inter eos, qui præmium accipiunt. Sensus est ergo: Si quis daretur, qui totam diem laborasset, huic etiam deberi totam mercedem. Sed dari aliquid, id vero aliunde probandum. Nos autem confestim non posse dari, cum euicimus neminem non esse peccatorem, & quidem à conceptione, id est, à prima origi.

CAP. XIX.

Passiones non condignæ.

I. **N**Onum argumentum sufficit Paulus ad Roman. 8. *Statuo in cœlo æquæ, quod non sunt condignæ passionibus huius temporis ad futuram gloriam, quæ reuelabitur in nobis.* Siue, interprete Beza: *minime esse paria quæ præsentis tempore perpetimur, futura gloria in nobis retegenda.* Perinde est, siue condignas dicas, cum veteri interprete (Augustinus pro non condignis, indignas dixit, de Ciuitate Dei libr. 5. cap. 18. & octoginta trium Quæstion. quæst. 67.) siue pares, cum Beza. Nam si condignas: ergo ipsum meriti condigni nomen negabitur: & directa contradictio erit, Pauli negantis passionibus esse condignas futura gloria: & Papistarum, asserentium esse merita condigna. Sin pares, at iidem docent æqualitatem necessariam esse inter meritum & mercedem. Si ergo omne meritum est par mercedi: & passionibus non sunt pares, ergo non sunt merita. Meminerint autem Sophistæ, se antea voluisse vrgere verbum Græcum *æquæ*, quasi id meritum significaret. Quod si à se non discedant hoc loco, vident facile, quid inde concludi oporteat.

II. Tantum istum Bellarminus sperat se leui declinatione elusurum. Loquitur Apostolus, inquit, de substantia ipsorum operum, non de proportionem absolutam. Nam passionibus huius temporis breues sunt, gloria illa æterna est, tamen proportio est inter has passionibus & illam gloriam, propter charitatis dignitatem, unde procedunt. Cuius fundamentum Tapperus accersit ab Aristotele, unde hausit magno fructu, an fastu? Æquale esse aliud secundum quantitatem, aliud secundum proportionem: illud esse commutatiuæ, hoc distributiue iustitiæ; & illam non esse Dei ad hominem: sed istam. Paulum autem non respicere merita passionum & operum, sed labores & afflictiones, annexas passionibus huius sæculi: quæ non possint conferri cum æterna gloria.

III. Et hoc videor intelligere: quasi diceret, cum comparantur boui,

aliquot nummi, tum æqualitatem esse inter bouem & nummos: non quæcunque tamen: nam massam vtrique valde esse inæqualem: sed ut massa massa non assequatur, at æstimationem pecuniæ tantillæ tamen æquare tanti bouis æstimationem. Similiter durationem æternæ bonitatis immensi spatio superare durationem afflictionum, & ceteram etiam quantitatem esse imparē: nihilominus tamen aliquam alicunde proportionem esse.

IV. Hoc quicquid est breuius, indeque obscurius dictum, explicant Pererius, & Costerus. Ille considerari bona opera, primo ut sunt humana, & à libero arbitrio: secundo secundum substantiam operis, & proprias naturalesque conditiones, ut intentionem, durationem, materię conditionem: tertio ut proficiuntur à Spiritu Sancto, per gratiam. Primo & secundo modo, non esse condigna: sed tertio, conuenientem habere proportionem æqualitatis & dignitatis cum præmio vite æternæ. Costerus, considerari primo, ut sunt molesta & difficilia: secundo, ut à voluntate nostra dimanant: tertio, ut effecta à Filio Dei, & inhabitante Spiritu, quarto, ut coniunctam habent diuinam promissionem mercedis æternæ. Duobus primis modis non esse condigna: at reliquis duobus contra. Paulum autem loqui de primo modo.

V. Comparemus istos inter se. Distinguit Bellarminus substantiam operum, ab eorum proportionem absolutam. Et Apostolus ait agere de substantia. Ergo, inquam, substantia operum illi est, quod Pererio Costeroque primus & secundus modus considerandi opera. Ideoque proportio absolute: quanquam hoc nominis ego non bene concoquo: neque concipere possum (quæ mea tarditas est) vllam in rerum natura proportionem absolutam: quandoquidem omnis proportio relatio est: at nulla relatio est absoluta: condonemus tamen homini alioquin vehementi cura occupato opprimendæ veritatis, condonemus, inquam, hanc illi *ἀνεργολογίαν*. Ergo illi proportio est in tertio modo Pererij, vel tertio & quarto Costeri, nam hi proportionem æqualitatis inde repetunt.

VI. Rem iam videamus. Non loquitur de proportionem operum. Et tamen, inquam, *æquæ* dixit. Atqui Bellarminus cap. 2. Græcos asseruit meritum *æquæ* dicere, & mereri *ἀξίως*. Quid? an meritum negabit, significare proportionem? Imo suadeo, ut illud potius recanter: & nobiscum agnoscat non esse perpetuo idem *ἀξίως* & meritum.

VII. Verumenimvero, si non loquitur de proportionem: ergo neque de operibus, quatenus sunt à Spiritu Sancto: aut quatenus habent adiunctam promissionem: nam in his duobus modis proportionem esse agnoscunt Pererius, & Costerus. Atqui falsum posterius. Et mirum est potuisse quenquam, aut tam esse somnolentum, ut non attenderet seriem textus: aut tam impudentem, ut ab ea hæc pauca verba distraheret: *Non enim accepistis spiritum seruitutis, rursus ad metum, sed accepistis spiritum adoptionis, per quem clamamus Abba Pater. Qui ipse Spiritus testatur vna cum spiritu nostro, nos esse filios Dei: Quod si filij, etiam heredes: heredes quidem Dei, coheredes autem Christi. Si modo simul cum eo patimur, ut simul cum eo glorificemur. Nam statuo minime esse paria quæ præsentis tempore perpetimur, futura gloria in nobis retegenda.*

VIII. Vident? audin? vtramque istam conditionem, à qua aduersarij proportionem operum accersunt, diserte expressam? Nonne enim agit manifestis verbis de fidelibus quatenus acceperunt Spiritum Sanctum? Et ab hoc Spiritu nasci illam confidentiam, quæ certi sunt se esse filios Dei? Et ab hac filiatione oriri ius hereditatis? Et huic iuri additam conditionem vna patiendi? Quæso te, quisquis es Lector Christiane, quomodo potest à Spiritu esse certitudo filiationis: ab hac certitudine, hereditas: huius hereditatis conditio patiendi: & tamen subito passionibus considerari absque Spiritu, & non aliter, quam in Caino, aut Ismaele, aut etiam Iscariota? Aut, quomodo possunt sine promissione considerari, de quibus tamen, nec longo intervallo, sed statim & immediate, *heredes sumus, si compatimur?* Anne hæc nulla promissio? Et neget quisquam impostores esse Bellarminum, Tapperum, Pererium, Costerum?

IX. Oecumenius, *Δείκνυσιν τὸ ἐλονοχῶν τῆς χάριτος ὁ δὲ διὰ τὸ μικρὸν πῆρ ἀντιδρῶναι τὸν Θεόν, καὶ ὅτι οὐκ ἵσχυοντο ἀξίον τι τῆς ἐκείνου ἀντιδόσεως πῶς αὐτὸν σέβοντο.* Demonstrat totum hoc ferme gratia esse, eo quod superet Deus remunerationibus: quæ adeo quidem non possumus quicquam dignum futura illis remuneratione neque pati, neque conferre. Quanquam hinc vnus potuit abesse vocabulum *σχεδόν*, quo non nihil deciditur de gratia. Sed constat tamen Oecumenium τὸ ἀξίως, considerasse non in substantia, sed in proportionem. Theodoretus. Superant certamina corona: non comparantur cum laboribus remunerationes: Labor enim paruius est, sed magnum lucrum speratur. Et propterea non mercedem, sed gloriam vocauit ea quæ expectantur. Sedulius, Puto, quod in præsentis vita consolatio, quæ datur iustis se undum mensuram cruciatuum, datur: gloria vero futura, quæ reuelabitur in nobis, non secundum mensuram passionum, quia non sunt condignæ passionibus huius temporis ad futuram gloriam.

CAP. XX.

Contra meritum rationes.

I. **H**actenus argumenta nostra directe à Scriptura. Nunc erunt rationes variæ. Prima ratio: Nullum meritum est debitum. At omne opus bonum hominis est debitum: Ergo nullum opus bonum hominis est meritum.

II. Huic argumento respondens Porfanus, vtranque antecedentem negat. Prius maiorem: tum exemplo, tum ratione. Exemplo: posse enim operarium debere cuiuspiam æs magnum, cui tamen suas locet operas. Ratione. Vbi enim ius est, ibi esse proprie iustitiam, at inter duos, quorum vnus alij sit debitor, ius esse posse. Ergo & iustitiam.

III. Sed maiorem qui neget hunc necesse est abire à sensu communi, à quo illud erat in parabola. *Serui sumus inutilis: quod debebamus facere, fecimus,* de quo paulo antè disputatum est. Tum autem Porfanus ipse cap. 6. cum ageret de conditionibus meriti, primam posuit, ut sit liberum, non factum ex necessitate. At, quicquid fit ex debito, necessarii est, non liberi: quia pendet ab eius voluntate, cui debetur, non eius à quo fit. Et huc facit ratio Domini.

Dominici à Soto, pro libertate arbitrij. *Ratio naturalis est: quod mereri est ali-*
quid dare alteri, & conferre in bonum ipsius, nemo vere dat, nisi illud cuius est do-
minus. Perge enim: at eius, quod debemus, domini non sumus, unde apud
Latinos debita pecunia, dicebatur, res alienum. Plena erit conclusio. Ergo
debitum non esse meritum.

IV. In rationibus Porfani exilis est & ridicula Sophistice. Nam, qui ope-
rarius res debet, potest sane operas locare, sed, si operas debeat, non potest
operas locare eadem. At nos Deo debemus hæc ipsa bona opera, quæ Papi-
stæ iactant esse merita.

V. Ius esse inter debitorem & creditorem, libentes concedimus. Nec ne-
gamus ibi iustitiam esse ubi ius est, sed querimus Porfano imperfectum re-
mansisse argumentum, nec ostensum, quomodo inde concludatur meritum.
Nam nos quidem negamus, id ius eamve iustitiam non nisi cum merito exi-
stere: Esse enim aliquod ius, aliquamve iustitiam debiti. Sic inter herum &
seruum, quis neget esse ius aliquod? & tamen à domino servus non meretur,
quod ipse dicat sensus communis. Manet ergo maior certa.

VI. Minorem negat itidem: nempe ex isto, puto, principio, Qui semel sic
verecundia fines prætergressus, cum oportere esse naïter impudentem, sed
argutatur tamen: Omnia nos quidem fuisse debituros Deo, si sic voluisset.
Sed, quæ ille nobis donet, ea nostra esse, quantumvis ab eo prorsus pendea-
mus. Sic regem beneficium dare, vt penes se tamen sit summum dominium.
Deniq; sic Christum à Deo omnia habuisse: & tamen meritum esse.

VII. Sed nobis certa est minor. Debemus enim Deo & nos ipsos, & no-
stra omnia, tum tanquam creatori, tum tanquam redemptori: Et, vt cætera
mittam; bona opera deberi, vel hoc vnum abunde docet argumentum, quod
ea non præstantes merito puniamur. Ad Ephes. 6. *Venit ira Dei in filios con-*
tumaces. Item in lege, *Maledictus qui non permanserit in omnibus quas scripta*
sunt in lege.

VIII. Concedo, si voluerit Deus nonnulla à nobis non postulare, ea nos
illi non debere. Sed esse eiusmodi aliqua bona opera, nunquam probaturum
scimus Porfanum. Quia nos contra, scimus exigi pœnas ab iis, qui non
præstiterint. Et habemus disertos locos. Primæ Ioannis 2. *Qui dicit se in eo*
habitare, debet, & sic ille inest, ita & ipse incedere. Ad Roman. 8.
Debitores sumus non carni, vt secundum carnem viuamus: nam
si secundum carnem vixeritis, futurum est, vt moriamini. Nec in oratione, alia
mente dictum. *Dimitte nobis debita nostra.* Et, quia hæc omnia debentur ex
vi legis, si non debemus, relaxata esset lex: At Christus Matth. 5. *Ne existima-*
te me venisse, vt dissoluam legem aut Prophetas.

IX. Regis exemplum est alienum. Retinet ille sane summum dominium,
sed non retinet subalternum. Itaque donat subalternum: non donat sum-
mum. Itaque beneficiarius non potest, cum à rege agnoscat summum illud
dominium, ab eo mereri, sed potest, si forte subalterno dominio. Atqui opera
nostra bona sunt de iure summi illius domini, quod sibi totum Deus reti-
nit. Itaq; hoc ipso fieri non potest, vt ab eo mereamur.

X. Domini nostri exemplum alienissimum est. Quod enim ille habuit
à Deo, non habuit per gratiam, sed per naturam, quæ in eo fuit integra, & in
statu perfectæ innocentia. Itaq; debuit tantum ex iure creationis. Nos vero
debemus insuper ex iure adoptionis. Deinde Christus est non homo tantum,
sed & Deus. Atque inde est meritum eius pondus. Nam hæc opera non
debuit Deus. Quia igitur Deus fecit, ergo merita esse potuerunt, quæ in pu-
ro homine non potuissent. Nihil ergo Porfanus promouit.

XI. Ratio altera: Nemo potest mereri eo, quod non sit suum. At opera
bona, non sunt nostra. Ergo operibus bonis non possumus mereri. Nostrium
intelligimus, respectu eius à quo oporteat mereri. Quamquam de maiori
non est, quod contendamus: cum eam conceptis verbis Porfanus concedat,
& vero negare non ferebat sensus communis. Sed minorem negat: Nos pro-
bamus. Quæ nos habemus à Deo, ea non sunt nostra. At omnia opera bona
habemus à Deo, Ergo non sunt nostra.

XII. Hic Porfanus maiorem negat. Eadem enim opera esse, & Dei &
nostra, nimirum quomodo Scriptura, & scribentis est opus in solidum, &
calami. Itaque Paulum dicere, *Non ego autem, sed gratia Dei mecum,* prioris
ad Corinthios 15. Sic Christum meritum esse operibus, quæ tamen habuerit
à Deo.

XIII. Eadem opera esse & Dei & nostra, nullus negat, neque ad rem est
obseruatio. Nam argumenti mens est, operibus bonis nos non mereri
posse nisi qua nostra sunt. Atqui ea ratione, qua mereri possunt, si possunt,
nostra non esse, sed Dei ea in nobis operantis. Enimvero placet scriptionis
exemplum, à Porfano indicatum. In Scriptura ductus sunt linearum, in sin-
gulis literis. Est & vocabulorum *συνταξις*, ex quibus oratio scripta confici-
tur. Dicatur ergo sane tota Scriptura esse ab homine, esse etiam à calamo,
sed profecto *συνταξις* non potest à calamo, etsi per calamum: nam hoc in-
genij humani opus est. Similiter in operibus, est operatio ipsa, est & qualitas,
per quam non tantum opera dicuntur, sed etiam bona. Operatio ab homi-
ne esto, quomodo lineamenta à calamo, sed bonitas tamen à Deo, non ab
homine, etsi à Deo per hominem. Atqui opera bona, si quid mereri possunt,
non eo merentur, quod sint opera, alioquin etiam scelera mererentur, sunt
enim opera, sed eo quod sint bona. Quare opera, ea ipsa ratione, qua me-
ri possunt, non sunt à nobis, sed ab eo apud quem mereri debent. Quod est
absurdum.

XIV. Nihil ergo Porfanus agit, cum probat nostra esse opera. Quan-
quam hoc ipsum non bene probet, ex Paulo. Quia non sic Paulus dixit, *Non*
ego, sed gratia Dei mecum, quasi significans non se solum, sed vna cum gratia
Dei, aut etiam non gratiam solum, sed se vna. Græce: *ὁ Θεὸς ἰσχυρὸς ὁ Θεὸς*
ὁ Θεὸς ἰσχυρὸς. Hoc est: *Sed gratia Dei, qua mecum est:* quomodo expressit
Hieronymus contra Pelagianos lib. 2. & notantur Caietanum, Salmero Iusti-
nianus. Hoc est, non ego is sum, cui tribui debet id omne opus quod effe-
ctum, sed gratia Dei, quæ mecum est. Concedo utrique, id est, tum Paulo,
tum gratia totum opus tribui, quod Salmero voluit, concedo significatum
auxilium, atque opitulationem, quod Iustinianus: Sed id ita intelligendum,
non quomodo duæ principes causæ concurrunt, sed quomodo instrumen-
tum seruit principi: nimirum, vt et si sua efficacia sit instrumento, tamen o-
pus proprie referatur ad principem causam. Nam cæterum, absit vt ab his
verbis nos intelligamus, quod Iustinianus notauit, nullum à Paulo adhibi-
tum fuisse conatum, nullum laborem, aut industriam.

XV. De Christo iam dictum. Habuit sane sua, quæcunque habuit à Deo,
sed non vt externo principio, quia est ipse Deus, ac proinde habuit à se ipso;
quia habuit à Deo. Potuit ergo mereri. Sunt enim eius operationes omnes
ἵνα & ἵνα.

XVI. Tertia ratio: Quodcunque est meritum condignum, iustam ha-
bet proportionem ad eum à quo meretur, & ad premium. At bona opera non
habent iustam proportionem, aut ad Deum, aut ad vitam æternam. Ergo non
sunt merita.

XVII. Respondet Porfanus, aliam esse æqualitatis proportionem, aliam
condignitatis. De æqualitate concedit assumptum, negat maiorem. De con-
dignitate concedit maiorem, negat minorem. Quia operibus addita sit gra-
tia, instar imaginis regia, quæ monetam format. Hæc autem gratia extollit
opera, vt reddat digna obiecto.

XVIII. Sed nihil est difficile. Nam nos hanc ipsam condignitatis æqua-
litatem intelligimus in argumento, & descripsimus per iustam proportio-
nem ad eum à quo meretur. Hanc ergo ipsam nos negamus. Et rationem
habemus negandi, quia hæc proportio posita est in iustitiæ qualitate, qua si-
ne opera bona nulla aut esse aut dici possunt. Considerantur autem vel om-
nia, vel singula. Nempe, quia primum oportet singula eiusmodi esse, vt ne
sint infecta peccato, vt si per martyrium, exempli gratia, velit quis vitam æ-
ternam à Deo mereri, tum necesse sit hoc perfectum esse, & omnibus numeris
absolutum, vt nullum det locum cuiquam imperfectioni, quæ aduerferet iu-
stitiæ. Ratio facilis ab ipsa nummi similitudine, cui non est satis inculptam
esse effigiem Cæsaris, nisi etiam sit purus, nec recusus. Atqui iam nulla nostra
opera sunt non impura, non recusa. Itaq; nulla sunt merita.

XIX. Sed altera ratio est ex omnibus. Nam vita æterna non promittitur
vni alicui bono operi, aut certæ cuidam operum parti, quomodo emendo
agro non necesse est suum vniuersum thesaurum quempiam impendere, sed
promittitur omnibus, adeo vt si emenda sit, omnibus simul operibus bonis
sit acquiritenda. Nimirum, quia *maledictus qui non permanserit in omnibus qua-*
scripta sunt in lege, & qui in vno peccat, sit omnium reus. Nec vero partibilis est
vita, vt si non totam, at tantam queas obtinere. Imo, aut tota habenda, aut to-
ta carendum, ideoq; aut omnibus operibus comparanda, aut nullis. Et patet,
quia Christianis omnibus omnes iustitiæ partes cōmendantur. Prioris Petr.
1. *Sicut is qui vocauit vos Sanctus est, ipsi quoq; sancti in omni conuersatione, &*
ἵνα ὑμεῖς ἀσποῖς reddamini. Atqui rursus nemo omnium est, aut fuit, aut erit,
qui omnia sua opera exhibuerit iusta: nam in multis offendimus omnes. Ita-
que duplici iam nomine deficit proportio meritis necessaria.

XX. Atqui operibus addita gratia est. Ita est, sed hæc gratia, vel quali-
tas operibus inhærens significatur, vel indulgentia Dei. Si qualitas, nega-
tur ea gratia effici opera digna mercede, sitte digna Deo, quia hæc gratia non
omnino peccatum aufert, quamdiu sumus in hac vita. Sin autem indul-
gentia, condonans quicquid est imperfecti, hæc vero tollit omnem meriti ra-
tionem.

XXI. Illis operum defectibus Salmero se sperat satisfacturum varie.
Primo, illud Lutheri dogma, statuentis cuiusvis iusti opus damnabile co-
ram Deo, reprobaturum, & à sanis mentibus tanquam insanum explosum. Se-
cundo, imperfecta esse opera iustorum, si ad perfectionem comparentur, quæ
futura est in patria. Sed hanc perfectionem Deum à viatore non exigere.
Tertio, esse etiam imperfecta propter pugnam spiritus & carnis, sed hanc
imperfectiōnem purgatam esse sanguine Christi, nec imputari à Deo. Quar-
to, multa iustorum opera, si strictius exigantur, non nihil mereri correctio-
nis, & emendationis, sed non esse tamen damnabilia ex eo, quod ex fer-
uenti charitate Dei non procedant. Quinto, peccatum veniale consistere cum
iustitia.

XXII. Non merentur ista longam considerationem. Et de primo quidem
capite disputata controuersia est, vt ne sit nunc opus actum agere. Quod ad
secundum attinet, illa perfectionis ficta distinctio est, quia non potest esse
nisi ad præscriptum legis. Sed si tamen ei locus aliquis dandus, vt memini
non nihil simile ab Augustino fictum, quod alias notauimus: nempe oportet
intelligi secundum intentionem aut remissionem iustitiæ: quæ tamen sit v-
trinque vere iustitia, & nihil habens admixti peccati. At ego dico sanctis in
hac vita, non eam tantum deesse iustitiæ perfectionem, quæ est intensissima,
sed illam etiam remissionem, quæ nihil habeat peccati. Et id probari iis argu-
mentis quæ sunt allata.

XXIII. Purgatam esse huiusmodi imperfectiōnem sanguine CHRIS-
TI, quod erat in tertio capite, absit vt negemus. Sed si purgata sit, etiam
mereri, hoc vero omnes absurditatis terminos excedit. Purgatur enim non
nisi per remissionem admixti peccati. Remissio autem & meritum in vno
maxime eodemque opere opponuntur *ὡς ἅπαρ.* Non esse damnabi-
lia ea quæ non procedunt à feruente charitate, ex iam dictis intelligi potest,
potest enim concedi, vt prius dictum de intentione & remissione: Nam si
charitas non tantum sit non feruens, sed remissa, verum etiam peccato vi-
tiata, tum damnabilia dicimus, quæ inde procedunt, quia nusquam pecca-
tum est, non damnabile. Itaque Veniale consistere cum iustitia, fatemur, si
imputatam, si gratuitam intelligas, sed, si meritoriam ex condigno, ne-
gamus, quamquam venialis peccati monstrum, confusum est propria pu-
gna.

XXIV. Sed videte indignum Salmeronis facinus. Audiit obiectum il-
lud seuerissimum, *Maledictus qui non permanserit in omnibus quas scripta sunt*
in libro legis. Huic vulneri ita medetur. Primo, id maledictum non fuisse su-
per æternis bonis, quia hæc pendebant ex susceptione Christi, ideo ad lu-
dæos tantum pertinere, non ad nos. Secundo, in lege Euangelij non ferri male-
dictum statim ac quis præuarius sit, sed si in præuicatione perseuerarit.
Esse enim gratia beneficium, *Nolo mortem peccatoris, sed vt conuertatur, &*
viuat. Ezechiel. 33. Nam Christum in finem seruare maledictionem cum
dicturus est, *Discedite maledicti in ignem æternum,* Matth. 25. Tertio, maledi-
ctionem Christi non venire à peccato leui, & veniali, quod oratione & aliis
bonis operibus dispungatur.

XXV. Ego vero miror potuisse primum illud cuiquam Theologo veni-
re in mentem, tam per se absurdum, tam alienum à vera Theologia. Mitto
quam sit verisimile, Idololatriæ, Blasphemis, præter temporalia detrimenta,
nullum à lege supplicium proponi? Aut, nullos fuisse Iudæos ante Christum
damnatos pœnis post hanc vitam æternis. Mitto illud Augustini, *maledictio-*

nam est, panem eternam, expositione secunda Psalm. 108. Sed cur non attendunt viri Theologi, si Theologi, maledictionis eius usum nullum esse posse, nisi inter Judæos, si non fuit nisi temporalis? At Paulus longe producit latius, ut probet neminem, non tantum Judæum, sed ne Gentilem quidem iustificari per legem. Itaque, curiose notas vniuersalitatis adscripsit, *qui*, *quos*, *quod* ex operibus legis sunt, sub execratione sunt, scriptum est enim, *execrabilis quisquis non manserit in omnibus que scripta sunt in libro legis, ut faciat ea*, ad Galat. 3.

XXVI. Quid? quod ibidem paucis interpositis verbis, *At Christus nos redemit ab execratione legis*, siue, ut habet Latinus interpres, *à maledictio legis*. Quos, inquam, nos? an Judæos tantum? At Paulus Galatas, non Judæos, sed Gentiles alloquitur. Deinde, non tantum Justinianus, sed etiam Salmero, fatentur intelligi tum Judæos tum Gentiles. Ergo, inquam, maledictum non tantum temporale, sed etiam æternum. Nihil enim me mouet vtriusque subtilitas, distinguendum maledictum commune cum Adam, vnde sumus natura filij iræ, & maledictum peculiare non seruantibus legem: nam et si insulsi- tatis plus habeat, quam conueniat Thologo, tamen sufficit, quod vtrumque sub his Pauli verbis comprehendere agnoscat, inde enim conficitur vtrumque esse maledictum legis, à quo nos Christus liberavit. Vnde mihi certa conclusio, maledictionem legis absurdissime describi huius vitæ terminis, tum etiam Judaici populi limitibus. Sed potius vere, & certe extendi in omnes homines, & super omnes homines.

XXVII. Secundum concedo, sed quid inde accedat meritis non video: Estimero non hoc tantum maledictum in extremum vsque diem differ- tur, sed ei maledictio opposita etiam benedictio, *Venite benedicti Patris mei, possidete regnum paratum vobis à iactis fundamentis mundi*. Et si verum, recipi quotidie in sinum Abraham sanctos expectaturos beatam resurrectionem, sed nec minus verum, detru- di quotidie ad inferos, rebelles expectaturos vlti- mum iudicium.

XXVIII. Maledictum Christi non venire à peccato leui & veniali, primo Papisticum est somniantium *anagoræ* in distinctione peccatorum, de qua alias dictum, secundo dico, à nullo peccato venire condonato, siue illud magnum sit, siue leue, sed tantum ab imputato, neque enim eos duntaxat dam- nan, qui Christum tradiderunt, sed neque iis tantum condonari, qui leuicula illa peccarunt, quæ pro exiguis labeculis vix dignantur agnoscere Papistæ, sed & damnari eos, qui longe minus peccarunt, quam Chorazitæ, & misericordiam consequi primos peccatorum.

XXIX. Ratio quarta: Quæ dona sunt Dei, eadem non possunt esse merita condigna apud Deum: At qui bona opera sunt dona Dei, non possunt igitur merita esse apud Deum. Minor est extra controuersiam. Maior patet ex sensu communi: Nam meretur operariis à patrefamilias, non per ipsam illam pecu- niam, quam accipit, sed per laborē suum, quem non habet ab eo. Potest qui- dem aliquis mereri per ea quæ sibi donata fuere, sed apud alium, ut seruus il- le qui acceperat talenta à domino, fœnerabatur: at non domino, verum aliis quibuscumque, quomodo & nos iis ipsis operibus bonis, quæ accepimus à Deo, mereri possumus à proximis.

XXX. Aduersarij negant maiorem. Porfanius obiicit Christum, qui me- ritus sit apud Patrem, à quo tamen omnia acceperit. Alfonso de Castro con- fugit ad Veteres, affirmantes opera nostra esse Dei dona, & tamen merita no- stra, ut Augustin. Epist. 105. *Ipsa vita æterna, quæ vtiq; in fine fine fine habebitur, & ideo meritis præcedentibus redditur, tamen quia iam merita, quibus reddi- tur, non à nobis parata sunt per nostram sufficientiam, sed in nobis facta per gra- tiam, etiam ipsa vita æterna gratia nuncupatur: non ob aliud nisi quia gratis da- tur, nec ideo quia meritis non datur, sed quia data sunt ipsa merita, quibus datur.*

XXXI. Sed de Christo responsum est, quæ habuit, ita accepisse à Patre, ut tamē à se ipso habeat. Itaque illud accipere longe aliter sonat in eo mysterio, quam in hac nostra controuersia, nimirum accepit per generationem Chri- stus: at nos accipimus per gratiam: itaque, quæ ita accipimus, non habemus ex nobis, sed mere aliunde. Quare hæc exceptio nulla est.

XXXII. Veteres agnoscunt ita esse loquutos, ut dicerent dona Dei esse merita nostra: In eoque crebrum esse Augustinum, sed & alios, maxime post Augustinum. Verum nunquam auditum apud eos vel nomen meriti condi- gni, de quo nostra disputatio est instituta: Res ipsa multo minus. Nam ij meritum dixerunt impropiissime. Quod, ne longe abeam, docet Augusti- nus hoc ipso, qui citatur, loco, ubi disertè ista, *Vita æterna in fine fine fine ha- bebatur, & ideo meritis præcedentibus redditur*: quæ verba quid significant, nisi propter solam consequentiam nominari merita, nimirum quia præcedant opera, sequatur autem vita æterna? Quod sane longissime abest à merito proprie dicto, id est, condigno.

XXXIII. Ratio quinta: Quicquid derogat meritis Christi, oppositum est fidei Christianæ. At merita condigna operum humanorum derogant me- ritis Christi. Ergo eadem opposita sunt fidei Christianæ. Maiorem nemo ne- gat, neque enim potest aliter: cum merita Christi sint basis fidei Christianæ. Probatur ergo minor. Quia mereri significat ius acquirere, quod antea non habebatur, siue ex toto, siue ex parte saltem. Sic enim operarij in diurnum denarium nullum est, nisi per operas, nec antea has potest illum à patrefami- lias villo suo iure postulare. Ideoque, proprie loquendo non potest quis me- reri, quod iam suum est. Si ergo vitam æternam mereremur nostris operibus, ius aliquod acquireremus in eam, quod non habebamus. Si solidum, ergo nihil nobis Christus meruit, sin autem parziale: ergo aliquid est in æterna vi- ta, quod nobis Christus non meruit. Vtroque autem modo, manifestum est derogari meritis Christi.

XXXIV. At aduersarij negant minorem. Negationis rationem varie ex- primunt. Sanderus. Nam iis, inquit, meritis est vitam æternam, non qui ni- hil essent acturi ea in causa, sed qui per gratiam eius crederent in ipsum, & spatium temporis cum suppeteret, ambularent in iis operibus, quæ nobis ad eum finem præparasset, ut in eis ambularem. Ambulare autem ex gra- tia in operibus bonis, quibus vita æterna ex gratia promittitur, nihil aliud est, quam ex gratia mereri vitam æternam.

XXXV. Sed nos concedimus ita nobis Christum esse meritum, ut tamen noluerit otiosus contingere vitam æternam, imo ambulanti- bus in iis operibus, quæ præparauit ad eum finem. Negamus vero hoc ambulare in iis operibus, esse mereri vitam æternam. Imo hoc ipsum impugnatur ea ratione, qua con- firmata est à nobis minor, cui rationi nihil opponitur.

XXXVI. Salmero, Dicendum est, nostra & Christi merita pariter re- quiri, quia ita voluit. Nec propterea Christi meritis derogatur, non enim exi- guntur, quasi sua non sufficerent, sed quia decens non erat, ut absq; nullo no- stro opere Christi merita nobis applicarentur. Nam quia assimilandi illi era- mus in gloria, par erat, ut & in gratia configuraremur, & inueniretur miseri- cordia & veritas in hac via Domini.

XXXVII. Sed hic nihil audimus, præter nuda Salmemonis decreta, pro arbitrio constituentis, quid decens sit, quid æquum, denique, quid Deus vo- luerit, quasi cum prætorem nobis aliquis constituisset finiendis controuersis Theologicis. Sed nos ab immani ista tyrannide liberos fecit Deus. Vtraque, inquit, requiruntur, quia Deus voluit. Sed nos contra dicimus, nihil velle Deum, contra disertum suum verbum, quia mendax esse non possit. Est au- tem ex diserto eius verbo verum, Christum nobis in solidum meruisse vitam æternam, quod necessario falsum, si eadem promerenda sit nostris operibus. Itaque non possunt vtraque requiri merita.

XXXVIII. Non decuisse nobis applicari merita Christi absque no- stris operibus, non nihil habet ambigui, itaque neque simpliciter concedi, neque etiam negari potest. Nam merita Christi, intelligi possunt, vel illa, quibus nobis Christus meruit, vel illa, quæ nobis meruit. Priori modo ap- plicari nobis merita Christi signabit, quicquid iustitiæ fuit in Christo, fac- tum esse nostrum, ut inde ius nobis certum esset in vitam æternam, & hoc modo vehementer abire dicimus Salmemonem à rei veritate. Quia non ali- ter nobis ea merita applicantur, quam sine operibus. Non possumus enim saluari, siue tu initia salutis dicas, siue perfectionem, sine applicatione meri- torum Christi. At saluatos nos esse sine operibus diserte pronuntiauit Paulus. Quomodo ergo non decens applicari merita Christi, sine nostris operibus? Et omnino concedunt aduersarij primam gratiam dari absque operibus, siue meritis. Altero modo sensus erit, non esse decens conferri nobis vi- tam æternam absque nostris operibus, quod et si negari possit, exemplo in- fantium, tamen concedatur sane in adultis. Sed quid ad hoc rem? Nam ope- ra non sunt necessario merita, & solutio hæc incidit in eam Sanderi, de qua iam dictum.

XXXIX. Par est, inquit, ut Christo in gratia configuremur. Quomodo, inquam? Nam id aliquomodo verum: nimirum, quatenus sanctos nos esse oportet, sicut ille sanctus est. Et inde Paulus dixit, nos conformes fieri Chri- sto. Sed quicunque eam conformitatem extendunt ad merita, ut sicut Chri- stus meruit, etiam nos mereamur, imo quicquid ille meruit, & nos merea- mur, næ illi Theologi sunt nugatores, ne quid dicam durius.

XL. Tapperus respondet, potius Christum eiusque merita magis glori- ficari, confitendo meritum esse nobis non tantum vitam æternam, sed etiam ut eandem mereri possimus. Explicat simili, quia sicut maior est Christi glo- ria, cum Apostolis concessit ut miracula ederent, quam quod ipse ediderit, sic etiam, cum nobis concessit, ut vitam mereamur. Ceterus inducit Medicum, ita curantem morbum, ut non tantum infirmitatem & dolorem auferat, sed etiam vires reficiat, ad opera qualibet etiam ardua sufficientes.

XLI. Sed isti abutuntur nostra simplicitate, qui de aliis interrogati, de cepis respondeant. Nos dicimus detrahi meritis Christi, isti negant de- trahi Christo: & hoc se persuasuros sperant, si aliam dent rationem augen- dæ gloriæ Christi. Quasi, si cur dicenti neminem peccatorem redemptum, quis obiiceret hoc modo minui misericordiam Dei: at ille responderet, ni- hil deperire gloriæ diuinæ, quia sic apparet infinita eius iustitia. Hoc qui- dem diceret plausibiliter, sed non euinceret tamen, non minui misericor- diam. Gloria enim Dei & misericordiam comprehendit & iustitiam. Om- nino similiter gloriæ Christi forte quis doceat incolumem, qui prædicet effectisse, ut nos possemus mereri: at non ille tamen non detrahet de iis meritis, quibus idem Christus nobis vitam meruit æternam, quod nostrum est argu- mentum.

XLII. Præterea illud absurde dicitur, maiorem esse gloriæ, si Chri- stus efficiat, ut mereamur, quam si ipse in solidum sit nobis meritum. Ratio, quia queritur hic laus beneuolentie, non vero potentie. Nam potentiam, non inuitus agnouerim magis elucere in miraculis patris ab Apostolis, quā ab ipso immediate Deo, propter infirmitatem naturalem illorum. Sed bene- uolentie longe alia ratio est. Is enim sine dubio munificentior est longe, qui opes amplas largitur inopi de suo, quā qui facultatem ei dat quærendi opes proprio labore. Et sine dubio de illa liberalitate multum ille detraheret, qui in ea prædicanda hoc tantum commendaret.

C A P. XXI.

De fiducia operum.

I. Sexta ratio paulo erit prolixior, quia habet peculiarem controuersiam: Si operibus promeretur fidelis vitam æternam, ergo licebit fideli con- fidere suis operibus. At hoc absurdum. Ergo & illud. Consequentia faci- le confirmatur, quia licet confidere in omni vera causa, quæ ad finem opta- tum consequendum idonea est. At si operibus promeremur vitam, tum o- pera sunt vera causa vitæ. Ergo liceret operibus confidere. Quo argumen- to Bellarminus vtitur, capite septimo quinti de Iustificatione ad propositio- nem secundam.

II. Probanda igitur assumptio. Primo, Pauli ad Philip. 3. hoc fuit votum, ut comperiretur in Christo, non habens, inquit, *meam iustitiam quæ est ex lege, sed eam, quæ per fidem est Christi, iustitiam ex Deo per fidem*. En quam longe abfuerit ab iis, qui confidunt operibus suis, nam hæc iustitia est legis. Quod si Paulus non putauit sibi suis confidendum, quid alij facient?

III. Tum autem si licet confidere, ergo & gloriari. Quia hoc est glo- riari, non tam magnificis verbis sua extollere facta, quam magnificis cogi- tationibus, quando quidem verba nihil sunt, nisi indicia cogitationum. At non licere gloriari de operibus, constat ex Paulo ad Roman. 3. *Vbi est gloria- tio? Exclusa est. Per quam legem? operum? Non sed per legem fidei*. Quarto, Si A- braham ex operibus iustificatus fuit, habet quod gloriatur: at non apud Deum.

IV. Terio: Si licet operibus confidere, ergo ex operibus oportet esse iu- stitiam apud Deum. Quia salutis causa nulla esse potest præter iustitiam, quæ vere sit iustitia apud Deum. Psalm. 15. *Domine, quis habitabit in tabernaculo*

tuos aut quis requiescet in monte sancto tuo? Qui ingreditur sine macula, & operatur iustitiam. *Esaie 33.* Quis poterit habitare de vobis cum igne deuorante? Quis habitabit ex vobis cum ardoribus sempiternis? Qui ambulat in iustitiis, & loquitur veritatem. Atqui bonorum operum nulla iustitia, quæ vere sit iustitia apud Deum, prout alias proluxa disputatione probatum est. Ergo non licet cuiquam suis operibus confidere.

V. De consequentia non pugnant aduersarij. De consequente quis sit eorum sensus, antea monuimus: nimirum posse aliquam fiduciam collocari in operibus. Huius igitur sensus argumenta nunc examino. Et ex Scripturis quidem colligit Bellarminus aliquot locos, ex quibus constat pios apud Deum meminisse, suorum operum: *Nehem. 5.* Memento mei, Domine, in bono, secundum omnia que feci populo huic. *Psalm. 118.* Et retribuet mihi Dominus secundum iustitiam meam, quia custodivi vias eius. *Isaie 38.* Obsecro, Domine, memento, quæso, quomodo ambulauerim coram te in veritate, & in corde perfecto, & quod bonum est in oculis tuis fecerim. *Esther 14.* Tu scis necessitatem meam, quod abominer signum superbia, & gloria mea, quod est super caput meum in diebus ostentationis meæ, & detester illud sicut pannum menstruatum, & non portem in diebus silentij mei, & quod non comederim in mensa Aman. Denique postea ad *Timoth. 4.* Bonum certamen certavi, cursum consummaui, fidem seruauimus, in reliquo reposita est mihi corona iustitiæ.

VI. Atqui somnolentior hic fuit Bellarminus profecto, qui vim nullam argumenti indicat. Ego sane video nonnullam piæ vitæ commemorationem apud Deum, sed fiduciam positam in pia vita, siue operibus, nullam video. Neque video necesse, ut quisquis commemorat sua opera, etiam iis confidat. Apparet exemplo Pauli, qui, etsi sibi peracto legitimo certamine dicat esse repositam coronam iustitiæ, quæ certe aliqua confidentia est: at idem tamen, negauit se velle inueniri cum sua legis iustitia, unde apparet nullo modo confisum esse suis operibus. Clarius *Nehemias*, qui cum prius capite quinto & sexto, & alias rogasset Deum, ut sui esset memor secundum omnia, quæ fecerat, tandem, capite decimo tertio, explicat his verbis: *Pro hoc memento mei Deus, & parce mihi secundum multitudinem miserationum tuarum.* Quid manifestius? Nam quid opus ei parci, qui suæ confidit iustitiæ? Et quidem secundum miserationes?

VII. Alios locos Alphonsus de Castro colligit. Ex *Tobias 4.* Fiducia magna erit coram Deo, elemosyna omnibus facientibus eam. In quibus verbis, inquit aperte docet Tobias fiduciam coram Deo licite collocari in Elemosyna facta.

VIII. Respondeo, primo autorem esse Apocryphum: à quo præcessit illud longe durius: *Elemosyna ab omni peccato, & morte liberat, & non patietur animam ire in tenebras*, quod, vel falsum est, vel certe multum indiget curatione, ut non sit incommodum. Secundo, dissentiant à Græcis Latina vocabula. Nam Græce nihil est absurdum, *Δωρον γὰρ ἀποδοῖν ἰσχυρὸν ἐστὶν πᾶσι τοῖς ποιῶσι αὐτῶν ἐκείνων τὸ ὄψιν.* Donum enim bonum est elemosyna omnibus facientibus eam coram Altissimo. Tertio, Bellarminus vitur hoc eodem loco, ut probet non ex fide solum, sed ex bonis operibus nasci fiduciam, & quidem postquam sollicitè distinxit, aliud esse, nasci fiduciam ex operibus, aliud constitui in operibus. A quo nos certe non sumus alieni, qui confessi sumus in constituendo statu quæstionis cap. 5.

IX. Addit ex *Iob. 7.* Vita hominis super terram est, sicut dies mercenarij. Sicut enim mercenarius, inquit ille, præstolatur finem operis sui: sic & ego habui menses vacuos, & noctes laboriosas enumeraui mihi. Mercenarius autem sperans mercedem laboris sui, non solum habet fiduciam in veritate & bonitate domini, à quo fuit conductus ad laborem, sed etiam confidit in suo proprio labore: quoniam optime intelligit se non recepturum à domino mercedem, quamuis ille sit bonus & verax, nisi propter laborem suum.

X. Optime, si Franciscana somnia totidem essent demonstrationes. Sed, quis hominioni permittit oblatas similitudines, producere in infinitum? Certe *Jobus*, tum temporis fiduciam nullam verbatim animo, multo minus fiduciam ex meritis congruis. Argumenta. Primum axioma est vniuersale de vita non fidelium tantum, sed hominum. Perspicue. *Militia est vita hominis super terram, & sicut dies mercenarij dies eius.* At falsum omnium hominum esse merita condigna, quibus fidere possint. Alterum, suam ille perpetuam miseriam exprimit, & sine fine labores, *Sicut mercenarius præstolatur finem operis sui, sic & ego habui menses vacuos*, Hieronymus, siue quisquis est pro eo alius. *Similiter & ego me consequi arbitrabar, sed pro umbra refrigerij incurri aestus poenarum, & pro mercede mei operis, vacuus dimissus sum.* En tibi egregium argumentum fiduciæ!

XI. Sed est tamen vita hominis, sicut dies mercenarij. Esto, inquam, quid tum autem? At mercenarius fiduciam ponit in suo opere. Et hoc esto, inquam. Ergo homo fiduciam ponit in suis operibus: At hoc negatur, inquam. Ratio, quia, quæ sunt similia, non sunt, nisi *quæ in similia*. Aduentus Christi similis est aduentui furis, *Matth. 24.* sed in eo tantum, quod vterque sit incertus, non enim vterque ad malefaciendum. Hic ipse mercenarius opus domino nullo iure debet, nisi ex pacto. An si fideles Deo? Item, non omnes suas operas mercenarius, sed certas duntaxat. An Papistæ Deo seruiunt tantum ad numerum? Quæ cum ita sint, immanis est audacia, ex proposita parabola, verbum temere decerpere, cuius occasione, quasi libero aperto campo, petulanter exsultes, euagandi nullis propositis terminis. Sani certe interpretes non discedunt ab auctoris mente.

XII. Quid? quod mercenarius in opere suo non confidit, nisi absolute iuxta compactum? Nos ergo oportet ex eius similitudinis vi, operibus nostris non confidere, qui pensum perficimus nunquam, semper deficimus, nec in toto duntaxat, sed etiam in singulis partibus, adeo vt nec absoluiamus totum, nec ea ipsa quæ facimus, non faciamus male. Et his operibus quinquam confidat.

XIII. Argumentatur iterum ex *Matth. 9.* Confide filia, fides tua saluauit te fecit. In quibus verbis docuit illam licite fiduciam salutis posse habere, quia fidem tenebat, præcepit ergo, vt confideret in illo, & in fide, quam de illo conceperat.

XIV. Mirum argumentum à fide ad opera. Atqui hæc illi apud Apostolum perpetuo opponuntur, adeo vt tollant se mutuo. Fide enim seruari, minime vero operibus. Quinetiam *Salmero* ad *Galatas* disputat. 17. ad argumentum 8. Dicendum est, hic non esse sermonem de fide & aliis præpa-

rationibus, quæ ad percipiendam gratiam disponunt, constat enim in illis nullum esse iustitiæ meritum. Audin', *Alfonse*, in fide nullum esse meritum iustitiæ? Quid ergo fides ad probandum fiduciam in meritis operum reponendam?

XV. Iterum ex prima Joannis 3. Si cor nostrum non reprehenderit nos, fiduciam habemus apud Deum, & quicquid petierimus, accipiemus ab eo, quoniam mandata eius custodimus. Docet nos ex adimplerione mandatorum Dei posse concipere fiduciam obtinendi à Deo, quicquid orantes petierimus.

XVI. Sed primum illud falsum de adimplerione legis. Dixit Joannes, quia mandata eius custodimus, non autem implemus. Non esse autem idem vtrumque manifestum, quia nullus peccator implet mandata, & tamen aliquis peccator custodit mandata. Nam omnis fidelis custodit, & tamen omnis fidelis peccator. Nimirum, quia custodire mandata dicitur non tantum de omnibus numeris absoluta obedientia, cuiusmodi in Christo etiam dum in terris viueret, item in sanctis receptis in patriam, sed etiam de inchoata, custodit enim, qui incipit custodire.

XVII. Deinde argumentum non est ad thesism, non enim negamus ex bonis operibus, siue, vt ille loquitur, ex adimplerione legis, nasci fiduciam, sed in bonis operibus constitui: Ioannem autem illud concedimus dicere, hoc negamus.

XVIII. Postremo argumentatur ex *Postea ad Timoth. 4.* Bonum certamen certavi, cursum consummaui, fidem seruauimus, de reliquo reposita est mihi corona iustitiæ, quam reddet mihi Dominus in illa die iustus iudex. Videte, quantum se dicat Paulus habere fiduciam assequendi coronam iustitiæ propter præclara opera, quæ meminit se fecisse.

XIX. At ego Papistas miror tam inconstantes, aut certe tam obliuiosos, qui nunc nobis confidentissimum Paulum propinent, quem tamen alias, quasi exemplar diffidentia obiciunt. Meminimus enim, cum de fidei securitate ageremus, detortum illud fuisse, Nihil mihi conscius sum, & tamen in hoc non sum iustificatus. Vide libri 13. cap. 15. Sed nos tamen in his Pauli verbis ingentem agnoscimus, & vere Christianam fiduciam, dignam, unde fideles omnes sui consolandi occasionem sumant. At fiduciam in operibus, fiduciam in meritis nullam ne ostendisse quidem Alphonsum obseruare possumus: assidentem duntaxat, audimus: Et ridemus. Nam cursum consummaui, fidem seruasse, etsi significet bona opera fecisse, tamen non significat nunquam peccasse. Itaque, etsi meminerit Paulus præclarorum suorum operum, tamen non significat sibi propter ea opera reddendam coronam, quæ de re alias disputatum.

XX. Bellarminus addit exempla Veterum. Hieronymo teste, Paulum Eremitam morti proximum dixisse, Peracto cursu superest mihi corona iustitiæ. Et Hilarionem, Egrederere anima mea, egredere, quid times? septuaginta prope annis seruisti Christo, & mortem times? Teste Sulpitio, Sanctum Martinum, diabolo adstanti, Quid hic astas, cruenta bestia? nihil in me funeste reperies. Abrahæ me sinus excipiet. Teste Bonauentura, Franciscum, Edu de custodia animæ meam ad constituendum nomini tuo: me expectant iusti, donec retribuas mihi.

XXI. Quid hæc, inquam, ad rem? aut quo peregrinabatur Bellarmini disputantis animus? Nam hæc verba, vt plena sunt pietatis & fiduciæ, ita nihil habent meritorum, de quibus oportuit Bellarminum agere. Nobis ergo vitia fuissent huiusmodi exempla, cum contendebarus certos esse fideles de exitu suo felici, quod pertinaciter negabant Papistæ, negabat ipse Bellarminus, sed nunc nihil habent vitium.

CAP. XXII.

Auctoritates Patrum contra merita.

NEC vero Patres Catholici meritis condignis sunt propitij: Ex quibus paucos Bellarminus locos explicare conatus est. Nos addemus alios.

II. Primum constituit Hilarium in *Psalm. 51.* Spes in misericordia Dei in seculum, & in seculum seculi est. Non enim ipsa illa iustitia opera sufficient ad perfectam beatitudinis meritum, nisi misericordia Dei etiam in hac iustitia voluntate, humanarum demutationum & motuum vitia non reputet. Respondet Hilarium docere duntaxat, cum bonis meritis admisceri peccata quædam, quæ, tamen non faciant hominem iniustum, cum sint leuia & venialia, tamen remissione & misericordia indigent, quia nihil coinquinatum intrare potest in regnum celorum.

III. Nos contra. Primo, illud de veniali peccato somnium à nobis iam solide esse profligatum, & vero his ipsis verbis conuinci absurdissimum, tum quod negetur facere hominem iniustum, quo quid potest dici alienis à bona mente: Certe, ab Apostolo, qui peccatum definiuit *uoluntas*. Rursus negat facere iniustum, & tamen concedit facere coinquinatum. Age, inquam, quod illud, quæso, coinquinationis genus est, si non est iniustitiæ? Et, si est iniustitiæ, quomodo non facit iniustum? Secundo Hilarium dicere, bona opera non sufficere ad beatitudinis meritum, hoc vero multis parafangis distat à Bellarmino substituente, meritis admisceri vitia. Enimuero, quod non sufficit ad meritum, non potest esse meritum: At, qui meritis dicit misceri vitia, supponit esse merita, id est, directe contradicit.

IV. Succedit Basilus, cuius hæc sunt in *Psalm. 114.* Manet sempiterna requies illos, qui in hac vita legitime certauerunt, non ob eorum merita factorum, sed de munificentissimi Dei gratia, in qua sperauerunt. Bellarminus primo versionem suggillat: Græce legi *ἀποκρίται γὰρ ἀνταποδοῦν αἰώνια τὰς τοιαύτας τὰς ἐργασίας αὐτῶν, ὅτι οὐκ ἔστιν ἐργον ἀποδοῦν, ἀλλὰ καὶ τὸ μέγα δῶρον Θεοῦ, ὅτις εἰς αὐτὸν ἡλπίζοντες παρεχομένη.* Hæc significare requiem æternam reddendam legitime certantibus, non secundum debitum operum, sed secundum debitum Dei munificentissimi, id est, non pro mensura operum, sed pro mensura magnificentiæ Dei, siue, non quantum debetur operibus, sed pro mensura magnificentiæ Dei, siue non quantum, sed multo amplius, quantum videlicet decet munificentiam diuinam.

V. Nos vero agnoscimus in Græco textu non exprimi gratiam, quam Latinus interpres, quisquis est, expressit in secundo membro. Verum tamen primo, facile apparere cuius iudicio lectori, non commode repeti *ἀφ' ἑλπίου*, sed hiare potius locum defectu vnius voculæ, quomodo infinita occur-

et initia. Atqui, si merita excluduntur duntaxat ante gratiam, admittuntur post gratiam. Ergo secundum merita perficitur salus, & perducemur ad vitam æternam, quod ipsum disertissime negat Augustinus. Sensisset fortasse cum Papistis, si dixisset, Non pro meritis nostris deduxit nos ad gratiam, siue ad initia salutis, siue ad spem vitæ æternæ, sed longe aliud dixit, cum dixit, Non pro meritis perducet ad vitam æternam. Recte dicam, sine pane perduxit nos Deus ad ultimam senectam, quis enim nescit Deum uti pane ad pro rogandam cuique vitam?

XIV. Rursus, Cum primum venerit, sua dona coronabit, non merita tua. Quid illud est, cum primum venerit? An prima gratia? An initium salutis? Negant ipsi Papistæ, qui negant ibi locum esse meritis, ideoque & premio. Ergo de eo ipso loquutus est Augustinus, in quo maxime Papistæ merita defendunt. Loquutus, inquam, de vita æterna. Habemus igitur, eo autore, tum temporis, cum donabitur nobis vita æterna, redditum ibi quidem nostris operibus, sed non tanquam meritis. Quod ipsum disertius cap. 7. de Gratia & Libero arbitrio, Non Deus coronat merita tua, tanquam merita tua, sed tanquam dona sua. Et de Tempore, sermon. 49. Exaudi me, Domine in iustitia tua: hoc est, non in mea, si diceret, Exaudi me in iustitia mea, tanquam meritum vocaret. Et iterum, Tunc Deus coronabit, non tam merita tua, quam dona sua, quicquid tibi donauit, si seruasti, cognoscit. Attende geminum respectum in operibus bonis, alterum quatenus merita, alterum quatenus dona. Vtro ergo respectu redditur illis vita, redditur corona? Attende: nam hic nodus est. Diserte Augustinus, non tanquam merita, sed tanquam dona. Sensus est: Corona iustitiæ reddetur operibus bonis: at non tanquam essent merita tua, sed quatenus sunt dona Dei. Quis non cæcos dicat, qui hoc non videant? furdos, qui non audiant?

XV. Magni hæc momenti consideratio est: quia infinitis locis occurrit apud Augustinum, vitam æternam reddi operibus, & tamen esse gratiam, quia ipsa opera data sunt ex gratia. Vnde hauerunt Papistæ subtilem hanc separationem operum ante gratiam, & operum post gratiam, quasi illis quidem negari posset, meriti nomen, istis vero concedi deberet. At hoc est præter Augustini mentem, cuius hæc doctrina fuit, operibus ante gratiam nullo modo reddi vitam æternam, sed operibus post gratiam, reddi quidem: at non tanquam meritis, sed tanquam donis. Nimirum quia meritum oportet à nobis esse, cum tamen bona opera non sunt à nobis. Si operibus bonis tanquam meritis redderetur vita, ergo bona opera coronarentur tanquam à nobis, non tanquam dona. At coronantur tanquam dona, non tanquam à nobis, ergo iidem redditur vita, non tanquam meritis.

XVI. Nostra igitur sunt quæcunque eiusmodi occurrunt, qualia illa ipsa quæ ostendit Bellarminus, ut ex Epistol. 105. Ipsa vita æterna, quæ in fine sine fine habebitur, & ideo meritis præcedentibus redditur, tamen quia eadē merita quibus redditur, non à nobis parta sunt per nostram iustitiam, sed in nobis facta per gratiam, etiam ipsa gratia nuncupatur, non ob aliud nisi quia gratis datur, nec ideo quia meritis non datur, sed quia data sunt & ipsa merita, quibus datur. Et post, Cui debetur vita æterna, vera iustitia est, si autem vera iustitia est, ex te non est, desursum est, descendens à patre luminum. Ut haberes eam, si tamen habes, profecto accepisti, quid enim habes, quod non accepisti? quapropter, hoc mo, si accepisti, est vitam æternam, iustitia quidem stipendium est, sed tibi gratia est, cui gratia est ipsa iustitia. Tibi enim tanquam debita redderetur, si ex te tibi esset iustitia cui debetur. De Gratia & Libero arbitrio, cap. 6. Cum dicunt Pelagiani, hanc esse solam non secundum merita nostra gratiam, quæ homini peccata dimittuntur, illam vero quæ datur in finem, id est, æternam vitam, meritis nostris præcedentibus reddi, respondendum est eis: Si enim merita nostra sic intelligerent, ut etiam ipsa dona Dei esse cognoscerent, non esset reprobanda ista sententia, quoniam vero merita humana sic prædicant, ut ea ex se metipsis habere hominem dicant, prorsus rectissime respondet Apostolus, Quis enim te discernit? quid autem habes quod non accepisti? si autem accepisti, quid gloriaris quasi non acceperis? Prorsus talia cogitanti verissime dicitur, Dona sua coronat Deus, non merita tua, si tibi à teipso, non ab illo sunt merita tua. Hæc enim si talia sunt, mala sunt, quæ mala sunt, non coronat Deus, si autem bona sunt Dei dona sunt, sed enumerare plura non est necesse, quia singulis pene paginis recurrit.

XVII. Tercio illud ipsum inde probatur, quod eorum etiam meritum Augustinus excludit in quibus dispensationem salutis gratia inchoauit, adeo ut sola superest gratiæ corona. In Psalm. 142. Cum diceret Propheta, Propter nomen tuum uiuificabis me in iustitia tua. Non de præterito uiuificasti, ut intelligi posset prima gratia, quam iam accepisset, sed in futurum uiuificabis, ut intelligatur id quod supererat post eam primam gratiam, secundum quam erat iam uiuificatus, ac proinde illud ipsum, ubi necesse est meritum esse, aut nullum esse, ex ipsa Papistarum doctrina. Hic ergo Augustinus, In iustitia tua, non in mea, non quia ego merui, sed quia tu miseris: nam si meum ostenderem meritum, nihil abs te mererer nisi supplicium. Auulsi merita mea, inseruisti dona tua, propter nomen tuum uiuificabis me. De Tempore sermon. 15. Tempus mortis, laboris, miseria peccata nostra nobis reperiunt. Tempus vero latitæ, quietis, felicitatis, non venit de meritis nostris, sed de gratia Saluatoris. Aliud meremur, aliud speramus. Meremur mala, speramus bona. Hoc facit gratia eius qui creauit nos.

XVIII. Sed & vide, quod imperfectionem iustitiæ in iustissimis quibusque asserat, ad eo ut iustificationem constituat in remissione. Sermon. 49. de Tempore. Sequitur, Et non intres in iudicium cum seruo tuo. Quid est, non intres in iudicium cum seruo tuo? Non stes tecum in iudicio, exigendo à me omnia quæ præcepisti, & omnia quæ iussisti. Nam me inuenies reum, si in iudicium intraueris tecum. Opus est ergo, inquit, mihi misericordia tua potius, quam liquidissimo iudicio tuo. Quare, ergo ne intres in iudicium cum seruo tuo? Sequitur & dicit, Quia non iustificabitur in conspectu tuo omnis uiuens. Seruus enim sum. Quare tecum stas in iudicio? Misericordia Domini utar. Quare? Quoniam non iustificabitur in conspectu tuo omnis uiuens. Quid dixit? Quamdiu uiuitur in hac vita, nemo iustificatus est, sed in conspectu Dei. Non frustra addidit, in conspectu tuo, nisi quia potest esse iustificatus aliquis in conspectu hominum, ut & illud impleatur, secundum iustitiam quæ est ex lege, qui sine querela in conspectu fuerim hominum. Referat in conspectu Dei, Non iustificabitur in conspectu tuo omnis uiuens. Quid ergo facturi sumus? Clamemus, Infelix ego homo, quis me liberabit de corpore mortis huius? Clamemus, Ne intres in iudicium cum seruo tuo, Gratia Dei per Iesum Christum Dominum nostrum.

XIX. Prosperum discipulum Augustino magistro subiiciamus. De Vocatione Gentium lib. 1. ca. 5. Deus multimoda vocationis varietatem ad vnam gratiam pertinentem, etiam illa regula Evangelica comparationis adstruxit, quæ ostendit patrem familias diuerso tempore conducentem operarios vineæ sub pactione denarii, quo vita æterna significatur æqualitas, ubi sine dubio hora undecima intromissi in vineam, totius diei operariis ex æquati, istorum, de quibus nunc loquimur, præferunt sortem, quos ad commendandam gratiæ excellentiam in defectu diei & conclusionem vitæ diuina indulgentia munerauit, non labori precium soluens, sed diuitias bonitatis suæ in eos quos sine operibus elegit, effundens, ut etiam ij qui in multo labore sudarunt, nec amplius quam nouissimi acceperunt, intelligant donum se gratiæ, non accepisse mercedem.

XX. Bellarminus explicat, eo sensu dictum, vitam æternam donum esse gratiæ, non mercedem operum, quo sensu dixit Augustinus, dona sua coronat Deus, non merita tua, videlicet, operum quæ sunt in nobis tanquam à nobis, sed à gratia Dei. Porro non negare Prosperum vera merita, quæ oriuntur à gratia, ex his constare verbis eodem loco, Bona merita sunt in homine post adeptam gratiam, non autem præcedere.

XXI. Consensum Augustini & Prosperi, absit ut dirimam. Non potest sane vita æterna esse præmium operum bonorum, quæ sunt à nobis, quandoquidem hæc omnino nulla sunt. Sed ne horum quidem quæ in nobis sunt à gratia, præmium esse ex condigno, Prospero adeo aperte cõfirmat, ut nisi sponte cæcutienti, obscurum esse non possit. Primo enim denarium dixit esse vitam æternam, hanc dari inæqualiter laborantibus æqualem, ideoque non mercedem laboris. Quasi ex primeret, si daretur merces laboris, dandam esse inæqualiter laborantibus inæqualem. Deinde laborantibus dari. At hi quando laborant? Num, ante quam sint vocati? Antequam promissa merces? Id est, ante primam gratiam? Minime vero. Nam parabola directe contra est. Quid ergo vitiligatio, quid tergiversatio est, quid caluania, si hæc non est? Audiamus. Iis operariis, qui post vocationem laborarunt inæqualiter, datur æqualis vita æterna. At si merces esset laboris, daretur inæqualiter. Ergo iis, qui post vocationem laborarunt inæqualiter, non est merces laboris. Non est ergo meritum in labore, quod nos volumus. Aliter: Non est merces laboris. Sed cuius laboris? In vinea, an extra vineam? Manifesta est parabola. Itaque omnino intelligit Prosper, ne operum quidem factorum ex gratia (nam hæc sunt in vinea) mercedem meritam ex condigno dari vitam æternam. Denique, si merces est operum ex gratia: Ergo vel opera oportet esse æqualia, vel, si hæc inæqualia, illam inæqualiter dari, quod vitrumque falsum.

XXII. Quare, quod addit Bellarminus, non negare Prosperum vera merita, quæ procedunt ex gratia, neque verba retinuit, neque sensum Prosperi. Merita nominat: at nunquam vera merita. Sed audi verba, Omnibus hominibus, cuiuslibet generis, cuiuslibet conditionis & ætatis, causa percipiendæ gratiæ voluntas Dei est, apud quam ratio electionis abscondita est, ab ea gratia incipientibus meritis, quam accipere sine meritis. Parumne sibi Jesuita arrogat, qui non merita cum Prospero, sed vera merita audet nominare? Nimirum illa sua ex condigno semper cogitans. Sed non sic Prosper, qui hæc ipsa merita ex gratia à suo didicit Augustino, de quo, quæ dixi supra, de Prospero etiam dicta volo.

XXIII. Sed audi eundem Prosperum eod. cap. & mirare: dissimulatum à Bellarmino, Quod si & ad illos dirigas mentis intuitum, qui longam agentes in flagitiis & sceleribus ætatem, sacramento baptismatis Christi in ipso sine vita renouantur, & sine ulla suffragio bonorum operum in regni celestis consortium transferuntur, quo intellectus diuinum iudicium comprehendens, nisi ut indubitanter agnoscat gratuita esse Dei munera, & sicut nulla sunt tam detestanda facinora, quæ possint gratia arcere donum, ita nulla posse tam præclara opera exire, quibus hoc quod gratis tribuitur, per retributionis iudicium debeat: Vilesceret enim redemptio sanguinis Christi, nec misericordia Dei humanorum operum prærogatiua succumberet, si iustificatio, quæ fit per gratiam, meritis præcedentibus deberetur, ut non munus largientis, sed merces esset operantis.

XXIV. Bernardus serm. r. de Annuntiatione, Neq. talia sunt hominum merita, ut propter ea vita æterna debeat ex iure, aut Deus iniuriam aliquam faceret, nisi eam donaret. Sermon. 15. in Plā. Quis habitat. Totum hominis meritum est, si totam spem suam ponat in eo, qui totum hominem saluum facit. Sermon. 61. in Cantica, Proinde meriti tuum, miseratio Domini. Itē altercando cum Diabolo, dixit, Fateor, non sum dignus ego, nec propriis possum meritis regnum obtinere celorum. Cæterum dominus meus duplici iure illud possidens, hereditate patris, & merito passionis, altero ipse contentus, alterum mihi donat.

XXV. Ad primum istorum locorum respondet Bellarminus, mentem esse Bernardi, non deberi vitam æternam ex meritis, iure absoluto, nimirum quia præsupponenda sit & gratia & promissio. Hoc probat, quia idem dicat paulo post propterea non deberi meritis ex iure, quia merita ipsa nascuntur ex gratia. Ad reliqua loca respondet, intelligendum merita nostra non esse ex nobis, sed ex misericordia Dei. Vel fortasse, Bernardum ex humilitate, quæ propria merita ignorat, aut ex incertitudine gratiæ, prudenter non esse confisum meritis sui, sed soli misericordiae diuinæ.

XXVI. Sed Bellarminus nunquam exfuit Jesuitam, adeo nihil non peruerse agit. Nam Bernardum dico loqui de ipsi meritis præsupposita gratia & promissione, itaq. asserere, nulla esse fidelium post acceptam gratiam merita, quibus, eadē ex vi promissionis, debeat vita æterna. Aduerte, Necessè est inquit, primo omnium credere, quod remissionem peccatorum habere non possis, nisi per indulgentiam Dei, deinde quod nihil prorsus habere queas operis boni, nisi & hoc dederit ipse, postremo, quod æternam vitam nullis potes operibus promereri, nisi gratis detur & illa. Nota ordinem. Nam manifestum est non enumerari tria capitula, quæ seorsim singula substantiant, sed tres gradus potius, à quorum primo progressus fit ad secundum posito primo, & inde ad tertium positis primo & secundo. Nimirum, ut primum obtineatur gratis remissio peccatorum, deinde, ut, sic remissis peccatis, obtineantur à Deo bona opera, tertio, ut & remissis peccatis, & obtentis bonis operibus, tamen rursus gratis detur vita æterna.

XXVII. Et quidem primi secundique nexus est manifestus, nec negabitur ab aduersariis: vnde iam verisimilis sit tertij nexus cum præcedentibus. Sed quia mihi res est cum præfectæ frontis hominibus, verisimilitudinem non agam, agam disertis verbis. Primo, quod hæc videntur verba, quæ haud ita multo post leguntur: Ipse enim peccata condonat, ipse donat merita, & præmia nihilo-

